


СБ1
Э 450

JSSN 0235—1218

ЭЛ-АЛТАЙ

N3



1987

3-чи чыгаргай



да. Солдон оған жаңы жаар драматург.
Кайранду ишчизи Паулс Путныш.
комсомолының сыйының лауреалды
СР-диг Государственный сыйының
окпелнис.

КОНТРОЛЬНЫЙ ЛИСТОК
СРОКОВ ВОЗВРАТА

КНИГА ДОЛЖНА БЫТЬ
ВОЗВРАЩЕНА НЕ ПОЗДНЕЕ
УКАЗАННОГО ЗДЕСЬ СРОКА

Колич. пред. выдан.

ЭЛ-АЛТА

(Чүмдемел-кеендик депт.)

Туулу Алтайдың бичичилик биригү

3 ТМФ т. 1 ижн. З. 2146—85

1987
3-чи чыгарганы

АЛТАЙДЫҢ БИЧИКТЕР ЧЫГАРАР ИЗДАТЕЛЬСТВОНЫНЫҢ
ТУУЛУ АЛТАЙДАГЫ БОЛУГИ

РЕДАКЦИЯНЫҢ КОЛЛЕГИЯЗЫ:

Б. Бедюров — Туулу Алтайдың бичиичилик биригүзининг каруулу каңызы, Ж. Белеков — поэт, Э. Палкин — бичиичи, Т. Торбоков — бичиичилик биригүзининг литконсультантты, тургузаачы-редактор, А. Ередеев — поэт ле прозаик, С. Каташ, Ст. Каташев — филология наукалар кандидаттары.

Э 450 Эл-Алтай: Литературно-художественный сборник (3-й выпуск).—Горно-Алтайск: Горно-Алтайское отделение Алтайского книжного издательства, 1987. — 136 с.

Бу дептер бүткүллиңе областының культурадагы јүрүмінде айдары жок жаң ал-жондық-политика, учурлу керек болгон Латвия ССР-дің литературазының Туулу Алтайдағы Құндерине учурлалат.

4701000000 — 027
Э М 138 (03) 87 172 67 — 87

Горно-Алтайское книжное издательство

Б. Ортонулова

им. М.И. Кузнецова

ЭЛ-АЛТАЙ

Литературно-художественный сборник

(3-й выпуск)

На алтайском языке

Художник А. М. Кузнецов

Отв. за выпуск З. Шинжина. Худ. редактор В. Ортонулова.
Тех. редактор Е. Манышева. Корректор Л. Патагашева

Сдано в набор 06.08.87. Подписано в печать 08.09.87. АН 10860. Формат 70×84 1/16. Бум. тип. № 3. Гарнитура литературная. Высокая печать. Усл. п. л. 9,26. Уч. изд. л. 8,56. Тираж 1000 экз. Заказ 2943. Цена 60 коп.

Горно-Алтайское отделение книжного издательства, 659700, г. Горно-Алтайск, ул. Горно-Алтайская, 36. Горно-Алтайская типография, пр. Коммунистический, 35.

© Горно-Алтайское отделение Алтайского книжного издательства, 1987

ЛАТВИЯГА АЛТАЙДЫНГ УТКУУЛЫ

Кадын суузы чакпынду,
Канча жүзүн балыкту.
Кадын бажы Ўч-Сүмер
Канча түмен алкышту.

Алтын-Көлдинг чанкыр суу
Алтан түмэн балыкту.
Ак мёнкүлү тайгалар
Алтан жүзүн быйанду.

Алтын сүрлү Алтайга
Амадап келген латыштар.
Албатыстынг жыргалын
Ајарып көрөөр, айылчылар.

Күмүш сүрлү Алтайга
Күүнзеп келген латыштар.
Күүнзек алтай калыктын
Кожонын уксаар, айылчылар.

Арка јердинг ёлөнги
Алтан жүзүн торкодый.
Алдыстагы айылчылар
Алтын кошкон жүстүктүй.

Меес јердинг ёлөнги
Бежен жүзүн торкодый.
Биске келген айылчылар
Мөңүн кошкон жүстүктүй.

Жетен жүзүн јер чечек
Алтайстынг уткуулы.
Жетен жүзүн бу кожон
Јоныбыстынг жыргалы.

Алтан жүзүн јер чечек
Алтайстынг уткуулы.
Алтан жүзүн бу јангар
Албатыбыс ойыны.

(Сөстөрии Шуны Ялатов чүмдеген)

ЛИТЕРАТУРАЛАР НАЈЫЛЫГЫ — КАЛЫКТАР НАЈЫЛЫГЫ

ЛАТВИЯ ССР-дин ЛИТЕРАТУРАЗЫНЫГ КҮНДЕРИ —
ТУУЛУ АЛТАЙДА

Былтыр октябрь айда Латвияда алтай литературанын Күндери ёдүп, эки калыктынг литературалары ортодо јакшынак колбулар тургузылган. Ол керегинде көп бичилген де, айдылган да. Быыл дезе бистиг јол-јорыгыска каруу эдип, латыш најылар Туулу Алтайга келип јүрдилер.

Латвиянын литературазынынг Туулу Алтайдагы Күндери 6 июльде Горно-Алтайск городто көдүригилүү айалгада ачылган.

Карындаштык республиканынг делегациязын Латвия ССР-дин Компартиязынынг Төс Комитетининг культура бөлүгүнинг башкарачызы Айвар Горис ле Латвиянын Бичиичилик биригүзининг Башкартузынынг председатели Янис Петерс башкарған. Айылчылардын тоозында Латвиянын Бичиичилик биригүзининг Башкартузынынг качылары Марис Тралмакс, Анна Жигуре, Андрис Колбергс, Латвия ССР-дин культуразынынг Кайралду ишчилери — поэттер Марис Чаклайс, Лия Бридака, Борис Куняев, драматург Паулс Путныньш, актриса Лилита Озолина болгондор. Литературанын Күндерин откүреринде ЛССР-дин комсомолынын сыйынынг лауреаттары прозаик Марина Костенецка ла Мара Залите, поэттер Кнутс Скуениекс, Янис Рокпелнис, публицист Эрикс Ханбергс, поэт-коччуреечилер Улдис Берзиньш ле Петерис Бруверис, КПСС-тинг Резекнедеги райкомынынг баштапкы качызы Зигмунд Петкевич, республиканынг төс прессазынынг, телекөрүлтезининг, радиозынынг каруулу ишчилери, «Орнамент» деп жарлу фольклор ансамбльдиги артисттери, ончозы 37 кижи турушкан.

Ол ло күн 12 час түште латыш айылчылар ла партия обкомынынг качызы Б. К. Алушкин, Туулу Алтайдын бичиичилик биригүзининг каруулу качызы Б. Я. Бедюров Мак кереезине чечектер салгандар. Оноң городтынг төс тепсенинде, В. И. Лениннинг кереестигиң жаңында Најылактынг митинги откён.

— Улу Октябрьдагы социалистический революциянын 70 јылдыгы, Алтай крайдын төзөлгөнинен ала 50 јылдыгы темдектелер јылда ёдүп жаткан бистиг туштажубыс ленинчил национальный политиканынг жаркынду керези болуп жат — деп, митингти ачып турға, КПСС-

тиң горкомының баштапкы качызы В. А. Леонтьев айткан. — КПСС-тин Төс Комитетининг ёби аайынча эмди ороон ичинде литература ла кееркемелдинг Күндери, жайаандык отчеттор, туштажулар элбеде ѳöt. Најылыктың байрамы бўгўн Туулу Алтайда башталган.

Латвия ССР-диг Компартиязының Төс Комитетининг культура болўгининг башкараачызы А. Горис латыш калыктың ёдўп келген уур-ќўч ѡоли керегинде қыскарта куучындаган. «Балтика талайдын ыраак јараттарынан бис бойбыстынъ кожондорысты, кўўлеристи, чўмдемелдеристи экелдибис — деп, ол айткан. — Бистинг калыктың бўгўни јўруми, ижи-тожы, санаа-амадулары керегинде слерге куучындан берерге турубыс. Ё бис јангыс ла кожондоорго ло бијелеерге келбекенис. Слердинг областъта экономика ла культураның дўзумиле, ченемелиле таныжарга кўунзейдис. Онын учун сурактарыс та слерге кўп болор».

— «Ат киштежип таныжар, улус куучындајып таныжар» деп, алтай эл-јон айдат. Ё бистинг таныжубыс бўгўн башталып јаткан эмес — деп, митингте куучынын «Литература ун Максла» газеттин редакторы поэт Марис Чаклайс баштаган. Ол јарлу латыш бичиичи В. Лацистинг Алтайда иштегени, И. Зиедонистинг Туулу Алтайла јорыктап бичиген «Поэттинг кўндўк дептери» деп бичиги, бистинг калыктардын алдынан бери улалып келген колбулары керегинде айткан.

«Циня» газеттинг юртхозболўгининг башкараачызы Э. Ханбергс куучынында текши орооныстынг ийде-ќўчин ле ёзўмин јарандырарына бистинг кажыбыстын ла кожуп турган ўлўбистинг учурын темдектеген.

Кўннинг экинчи јарымында Латвия ССР-динг бичиичилери ле кееркемел ишчилери партия обкомының каруулу ишчилериле тушташкан. Туштажуда КПСС-тин Горно-Алтайсктагы обкомының баштапкы качызы Ю. С. Знаменский областътынг экономикадагы ла социальный ёзуми, Совет јангынъ јылдарының туркунына онынг јеткен једимдери керегинде куучындаған.

Латвия Компартиязының Төс Комитетининг члени, Латвия ССР-динг Верховный Соведининг депутаты А. Горис јылу уткуулдар ла Туулу Алтайга айылдан кычырганы учун јаан быдан айткан.

Латыш литератураның Туулу Алтайдагы Кўндерининг эн баштапкызы јылу туштажуларла байлык, ныкта ла кўдўринилў ѳitti.

Карындаштык республикадан келген айылчыларды драманынг национальный театрының эжигинде тўлкў бычкак бўрўктерлў уулдар ла алтай кеп-кайимдў кыстар јагарла утқыган ла алтай калыктынъ јангыла чегенле кўндўлелеген. Латыштардын «Орнамент» ансамблиниң артисттери каруу эдип, бу ла текпиштерде калыгынынг омок ло сўйнчилў кўўлерин ойногон. Мыны тууразынаң кўрёргў сўрекей жарашиб болгон. Латыш литератураның Кўндери ачылар Энтирге

јуулган улус күндүлү айылчыларга чейне, тана, гүл-чечектер сыйласп, залга кийдире ўйдешкен.

Же ле деген зал чүрче ортозына јык толо берген. Сценада Латвия ССР-динг бичиичилери ле поэттери, партиянын, культура ла кеерке-мелдинг ишчилери. Олорды улус отургыштарынан туруп, ёктөм лөузак колчабыжуларла уткыган.

— Улу Октябрьдагы социалистический революциянын 70 жылдыгын темдектеер ёйгө жетире туй ла төрт ай артты — деп, көдүри-нилү энгирди ачып тура, КПСС-тинг обкомынын качызы Б. К. Алушкин айткан. — Бастыра совет албаты бу јаркынду байрамды КПСС-тинг XXVII съездининг, онын Төс Комитетининг ээчий Пленумдарынынг јөптөрин јўрүмде бўдўрер мергендў ишиле, калыктар ортодогы ѡмё- ѹомёлики, карындаштыкты тыңгытканыла уткыйт.

Улу Октябрьдаги юбилейине учурлалып ороондо ёдўп турган jaan эл-жондык-политика иштер керегинде куучындал, латыш литературанын Туул Алтайдагы Күндерини бу каруулу керектердин бирўзи болуп жат деп ол темдектеген. Бўгўнги туштажу былтыр кўскиде Латвияда алтай литературанын Күндерине эткен каруу. Олор бичиичилек биригўлердинг баштангкайыла, Латвия Компартиязынын Төс Комитетининг, КПСС-тинг Горно-Алтайсктагы обкомынын ѡёмётто-зиле ёткўрилет. Латвияда карындаштык калыктардын најылык колбуларын бастыра партия, совет органдар, профсоюз организацийлар изў ѡёмёт.

— Бўгўн jaңырта тёзёштин, тўргендедиштин jaan учурлу сурактарын бўдўрип тура, бис кажы ла калыктын салымында, ёрўз ёзёр јолында улу орус калыктын, бисти jaажына бириктирген улу Россиянын учурны ундыбайдыс — деп, Б. К. Алушкин айткан. — Бистинг ороондо жаткан кажы ла кижиге, ол алтай ба, латыш па, белорус па, бурят па болзын, Ленин, Октябр көдўрген мааны — агарудаиг агару. Литературанын бўгўн башталган байрамы мынан ары иштеги, jaдын- јўрўмдеги башка-башка колбулар болуп улалгай, калыктар ортодогы најылыкты там тыңгыткай.

Онын сонында сости Латвиянын Бичиичилек биригўзининг Башкартузынын председатели Я. Петерс алган.

— Былтыр кўскиде биске Туул Алтайдын делегациязы келерде, «Бу алтайлардын Кўнбадыш jaар энг узун јолы» деп, Бронтой Бедюров учурлап айткан эди. Бу јол там ла кыскарлып жат деп, мен бўгўн айдар эдим. Jaңыс та техниканын мағ бажында жетирер кайкал аргазынын шылтузында эмес, бистинг туштажуларыстынг, најылыгыстын шылтузында — деп, Я. Петерс айткан.

Бир де культура таңынан бойи јўрер, ёзёр аргазы ѕок деп, ол куучынын улалткан. Бис калыктар ортодо ѡмёлложип иштеерининг, најылыктын якшынак тёзёлгозин јазап алганыс. Оны революционерлер, Ленин тёзёгён, биске дезе бу тёзёлгёни онон ары улалтып тудар керек.

Я. Петерс Туулу Алтайдынг ла Латвиянынг эл-жоны ортодо алдынаң бери улалып келген колбуларды темдектеп, Вилис Лацистин, Имант Зиедонистин, областыта азый иштеген партийный башкараачы Папардэнинг ады-јолдорын эске алынган.

— Наылык тушажулар ла колбулар калыктарды байгызыл жат — деп, Я. Петерс темдектеген. — Былтыр бисте откён алтай литературанынг Күндерининг кийнинде латыш улустынг санаазында, ич көрүмнинде яңы ороон — Туулу Алтай — табылган деп айдар эдим.

Кöдүргилүү энгирди Латвияда энг јарлу ансамбльдардын бирүзи — «Орнамент» улалткан. Латыш калыктынг күүлерин ойноп ко-жондогон бу ёмбликти республиканынг бастыра јерлеринде изү ут-кыйдылар. «Орнаменттин» артисттери бистинг орооннынг кёп јерле-ринде, анайда ок ГДР-да, Иракта, Иорданияда, Испанияда, Финляндияда ла ёскё дё ороондордо једимдү ойногон. Залда јуулган улус латыш калыктынг кожондорын ла бијелерин изү колчабыжуларла уткыган. Ойын-ыргалды Латвиянынг культуразынынг Кайралду иш-чизи актриса Лилита Озолина ла Ригадагы ТЮЗ-тынг актеры Сергей Юдин башкарып откүргендөр. Энгирде латыш поэттердин ўлгерлери орус, алтай, латыш тилдерле кычырылган. Латыш литерату-ранынг Туулу Алтайдагы Күндери ачылганына учурлалган энгир јилбилүү ле ёктөм откён.

* * *

Биске берген кыска интервьюзында Латвия ССР-динг Бичиичи-лик биригүзининг Башкартузынынг председатели поэт Я. Петерс мы-найда айткан:

— Латыштар — јорыктаарын сүүр улус. Же бис Туулу Алтайга јорыктаарга келбегенис. Бойыбыстынг тёрөл јерибисти, бойыбыстынг албатыбысты сүүп, ёскё калыктардын жадын-јүрүмин билерге јүт-кыйдис. Бистинг калык тоозыла кёп тё эмес — 1 миллионноң ажыра. Же СССР-де жаткан калыктардын ла телекейдинг албатыларынынг 38 тилинен латыш тилге чүмдемелдер көчүрилет. Калганчы ёйлөр-дё кёп тил билер поэттер бозүп келген. Ас тоолу калыктарга јилбүү тынчыган. Темдектезе, бистиг бир уул Улан-Удэде ўренет. Бу күндерде Туулу Алтайда иштеген поэт Улдис Берзиньш түрк тилдерден коччүрет.

— Туулу Алтайга келген амаду-санаалар кандый?

— Мында көргөн-уккан байлыктарды бойымнынг калыгыма је-тириерим. Бойынынг калыгынынг тилин байлык эдери келер ўйелер алдында бистиг молжулу керегис эмей.

Үлгерлик яңжыгуларыла, бүдүм-кебериле аңыланат, же онынг учурлы — кижининг ич телекейин көргүзери, ол ару ла бийик күүндү

болзын деп јёткири. Канча кире башка-башка улус јадып јат, је олордың санааркаганы да, сүүнчилери де түңей.

7 июльде Латвия ССР-динг делегациязын Шебалин аймактың кыйу-гранында јербойының чыгартулу улузы алтай калыктың кеп-кайимин кийип, аш-тусту уткыгандар. Најылык делегацияның улусы Шебалинде Ада-Тёрөл учун Улу јууның туружаачыларының ла В. И. Лениннинг кереестерине тирү чечектер салгандар. Мының кийинде Культура Байзында эл-јонло јылу тушажу ёткөн.

Уткуулду куучынды КПСС-тин Шебалиндеги райкомының экинчи качызы В. И. Чуканов айткан. Ол бойының куучынында аймактың ишкүчиле јаткандарының ижи-тожы, јадын-јүрүми керегинде айтты. Латвия ССР-динг делегациязының адынаң сости Латвия ССР-динг Компартиязының Төс Комитетининг члени, Латвия ССР-динг культуразының Кайралду ишчизи Я. Петерс айткан. Ол айылчылардың јол-јорыгы, латыш калыктың литературазы ла культуразы керегинде куучындаган. Анаида ок кееркемел шингдеечи Рамона Умблия калыктың јайаандыгы, энчизи ле јанжыгулары керегинде тушажуда турушкан улуска куучындады. М. Чаклайс мынаң озо Шебалинде база болгон, бу күнде Шебалиннинг эл-јоны оны бойының күндүлү кижизине туткан.

Анаида ок М. Чаклайс ла Туулу Алтайдың бичиичилик биригүзининг каруулу качызы Б. Я. Бедюров куучындагандар.

«Орнамент» ансамбль јилбилү ойын-јыргал көргүскен.

Ол ок күнде латыш делегацияның јол-јорыгы Ондой ло Кан-Оозы аймактардың јери јаар ууланган. Айылчыларды Ондойдың чыгартулу улузы Себининг боочызында уткыгандар. Уткыган улустың тоозында Ондойдогы райисполкомның председатели А. С. Медведев, иштин ле јууның ветераны Д. К. Тарбанаев, ёсқо до нёкёрлөр. Д. К. Тарбанаев былтыр окулу алтай делегацияла кокожа Латвияда болгон. Бу тушажуда ол бойының латыш најыларына јолыккан, бир јылдың бажындагы тушажу сүрекей јилбилү болгон.

Мының кийинде бистинг айылчыларбыстың јол-јорыгы эки ууламыла ууланган: бир болүк улус Кан-Оозы аймактың, экинчили Ондой аймактың јери јаар атанган.

Бу ок күнде Жолодо база јылу тушажу ёткөн, мында эл-јоннын алдына куучынды Янис Петерс ле Бронтой Бедюров айткандар. Күннинг экинчи јарымында јербойында јаан байрам болгон. Ак жаңаңда јарыш, эмдик ўредиш, күреш, ойын-јыргал јилбилү ёткөн. Латыш айылчылар бойлорының ўлгерлерин кычыргандар, эки жандай ачык-јарык эрмек-куучын ёткөн. Анда Жоло-Кайрылыхтың, Кор-Кобының, Урсул ичининг чыгартулу улузы турушкан.

Эртөнгизинде Ондой јуртта најылык тушажу ёткөн, Күпчегендеги совхозто ўлгерликтиң одузы камызылып, митинг болгон.

Энгирде Жабаганың боочызында бистинг айылчыларды Кан-

Оозы аймактынг чыгартулу улузы уткыган. КПСС-тинг Кан-Оозынданың райкомының баштапкы качызы Н. М. Тайтаков сөс айткан.

Онон Латвия ССР-динг литературазының Күндерининг туружаачылары Ябагандагы совхозтынг койчыларының турлұзының бирүзинде болуп, андагы улустынг ижи-тожыла, жадын-јүрүмиле танышкандар. Айылчыларды алтай аш-курсакла күндүлөгендер, ойын-јыргал көргүскендер.

Оның соңында латыш наылар совхозтынг төс жартыла танышкандар. Культура Байзында наылыктынг энгери ёткөн. Сценадаң латыш, алтай, орус тилдерле ўлгерлер жаңыланған.

«Орнамент» ансамбльдиг ойын-јыргалын көрөөчилер сүрекей жылу уткындар.

8 июльде эртен тұра Кан-Оозының Культура Байзында латыш бичиичилер ле артисттер аймактынг төс жерининг чыгартулу улузыла, иштеги өмөликтериле тушташкандар. Сценадаң такып ла ўлгерлер ле кожонгдор жаңыланған.

Күннинг экинчи жарымында Күндердин туружаачылары Кырлықтагы совхозто болуп, бу хозяйствоның төзөлгөнинен ала жирменчи жылдығын байрамдаарында туружып, Горно-Алтайскка бурылғандар.

9 июльде олор вертолетло Артыбашка жедип, жер-алтайстынг күсқүзи — Алтын-Көлди кайкап көрғөндөр, эки катерле Корбо деп учар сууга жетире јўскендер. Бу жол-жорыкта латыш делегацияны бистег Туул Алтайдын бичиичилик организациязының каруулу качызы Б. Я. Бедюров, парторганизацияның качызы Э. М. Палкин, Бюроның члені Т. Т. Торбоков башкарғандар.

10 июльде Алтын-Көлдөнг учуп келеле, 15 саатта облисполкомының кичү залында Латвия ССР-динг Бичиичилик биригүзининг Башкартузының Качылыгының ла Туул Алтайдын бичиичилик биригүзининг Бюрозының жаба жууны ёткүрилип, чокым ла элбек иштер темдектелген. Бу ла ойдö «Орнамент» ансамбльдиг артисттери Майма жүрттый Культура Байзында ойын-јыргал көргүскендер.

11 июльде 17 саатта Туул Алтайдын национальный драма театрында Латвия ССР-динг литературазының Күндери көдүрингилү айалгада жабылган.

12 июльде областтын гран-күйузында күндүлү айылчылар Туул Алтайла, оның улузыла айрылышкандар.

13 июльде Барнаулдан төрөлине атанғандар. Аэропорттон олорды партия обкомының качызы Б. К. Алушкин, бичиичилик биригүзининг каруулу качызы Б. Я. Бедюров, бичиичилер Э. Палкин, Ж. Белеков ўйдешкендер.

ТОКТОЙ СОМОЕВТИНГ ИМАНТ ЗИЕДОНИСКЕ
УТКУУЛДУ КОЖОНГЫ*

*Ак тайганынг кырыла
Аңдал жорткон нөкөрим.
Айлы-յурты мында деп,
Айылдан келдим, нөкөрим.*

*Көк тайганынг кырыла
Көйркөп жорткон нөкөрим.
Көйркий бойы мында деп
Көйрөрө келдим, нөкөрим.*

*Мөш агаشتынг бүриндий
Мөңкү јакши эзен јүр,
Мөңүн-алтын суузындый
Мөрлү бойынг седенг јүр.*

*Арчын агааш бүриндий
Артабас болуп амыр јүр,
Аржан-кутук суузындый
Алкы бойынг амыр јүр.*

* Бу кожонгды автор И. Зиедониске такып 23 јылдыг бажында алтай литературанын Латвиядагы Күндеринде јолыгыжып чўмдеген. (Редакциядан).

ИМАНТ ЗИЕДОНИС

ПОЭТТИНГ КҮНДҮК ДЕПТЕРИ

Күйүк айдынг он төртинчи күни, вторник, 1963 йыл.

Алтын башту Ада-Алтай Кадын деген јаражай кысту болгон. Кыс јажы једип, санаа-укаазы туйукталып, адазының теренг кобыжиктерине, јер-алтайына бадыштай барган. Бир катап ого түмен тайга ажыра Бий деген уул база ла санааркап јүрген деп угулган. Карапай јаскы түнде Кадын-кыс кайа-таш чеденди буза тепкен, Бий деген уулга удурга кёчкөлөнип-коскорылып, түндүкти көстөп, көндүгип ийген. Ада-Алтай түнде ойгонып келгежин, сүүген кызы јок. Ачтурканган бойынча, ама-томо сыгырып ийген, тенгери кептү күзүрт эткен, темир кептү јызырт эткен. Канча түмен баатырларына-тууларына Кадынды јаба једигер, кайра бери бурыгар деп, кату јакару берген. Туулар күркүрежип, төмён болгон, је кемизи де буудак болуп, чыдажып болбогон. Калапту кыс Кадын ончорорын буза-оодо согуп, јара тажык, ёдö берген. Эмди ондо јаныс ла корым таштар артып калган. Алтай-Кангай эң учында эң јаан баатырын — Бабырган тууны ийген. Бабырган туу камчыланып-калапшып, кыйгыбыла ичкери болгон. Је Кадынды јаба једип болбогон. Јаражай кыс Кадын куба чөлдинг түбине баатыр уул Бийле кожо биригеле, ага берген. Олордынг от-калап сүўжиненг Обь деген јап-јараш кызычак бүткен.

Алтай-Кангай ачынган бойынча, Бабырган тууны ойто јериме келбе дейле, ого ло каргап-тоңгурып койгон. Эмди Бабырган учыкуйузы јок Улу Чөлдö сок јаныскан, санааркап калган туруп јадат.

Бүгүн дезе калаптанган салкын чөлдöги кыралардын кара тобрагын кайнада көдүрип, Бабырганды ажыра мергедеп, тууларды кара булут тоозынла тундура-тумчаландыра таштап јат. Јаны ла жайылып келеткен кайындар эрте танынг таңдагынаң кызарат. Кадынның уур толкуларында күннинг чогы очомик јарыйт. Салкын бистинг автобусты табарат, талышрада-талбырада тажыйт. Керек дезе антара согуп та ийгедий. Тоозынды, тобракты айдар да эмес. Түштө түндий карапай.

Горно-Алтайскка энгиргери јеттибис. Јангырлап турды. Кандый да саң башка кап-кара јангыр. Бистердинг, латыштардынг, чёрчёктөристе кап-кара јангыр јаап туро дежетен. Ол чёрчёк јеристеги

јангымырлар шак ла мындый болгон болбайсын. Кара тоозынду чол-дёрдөң келген кап-кара јангымыр.

Горно-Алтайск — автоном областының төс города. Азыйда оны Улалу дежетен. Улалу — «улу жер», «байлу жер» дегени. Эмезе «ат ууларатан жер» дегени болор. Азыйда мында монастырь, серкпе, аракы ичетен канча лакпа-кабактар болгон. Јангымыр айаскаждын, бу город меге та кандый көрүнбөгөй. Озогыда ол кандый болгон? Эмди та кандый болуп калган? Мен «Туул Алтай» деп конор турада Лазарь Коkeyшевтинг «Туба» деп поэмазын кычырып отурым.

Ээрлердин чыкырты, камчылардың жырылдажы... Теренин, не-кей тондордың ачзуымак жыды... Кузуктын, төгöttин жыды... Күски базар. Алтайлар базарга келгилеген. Олорды мында жимекчи орус коюйымдар ла тойбос-толбос жайзандар сакыйт. Каландар, төлүлер сакыйт. Бүткүл бойынды да сат — түнгей ле төлүлү артарын. Эркүлүк Тубаның эдеги мөштөрдин будактарында артып калган. Мынызы та карман, та тежик — керек дезе уурчылар да ондобос. Жаңыс сөслө: «Эки ѡдүк майчыкту, је түлкү бөрүк житкеде, јаргак тоны табышту, је эки колы мыкында». Тубаның сатканы күзүк, мёт, киш, камду. «Алыгар, баазы жеңил! Улген кудай берген ёйжө!»

Туба учында «иштеп алган акчазын энгирде чотоп баштады. Укту байдын төлүзин сол жаны жаар таштады. Коюйымның акчазын онг жаны жаар таштады. Анда кам... жайзан... беш балазы... Тоолоп болбой, Туба булгалды. Улей-үлей келерде, бойы чек куру калды. Онон ончозына түкүреле, «сыралапка» кире конды... Койнындагы баштыгын кодорып, столго таштады: «Кижи — алтын, акча — чаазын, эй, јоктуга јол беригер! Алдамыш Туба акчазын кысканбай жат — ичигер!.. Мында жайым сыралап, мында кажызы ла — каан...».

Јангымыр токтоп, жас кенете једип келди. Чындал та, кенете көстүг алдынча да жеде конды. Турадардын, парктардын, тротуардын ўстиле жажыл жалбрактарыла жалбырап чыкты. Јанымда кайда да көп катап уккан сүйүнчилүү көжөн. Ол көжөнгүнүн күүзинен бу городтын озогы ады угулат: Улалу! Элала! Студенттердин города... Фонарълар жарыды. Теректер чаганаасыйт. Улалу, Улалу... Улалу, Улалу... Кижи жаантайын ла адаар күйнүү кандый жараш сөс, кандый жараш ат! Улалу суунын жарадында јодра чечектейт. Орой түнде табыш тымыйт, жаныс ла сууда оттор чайкалат. Карагүй түнде кандый да кыстын каткызы шағ эдет. Сууга шигип, жанымла Ѳоң конот. Улалу, Улалу! Та кемнин де менгештү базыды алысталып, угулбай ырайт. Улалу. Тып-тымык. Жаныс ла күрдинг тросторы табылу жайканыжат: Улалу, Улалу, Улалу-у-у...

Күүк айдын он бежинчи күни, среда.

Тугайа — Горно-Алтайсктын эг бийик кыры. Мен онын чике ўстине радиомачтага жетире чыгып жүрдим. Менинг алдымда ап-ару

јажыл агаشتардын ортозында кичинек город. Бисте райондордын төс городторы: Екабпилса, Валмиеры, Тукум ошкош. Мен бу город бир жирме јыл киреден кандый болгой не деп санандым. Ол бойының Нимейерин тапкай не? Ол тушта чörчök јериндегидиј јараши город болор эди. Новосибирскте Академгородок эмезе Паланга ошкош јараши ла эпту болгой не?

«Бразилиа — јаркынду ла толо јүрүмдү улустынг города болор деп мен бүдедим» — деп, Нимейер амадап, город-чörчöкти ол одузынчы јылдарда тудуп койгон. Же ол городто јаркынду ла толо јүрүм болор деген ижеми бүтпеген. Мынынг учун ол марксист боло берген. «Эн ле баштап, улустардын ортодогы колбуларды јаныртар, язаар керек» — деп, учында ол мындый шүүлтеге келген.

Бисте ол јанги колбулар јүрүмде тözölлип калган. Бис сүрекей кайкамчылу, качан да болбогон чакта јүрүп јадыбыс. Телекей, космос — айлаткыш, учы-куйузы, түби јок тенери, макромир. Биотоктор, нейтрино, микромир. Госплан ла Архитекторлор биригүзи. Бистинг кажы ла јурт эмезе город ненинг учун бойы мынан ары öзөр планы јок болотон. Кажызы ла бойы Нимейерлү, јайлалталу архитекторлу болор учурлу. Ол архитектор городты јаныс ла чаазында јураар эмес, ол городты јүрүмде тудатан алтын колду устарды табар учурлу. Ус кижининг јүргеги бойынынг эткен ижи, тöröl јерининг јарахы учун качан да оорыыр. Тöröl улус онынг ижиле оморкоор, оны баалаар. Эдуард Берзинь Вишерде чаазын эдер комбинат, Магадан ла Колымада канча туралар тударда, ол эн ле баштап бойынынг јанына ишти эдип билер ле ишти сүүген улусты јууган.

Санаама бистинг јerde балык тудар бир колхозто ѡолыккан юит уул кирди. Колхозтынг столовыйында сыра ичиш отурганчаас, бу кижи деп неме ак-ярыктынг ѿстине ненинг учун јүрүп жат деген куучын баштала берген. Чындал та, ненинг учун јүрүп жат?.. Ол уул мынайда айткан: «Мен бу јүрүмимде жирме балыкчыга жирмеjakшынак тура тудуп беретен болзом, меге болор эди». Буjakшынак амаду эмей.

Бистинг көп-көп городторыс ла јурттарыс бойлорынынг Нимейерлерин сакып жат. Олор, темдектезе: Салацгрива, Саулкрасты, Скулте, онон до öскöлöри. Бу мындый ыраак, «јер түбинде» городто мындый афишаны кычырарга кандый солун. Кижи керек дезе көзине бүтпей тураг. «Латыш јурукчылар Мурниек ле Андриенколо туштажу». Конор туранынг вестибюлинде jakпак берет кийген бир кижи «Карган Тайзель» деген кожонтынг күўзин сыгырып, базып турды. Бу Андриенко, а Мурниек дезе тууларда эмдиге тенигенче. Байла, түжер күўни јок. Онын учун бүгүн мен пединституттынг студенттерине баарым.

Латыш јурукчылардын јуруктарын илген көргүзү-кыпта јык ла толо студенттер. Оскö зал база јок, же студенттер бисти бут та ба-

жында болзо, угар күүндү. Је, карын, ырыс болуп, јаныста јаан зал божай берди. Студенттердин көстөри јаңыс ла бисте. Олор бистен солундар сакыйт, јаан учурлу та нени де угарга күүнзейт. Бу мындый улусла кожно нени ле эдип ийеринг: бир уунда тайга-ташты да антара јемирип, элбек јол до салып ийеринг. Јаңыс ла кычыру сөс айдып, серенгке чагып ийер керек. Искусство керегинде Андрienко айдып ииди. Литература керегинде куучынга көчөристе, бис бу мынан түннен бери чыгып болбозыс деп, мен билип ийдим. Тегине ле калырап, модорлоп ийеле, јўре берер арга јок. Угаачыларын күүнзек болордо, куучындаарга даjakшы. Кижи бойы да көбрөп чыгар! Исаевтиң поэмалары, Москвада поэзиянын күндери, неореалисттер, Айтматов... Кезик сурактарга ол јаны авторлорды, ол јаны литератураны көрбөй-билбей калгам деп каруу берерге келишти. Ви-лис Лацис нени бичийт деп сурагылайт. Олор оны бойынынг јерлеки деп бодойт: качан, не коччурлык, иенинг учун коччурлык турган дешкилейт. Вашиетистинг ўлгерлерин орустап кычырып болорыгар ба деп сурагылайт. Чындал та, сурактардын көбин: «Имерманис ле Цирулистиң «Тобаго меняет курс» деп книгазын садып аларга тураар ба? «Колумбын јеени» деп бичиктиң авторы керегинде нени айдарыгар?» Карын, табылбай калган Мурниек келип, мени аргадады. Ол туулардан јаны ла түштирил. Кирген бойынча, спорт ло искусство, искусство спорту ло спорту искусство керегинде куучын баштап ииди. Мында текши јарлу таныш аттар көп, мынынг учун куучын там койлөп чыкты.

Мынайтканча, меге ле Мурниекке бир кучак стенной газеттер экелип, алдыбыска јайгылайт. Бу газеттерди јиит авторлор эткен, јазаган. Олордын ўчүзи, бис керек болзо, поэттер де боло берерис дешкилейт. Бирүзи керек дезе латыш кыс эмтири. Ады-јолы Милтените. Мында чыккан, мында ѡскён бала болды.

Менде төрөл јерим Латвия керегинде бир канча фотокарточкалар болгон. Олорды он беш башка ук нөкөрлөр кере-јара ўлешкилеп алды. Мурниекте база не де артпады. Менинг блокнодымда кандый бичимелдер јок дейдигер! Олордын бирүзи бу: «Кару таайым! Слер ирбис кайда барын билеригер. Ўч-Сүйри кажы туштаңjakшы көрүнер — база билеригер. Ангдал барзагар, бу латыш поэтти ээчи-дип алыгар. Слердинг јеенигер, мен Куранакова».

Бу туштажудан јўк арайдан айрылып чыктыбыс. Бисти конор турага јетире ўйдежип койдыйлар. Мындый энтузиазм-көбрөмди мен Новосибирскте јиит авторлордын ўлгерлерин шүүшкителеп турарда көргөм. Ол тушта Академгородоктын ла черүчил уулдардын, ўч башка заводтын поэттери тартышкан. Эмди ондый энтузиазм-көбрөмди Горно-Алтайскта көрүп јадым. Мындағы улус јўрүмге, ишке, ару кейге, ар-бүткенге јуук болгон учун мындый болор бо? Төс јерлерде ол теп-тегин кей-куучын ла жају солонғы болуп турала, ёчүп, јылайып калат.

Күүк айдын 16-чы күни, четверг.

Ончозы качашты! Редакциялардың бастыра машиналары тараптаркап, аймактар сайын жүргүлеп калган. Мен канай оройтыгам. Айла менинг сананган јерлерим jaар баргылаган болтыр. Меге Ви-лис Ласис «Зитарлар билези» деп романында бичиген Чарғы-Оозы јурт, атту-чуулу Алтын-Көл лө јииттердин города — Кедрографта болор керек болгон. Эмди канайдар? Не болор? Лазарь мени акту күүниле мекелейт:

— Алдырба-ас, карындаш! Уй кижи пелмен эдип койгон болор. Бистинг јердин сырзын ичерис. Эртен футбол барып көрөрис. Энирде мылчага барып келерис. Сонгзын дезе бистинг бичичилер Шебалин jaар барып жат. Олорло кожо жүре берерис.

Жок ло жок! Мен бу ак-жарыктын кырына мынынг учун келбegen инем. Бу конор турага тегине нени эдер? Кижи жүүлип айабас.

Тал-түште Чүйдың јолын ёрё автобус барып жат. Кайда барып жатканы меге керек те жок. Жаңыс ла баар керек. Лазарь — депутат, онынг ол Ондойдо та кандый да керектери бар. Энирде ого жедип баарыс.

Он жаныста — туулар ла туулар, сол жаныста — Кадын-ichi. Журттар, садтар, бисте ле ошкош кайындар, коо карагайлар. Туулар эмди тургуза жатыра, ондо-мында кичинек кыралар. Туулардың сыртында, кара кејегедий, чичекчек жолдор.

Рыбалка журтта жол чек ле Кадынның жарадына чыгып келет. Мынанг ёрё суу чакпынду ла казыр. Суунынг ортозында канча ажулар, бозоголор. Чакпындар токпоктоҗот, көбүкшит, мынанг бир де сал тирү-бүдүн чыкпаган. Мынанг ёрё кеме де, кереп те жүрбей жат.

Кызам боомды жүрүмимде баштапкы катап мында көрдим. Жол кишининг бажы айланар бийикте кайаларды кууй барып жадат. Азыйда мынайда ёдөргө жеткерлү болгон. Эмди кайаларды оодып, жолды элбедип койгон. Азыйгызын сананза, кишининг күйка бажы жымыраар. Анчада туку жабыста кайнап жаткан суу jaар көрзөнг... Кижи чек ле учуп баратканый: ўстингде түби жок тенгери, алдында — куру оро.

Кöчкölөр jaантайын түшкүлөп, жолды кезиктерде туйуктап койгон жадар. Жолдын кырында чогулып калган таштарды көргөн болзогор! Кандый ѡндöрлү таштар жок деп айдар! Кајунынг бойында кандый бир сок жаныс кайынгаш коркып калган турар. Ол кöчкө та кана болор? Бүгүн күкүрттү жанымыр jaар болгодай. Калак ла де! Бүгүн ле коскорылатан болбозын. А кöчкөгө удура кандый күч табар? Кайынгаштан болгой, юон-юон кызыл тыттарды кулузындый сындырып, ойлой берер.

Бот, бистинг автобуска жолды арчыганча, саксырга келишти. Таштардың кезигин машиналар тартат, кезигин бульдозер Кадын jaар

ийде салат. Бу бульдозерди көрөргө коркымчылу. Өйинде токтобогон кийнинде, бойы тамы jaар кап-күп жүрүп калар.

Жап-жараш темир күрдинг кийнинде, Кадын тууразында артып калды. Мынан ары Себи суунынг жарадыла барадыс. Ол Кадыннын кожогозы. Бу суу жаан эмес те болзо, же чакпынду ла түрген, бистинг жерде Абава деп суубыс жаскыда кирү тужында ошкош.

Лазарьдынг жаш тужы бу жерлерде откён. Мында колчактардын черүчилдери онын таадазын олтүре чыбыктаган. Бот бу Камлак. Лазарьдынг төрөл журты. Канча чактарга мында камдар камдаган, улустын салымын, санаазын бийлеген, ээлэген.

Уулчакка энези бу ла турган Эже-Каан деп тууны көргүзетен. Олордынг, комдоштордынг, байлу-ыйыкту туузы бу болгон. Күн чыгар алдында энези уулчакты Кудай-кушка — Күүлөгө мүргидетен. Бойын ошкош ак санаа, күчтү канаттар берзин деп сурадатан. Эмди ол ондый чүм-янгдар ундылып калган. Же Кошшевтиң ўлгерлеринде ол төрөл улузына, төрөл жерине жуук болгоны жарт.

Себининг боочызы башталат. Машина ыңылап, онтоп, тогус километр ёрё ёксөндөйт. Моторы бу ла эмди ўзүле бергедий, барып жадат. Карагай ла тыттарды жойгондор солып, энг бийикте жаныс ла нургулай мөштөр боло берет. Мөштөр — олор туулардын кааны, бийи. Же 2000—2500 метрден ёрё мөштөр дö ёспөс.

Учы-түбинде бис Чүйдынг жолынынг энг бийик жеринде, Себи боочызынынг ўстинде турдыбыс. Мында талайдаң бийиги 2200 метр. Керек дезе июль айда чечектерле коштой кар жадат.

Төмөн түжер алдында тискинчи бир эмеш тыштанып алатаам деди. Машиназынынг алдын, тормозын көрө бери. Бис дезе там бийиктей чыгып алдыбыс. Лазарь күнчыгышта көк-чанкыр тошторлу туулардын ары жанында Кадыннынг энг кызык тужы — Сартакпайдынг күри деп жер бар деп айдат. Ондо кыстадып койгон Кадын таш жараттарын сабап, жаныс ла ак көбүк болуп калган учат. Табыжына кулагынг тунар. Ондо Ороктой деп жер бар. Ол жерден Москвада «Комсомольская» деп метрого ло Съездтердинг Өргөзүнче мрамор апаргылаган деди. Жол јок учун мында айдары јок жаан байлыктар эмдиге таза јок жадат. Бүткүл мрамордон турган туулар бар. Ак-Боомдо дезе Чүйдынг жолы канча беристеге улай мрамордын ўстиле салылган. Канча кире баалу таштар бойынын өйин сакып жат. Олордынг аттарын — жашма, порфир... — кижи тоолоп то жетпес.

Жаныс ла агашты алып көрөр болзо. Жылына јэзүп турган агашты бүткүлиниче тузаланып болбой жат. Алтайда карый берген тыт агаштар көп. Анчада Кадын ичинде агаш тузаланбай жат. Бу ненинг учун дезе — жол јок. Кадыннынг жарадыла барып болбос, суунынг бойыла агызайын дезе, Кадын јоон до агашты такпайлап койор.

Кадын ла онын кожоголорында Сибирьде энг жакшы балыктар: чараган, бел жүргүлейт. Жараттарда кайаларды јебрен жүруктар ла би-

чимелдер чүмдейт. Эх, ёй көп болгон болзо! Бис мамонт јураган кайаның алдына байкан тургузала, јадар эдис. Лазарь меге чёрчök кайлап, бис кибернетика керегинде сös blaажар эдис. Симпозиялар, античастицалар, антимиirlер, антикижилер керегинде билеристи куучындажып, бастыра санаабысты чыгара айдып, јебрен бичимелдерди аайлап көрөп эдис.

Суу ағып ла жат, ағып ла жат. Ак кобүктай анданып ла жат. Јебрен јурамалдар дезе кыймыгы ѡок тургулап ла жат.

Онгдо кичинегеш конор турасак. Кыпта бистер тörtтү: јиит ўредүчи ле Чалчык деп койчы уул, Лазарь ла мен. Чалчык Горно-Алтайск јаар тогузынчы класс учун экзамен табыштырарга барып жат. Столдың ўстине толтыра бичиктер чогуп алган, белетенерге албаданат. Же кайдан ондый болзын. Мында Лазарьды билбес кижи ѡок. Улус уккан јерде, удабай ла јык толо јуулыш келди. Бот кёлзöш-куут башталыш жат! Улус чындалпа ла јер тырмайт. Јалмаштарына со-гунгылайт, көстөрининг јаштарын арчыгылайт. Каткыга арай талгылабайт.

Оноң унчугышпай баргылайт. Јүстери кату. Мен сөстөрин билбезим, је улустың угуужынан бодозом, Лазарь олорго, байла, «Тайганың уулы» деп балладазын кычырып турган болор.

Барбак карган
Мöштинг тöзинде
Балазын табарга
Пастушка жаткан.
Бала көрөргө,
Туулардың кийнинен
Ажып отурган
Күн караган.
Баланы сакып,
Элбек тайгалар
Әдегин жайып,
Алдына жайылган.
Баланы сакып,
Тайганың күпшары
Кожоның кенете
Токтодып, тымыган.
Јердин тöжине
Кыйги-кышкыла
Келип түшкен
Јаны гражданин.
Солун кижинин
Үнинен чочыйла,
Койлор быдырап,

Жыраага жажынган.
Јаш баланың
Кыйгырган кыйгызы
Туманду тымык
Тууларга торгылган.
Жаркынду жаткан
Бу јарыкка
Пастухтың уулы
Онойдо келген.
— Балтыры тынзыза,
Пастухтың уулы
Баскан јеринен
Кайра алтабас.
Таштарда чыккан
Тайганың уулы
Таш жүректү
Качан да болбос... —
Коштой туулардан
Келген пастухтар
Уулчакты онойдо
Алкап, јуулышкан. —
«Элбек жүректү
Эр болор,

Эркемей болзын!» —
Малчылар айдышкан.
Мөштин төзинде
Оның кабайын
Тайганың тенибер
Салкыны жайкаган.
Жаш баланың
Жакшынақ јүзине
Јаныс ла тегерик
Ай караган.
Үйелик мөштөр
Үстине шуулажып,
Үзүлбес узун

Чörчöгин кайлаган.
Кош аркалу
Тайганың күштари
Кожоның кожондоп,
Баланы соодоткон.
Балтырган бажынаң
Бек тудунып,
Баштамы алтамын
Тайгада алтаган.
Эбире чойилген
Тууларды аյқатап,
Кураган чылап,
Энезин ээчиген...

Угаачылардың көбизи малчы улус. Олор кедери турлулардан түшкен. Бирёзи бу: көстөрин сыйкытала, орынның ўстинде санаанып отуры. Ого, айса болзо, бойының эмезе уулының ак-ярыкка чыкканы санаазына кирет? Айса јууда божогон төрөёндөрин, нöкөрлөриң эске алынат?

Лазарь «Jeerenek» деген ўлгерин кычырат. Меге удура јюзи сорбылу эр отурат. Ол Чалчыктың физиказын ачып алган, бичик jaар бодоп ло кöröt. Ол эмди бисле кожо бу кыпта эмес, ол боскó јерлерде, боскó бйлэрдö. Бу ўлгерде ол бойы. Ол јууга атансып јада, юйине, балдарына: «Jeerenekти ле чеберлегер!» — деп јакыйт... «Энгирде иштөр жанган энемдий, Jeerenek арыган араай келетен... «Juunың бйлөри күч...» — дегендий, уур ўшкүрип, эжикте јадатан...».

Је бир күн Jeerenek јанбай, неге де удаган... «Ээчикип алала, ээн бўктерден уйысты бедреп, санааркап турганыс. Је тангынын тандагыла кожо Jeerenek келген — јаан оору... Уур тынып, табылу онтоп, Jeerenek јаткан чыкту сенекте. «Оок балдарды канайдар?» — дегендий, кörўп турган унчукпай энеме. Жакшыны эткен јакшы кижидий, Jeerenek бистен араай ыраган... Энем дезе энчейип алала, оның јанында унчукпай отурган... Juunың бйлөри. Бистер кичинек, бистер коп... Энебис јаныскан. Тенек бистерге коп курсак керек. А Jeerenek биске сўдиле болушкан...»

Јўзинде сорбылу кижи бичикити јаап, онын кадарын айқаттайт. Лазарь эмди «Ийт керегинде балладазын» кычырат.

Тайгыл тайгада андайла, одуга једип келзе, ээзи јок. Ол тенегери jaар чойё ло кунукчыл улыйт. 1941 јыл болгон, ээзи јууга барган деп, Тайгыл ондобогон. Ол ээзин бедреп, јурт jaар барган. Онын ѡолында ого эки бёрё удура чыккан. Ол бёрўлерди јенип ийген, ё шыркалары коп болгон... Ээзи эмди ол тайгада андап-куштап јўрет. Кўски салкын кап-кара мөштөрдинг бажында кўёлеер болзо, ээзи не Тайгыл эмдиге улыш, оны бедреп јўрет деп бодолот...

Кыпта улус јык толо до болзо, ё сүрекей тымык. Ачык кўзнёк-

төң ыраакта Урсул шуулайт. Жүзинде сорбылу кижи тудунып алған бичигининг ўч страницасын уужап койгонын сеспеди. Ол мен жаар көрöt, кажыбыстын ла жүзибиске көрöt. Онын көстöри каданы: «Слер күски түндө тайгада кандый — билбезигер. Слер билбезигер» — деп айдарга тургандый.

Күйк айдын он жетинчи күни, пятница.

Жаркынду ла жакшылықту эртен тура. Райкомнынг улузы мени күүнзеп уткыды. «Газик» мени эки ле часка Кенгинин совхозына жетирип койды. Мынан ары жол-јорык база жегил келижип жатты: совхозынг директоры ла парторгы беш ле минуттанг Кайырлык жаар баргылап жаткан эмтири.

Кайырлык! Бу поэттердин жери, олордын тёрөл özöги ине! Олордын бирүзи, Борис Укачин, эмди Москвада Литературный институтта ўренип жат. Ондо, общеҗитиенинг кыптарында, телекейдинг талортозы кирезинен поэттер јуулган. Кажызы ла омок, жарадак, кажызы ла бойынынг ўлгерлерин кычыратан. Бастыра бойынынг санааларын, күйндерин айдатан. Борис меге чангкыр ёзёткөрлү мөш жабынган Алтайы керегинде көбрөп куучындайтадан. Узак ла көп куучындейтадан, ненин учез сүйген жери керегинде кемге де болзо, куучындаарга сүрекей сүйтеп. Мен оны угарга бир де чылбайтам. Меге сүрекей солун, жилбилү болгон.

Кайырлык жүрт кожончыларыла, ойынчыларыла бай. Поэт Аржан Адаровтынг адазынынг ады — Ойынчы. Чёрчёктөрди ле кеп сөстөрди кажы ла айылда билгилеер. Кажы ла карғаннан: «Чёрчёк билеригер бе?» — деп суразаар, отура түшкен бойынча, куучындан баштап ийер. Кезиктерде кере түжине отура калганыгарды билбей каларыгар. «Улгерлеримди кычырып божотсом ло, — деп, Борис Укачин куучындейтадан, — угаачыларым: «А мындай чёрчёкти билеригер бе?» — деп сурайла, куучындей берер дайтэн».

Алтай поэзия албатынынг оос фольклорынан, албатынынг чёрчёктөринен, кожондорынан özüp чыккан. Төрт жиит поэт Москвада Литературный институтта ўрентилеген. Ондо телекейлик поэзия ла ол поэзияны чүмдеер эп-аргаларла танышкандар. Же чындык поэзиянын бойын тёрөл Кайырлыгында тапкандар. Энелериле кожно уй-кой кабырып, адаларыла кожно андап-куштап жүреле, олор бийик эржине поэзиянын бойына жолыккандар. Эркемен Палкиннинг күс керегинде ўлгерлеринде жылу ла жарын көп. Бу ўлгер кижининг јүрөгине јуук. Менинг санаама бистиг поэттерис Арвид Скалбе ле Бруно Саулите кирер. Эркемен Палкиннинг «Күски эртен тура» деп ўлгери. Мында кандый жарт јурамалдар, сөстöри кандый эптү:

Бу күски күн меге
Сүреен, сүреен жарап туро.

Тенгери чек айас-айас,
Телекей чек кару-кару.

Бүгүнги күн сүреең серүүн,
Санаанып калган тургандый.
Санаамда база ару, серүүн,
Өзөгимде тымык-тымыктый.
Мындың күндү качан да
Мен база көргөндийим.
Кайдаар да ыраак јолго
Атанаң барып жаткандыйым.
Такып-такып көк айасты
Эбирае аյытап көрөдим.
Күрөнг ээн жалангла
Ыраак көрүп барадырым.
Жаш тужында öскөн јерим
Чек башка билдириет.

Күски ак ёркөлөр дö
Меге солун көрүнет.
Соок эзинге кайынның
Тың шылырап турганын!
Ташта отурган сарының
Ачу киштеп турганын!
Кырутыган жажыл ёлбонг
Бут алдында жаңырайт.
Jöргөмөштиген обоолор
Күнгө буулап тургулайт.
Кайран ару, кару күс
Санаамда жарт арт калар.
Төрөлимининг жаражы
Өзөгимде журагалар.

Бүгүн жас, жаркынду ла жылу күн. Бис шосседен чыгала, тегин жолло мантададыс. Меестер жап-жажыл да болзо, же агаштар боп-боро, бўри жайылгалак. Жолдың кырында ёркөлөр отурғылайт. Машина једип келгенче, ичегенине киргилебей, көлсөлөрдин алдынча суртулдажат. Директорыс, тоомылу бўдўмдү кижи, кенете јаскы-јакшы уулчагаш боло берди: кожонгдойт, санг ёрё канкандайт, кандый бир ёркёни бастырып ийер болорым ба деп, онинг чек ле ўсти орто барат. Ёркөлөр дö бисти кайкаждат: кандый тенек улус, кайткан улус, сыр-кожондо келеле, кандый бир ташты табарып ийеле, машиназын оодып-сайап алды. Оноң кандый туза болотон!

Сууның тожы тўшкелек. Бис Урсул сууның кичинек кожогозына келип токтодыс. Агаш тартақан машина тошты ойо базала, тўжўп калтыр. Онон ары балкашта база эки — ўч машина ынгылаҗат. Жажыл трактор олорды чыгара тартарга барадат. Же бистин «болчок» машинабыс јенил, торт көллөсбози тартынып, тебинип турар. Бис сууга тўшлей, кечип алдыс.

Директор јакшы да, санаалу да кижи болгодый. Туку Кубань-наң келген. Камык иштерге, канча план-јакылталарга бастырып койгон, бош ёйи чек юк кижи, жаңыс ла иш-тошты, мал-ашты билер эмес, бу јердин чёрчёктөрин, кеп-куучындарын база билетен кижи эмтири. Көригер, бу ёзёктинг ичинде јаскы туманда ўч тён-кырлак соксойыжат. Олордың белдерин ёрё ап-апагаш кайынгдар чёркёлижет. Чек ле альпинисттердин тизүзи ошкош. Мында озо, озо, озо чакта, отурган бистер юк тужыста не болгонын угыгар.

Урсул сууның жарадында ёббөн-эмеген улус јуртаган. Оѓоёни анчы кижи болгон, же камга керек дезе тийингнинг куйругын да бербайтен. Ўий дезе карын сайын уулдарлу, кыстарлу болотон, же олордың бирўзин де камның айлы жаар апарбайтан. Камды бойлоры айлына база алдыртпайтан. «Мынайда качан да болбогон! Болбайтон! Болбос учурлу!» — деп, камдардың түнгүрлери тўпўлдеп чык-

кан. Мының кийнинде јаан уулы сууга барган. Балдардың кемизи-кемизи јангыскан сууга барза ла, чөнүп калар. О, Јоло-алтай! Сен эненинг көзининг јажы каный ачу — јакшы билеринг! О, Урсул суу! Адалар көстөри кургакка канайып ыйлаганын сен база јакшы билеринг! Урсул суу бежинчи кыс ла төртинчи уулдың сөйктөрин ташту јарадына чыгара соккон кийнинде, аңчы сууданг ырап, көчөр деген. Айлын бу ўч төннинг энг бийигининг чек тоббозине тургускан. Эмди кичинек уулчакты айылга коркымчы јогынаң арттырыгызарга да кем јок. Адазы андай берген, энези кузуктап барган. Келер болзо, уулчак јок. Ол тооскуурда Урсулданг экелген ап-ару сууда тумчаланып калган жаткан...

О, Јоло! Сен бу телекейде сок јаныс уулданг баалу не барын билеринг бе? Јок, оноң кару не де јок! Бараксан ада-эне бу јерден јүргүлей берген. Је олордың баскан изинең бу ап-апагаш кайынг-дар боскүлөп чыккан. Олор эненин баскан алтамдары ошкош агарула кереес. Улус ого јаламалар буулагылайт.

Ол јангыскан арткан уулчакты кам келеле, тумчалап койгон болгон. Је ол до јакшы јүрөм јүрүп болбогон. Оның јаман јан-кылыгын билеле, кызыл партизандар јаргылайла, аткылап койгон.

Бис јаан јөзктөң тууралап, кобыны ѡрб алдыбыс.

Кайырлык — туулардың колтыгында кичинек јурт.

Јолдың эки јанында агаш турачактар. Бир јанында койу арал, ўстиги күнет јаны — меес. Мал тударга, байла, сүрекей јарамыкту јер. Ол көрүнгөн меес јаар койлорынгы, уйларынгы айдап ий. Кышкыда ондо, байла, кар ас, көк дезе эрте чыгып келер. Колло эткен ёлонгё бир ле канча јёмзин.

Тал-түште күн изий берди. Эх, Сибирьдин уулчактары! Тондорын уштыйбаган, а буттары дезе туку качан јылангаш, корчоктып, кезилип калган. Алмардың јанында ўй улустар күнкүзүкту таарлар тажыйт. Бу ла тушта јуугыста күзүнги шынгырайт, чоймөк агаш тураданг күр-мар этире балдар чыга јүгүрижет. Олор чек ле боро күшкүштардый, амбарларды аралап ийдилер. Эмди келер уроктордо ўредүчилерге күч келижер: балдардың кармандарында тату јытанган солун кузуктар. Тудунарга күч болбай.

Токтой — јараш кижи болды. Бу мындый токыналу туруш, мындый төп чырай. Меге чындал та кайкал болды. Јаныс сөслө айткаждын, кату ла улу туулардың уулы. Оның кеберинде ич-интеллигенттинг бүдүми бар. Ондый кижини улус «Ичкирим көгүстү» дежетен. Ол жети класс ла механизаторлордың школын божоткон деп, мен кийининде билгем. Кижинин санаалузы, интеллекти ўредүзи кобиненг эмес, бойынынг шүў билеринен, јакшы күүнинен, албаданчагынаң дежетени чын. Мен ол тушта ондый санаага келгем. Токтой Сомоев — ферманың башкараачызы эмтири. Мынанг ары бис оноң јуук таныжып аларыс. Иван Иванович мени ого бастыра бойымды «садып» ийди:

— Бу, Токтой, сеге латыш поэт. Үредип алзан^г, ол сеге јакшынак чабан болор. Ого ээрлү ат бер. Тура тудатан агашты дезе бис ого эртэн kontородо бичип берерис.

Токтой каткырат. Тиштери туу бажында карлардый, ап-апагаш. А не? Чындал та, агаш та бичип беригер! Токтойло бис экү иштеген болзоос, бу јуртты слер удавас таныбас эдигер. Эн ле баштап, кажыла турачактын^г жынында агаш ла чечектер оскүрер, чеден тудар эдис. Оноң бу анаар ла чогулган болчок-калчак «ээзирик» потпуш-кажаандарды, оромноң до болзо, көрүнбес этире «тарап» койор эдис. Балдарды өтөк-чөлтинг^г ортозында ойнобозын деп, ойнойтон аңылујер ле жаан тура тудуп берер эдис. Кажыла тура бойы алдынан суулу болзын. Оноң бастыра јуртка јакшынак мылча тудар эдис!

Бого баштап келген кижиге мында эш-неме керексибес, шалыр улус жаткан эмтири деп көрүнер. Күнчыгыштын^г жебреннен бери жанжыккан жалку ла түргедебес, албаданбас күүни эмдиге јоголголок деп бодолор. Же оноң бого бир эмеш јүреле, сенин^г бу тураларды, чедендерди жараптырар деген санааң очо берер. Чындал та, оны кайдар. Айланыры туулар мында сүрек жарашиб. Ар-бүткен бастыра бойынын^г жыттарыла, јүзүн будуктарыла, табыштарыла сенин^г жынында, јуугында. Сениле кожно. Көстөрингде — чечектер, көксинде — ару салкын. Оноң оскё бу јүдек дегедий, же кандый да бойынын^г аңылу жаражы бар тураларда поэттер ле јурукчылар канай чыдаган. Олордын^г жарашиб деген күүн-санаазы эмди јүстер, мунгдар тоолу кычыраачыларга таркап ла олордын күүн-табына, көрүмине кирип жат.

Туку мееске јетири чойилген кыра. Кыранын^г ортозында ээчий-деесий ўч ак булуттар. Олор тоозын көдүрген сеялкалар сүүртеген ўч трактор. Сумалдарда аш тарткан машиналар келет. Бу кичинек јурттын^г ас улузы келген улуска сүүнет. Иван Иванович сумалдарды тажып тура, бастыра бойы тер де болзо, же тере бёркин, тонын уштыбайт. Жиит директор керек дезе пиджагын уштып койгон. Кандый да ишти албаданып эдер кижи болбой. Эмди де бир амырап отурбады. Мен де тын^г албаданып турум. Мынайып иштеген кийнинде, сеялкалар туруп калбас. Улус бу кыраны ўрендел божодоло, түнлие оскё кыра жаар көчө берер.

Оноң бис мүн ичедис. Мындый мүн телекейдин^г кандый да ресторанында жок. «Эки айакты ичиш алзан^г, кере түжине де иште — аштабазын^г» — деп, Иван Иванович айдат. Бис директорло кожно, кажыбыс ла ўч айактаң ичибис. Эмди дезе котелокто артканын ўледжил отурыс.

— О, кезик немелерди көрзöйр лё арык, а ажангырын адам айтсын! — деп, Иван Иванович унчугат. — Бу неден улам дезе, олор өткүре мендегилеп жат. Мен сананзам, табыланып мендеер керек!

Бистиг^г кийнисте жаңыс ла куру айактар чогула артып калды. Токтой нени де айтпай, кер адын ээртеп ийди... Директор «га-

зигине» отурып алды. Иван Иванович трактористтерге та нени де мендештү жартайт. Олор эмди туш-башка тараң-таркай бергилеер. А мен деп кижи? Мен кайда баарым? Күн эмди де бийик. Мен не-ни эдетең кижи?

— Көрзёгөр дö, туку кобының оозында уй саар ферма. Оның бир эмеш арјанында — Бористинг энезининг айлы. Кобының бажында. Жаан ыраак эмес — деп, меге Токтой жартайт.

Мен чала кыртыштана бердим. «Ыраак јокто, јуугында, жаан ыраак эмес!..» Бу мында тууларда кижи «ыраагы-јуугы» та канча кире — канай ондоор? Јойу бассам, карангуйга жетире једип болорым ба?

— А не базатан? — деп, Токтой айтты. — Мен база ол жаар баарым. Ат минип билеригер бе?

Ат минип? Бого кижи кандый каруу беретен? Атты минерден болгой, ого јууктабагам да дайтен бе? Јок тур! А ат јокко не болорын? Калак ла де! Токтой меге кер адының чылбырын берет.

— Адымның ады Салкын болор. Кылышту ла мал. Же бис кожо жорторыс.

Токтой чеден жаар басты. Ондо чала богоно сёйтү кара ат турды. Ол атты көрзөм, чала јобош бүдүмдү. Меге эмди Токтой мен жаар көргөлөктө, атка минип алар керек. Ононг ёскö уйат. Минип билбезинг дайле, Токтой адын айрып алза, не болор. Акыр, бу Салкын деген ат та кандый мал болбогой? Чала арык, ондайсу ла кер ат. Ээ, а кажы жанынаң минетен? Сол жанынаң ба айса он жанынаң ба? Үзенгиге кажы бутла тебетен? Нöкөримнинг куучынынча болуп калбазын. Ол айткан: «Атка мине сокком ло, көрөр болзом, алдында аттың бажы эмес... күйругы!» Же не болзо, болзын — минер ле! Үзенгиге тептим ле, темдендим ле... Трр, трр, көрмös! Тур, тур! Не де келишпеди. Кижи темденер ле болзо, базып ийер, чыданыклас бу кандый мал! Кижи үзенгиге илинип... тептиритип алып... Же «гоп!» Карын минилди!.. Же экинчи үзенги кайда? Ат дезе ичкери ле болды. Мен карын ээрдинг каажынаң атпактанып ийдим. Тискин дезе бош. Оны тудар арга јок. Адым дезе кыраның ортозыла ичкери болды. Трр, трр! Кижи жыгыла бербезин!.. Токто, дейдим, токто!.. Калып ийзе кайдар?!.. Же бу тушта менинг ботинкам үзегиге, карын, тебилди. Эмди, Салкын, сен менинг колымда. Мен сени токтодып аларым.

Же Салкын канай колыма кирзин. Ол менинг «эмдикчилимди» билеле, там көбөрөп чыкты. Сен ондый болzon, мен мындый дайле, кыраданг чыга коноло, кыр ёрё болды. Менинг бажымды билип алды. А јорыгының катузын! Өзөк-буурым үзүлөргө барады! Мен чек ле эскиндедип жаткан арба. Эки јодомды үзенги кыйып жат. Јойу бассам — торт! Же бу тушта Токтой једип келди. Менинг ээрge чыдажып болбозымды билип, аттарысты солыштырып алаак деди. Айучак дайтен кара аттың јорыгы жымжак болды. Тынным жаны

кирди. Ол Салкын мени оодо серпип койор эди. Эмди дезе кижи ары-бери аյыктанып, ар-бүткенди көрүп, нени-нени сананып та бараадар.

Бу арканың ортозы бистигъ јерлерде парктың ичине түнгейлеш. Чачыны турган јоон-јоон кызыл тыттар. Бүрлери эмдиге јайылгалақ, бол-боро бойы. Бистигъ јерде эрмен агаштар ошкош. Аркада јаш корбо до ѡок, јыраа да ѡок. Быылгы көк былтыргы куудаңды эркидегелек. Кандыктардың көбизин айдарга да болбос. Бүткүл чечек-булуттар тенгеринен түжеле, арканың ортозына јадып алгандый. Јууның торо ёйлөринде бу јердин улузының тынын бу кандык алган дешти. Оны сүтке кайнадып ийзе, каша ошкош токло тату курсак боло берер.

Кайырлык ичи эмдиге карлу. Күн јылу да болзо, суу тош-куйактың алдында. Каа-јаа јерлерде суу тоштың ўстиле агат. Бистигъ така ѡок аттарыс тайылбаска чебер алтагылайт. Ой!. Тош ойылып, Токтойдың кер ады белине јетире чөнө берди. Је ол ўкүн эткен јerde, карын, кату тошко чыга конды. Бастьра бойы тыркырап, ийт чилеп, силкинип ийди. Кезек ёйгө Токтой ло ат солоныланып турдайлар. Онон Токтой адынан түжүп, төнөзбеккө отурала, сопокторын уштый берди. Эки ѡдүги — толтыра суу. Курлаазына чыгара ўлүш.

— Адынды камчыла! Калыт! — деп, ол меге јакарат. — Онон ѡскө мен чилеп, ѡдүгинди уштырыга келижер!

Је мен тегин де ѡдүгимди уштып алдым. Мынайтса, артык бolor деп шүүдим. Онон ѡскө кижи адыла кожо... Суу тизеге јетире. Ичикей! Соок чындан ла ѡртöп жат. Эки јанымда сууның ойдыктары карарат. Ого түшсен, божогоның ол. Айчакты мен јединип алгам. Аттын алдында тош канай-кунай оодылза, мен билерим, ол ичкери калып ийер. Мени јыга табарганча баар. Ол эмезе бойым ойылзам... Кижи тоштың алды јаар калт-күлт јүрүп калар. Је канайдар, артык арга ѡок. Коркып баратканым да сүрекей! Ичикей! Брр...

Је карын, кечип келдим. Јылангаш буттарымла јаскы јарма кардың ўстинде турдым. Онон јўк арайдан атка минеле, ботинкамды ээр ўстине кийип алдым. Тыным јаны кирди. Токтойдың сууга түшкен ады, мылчада чылап, бастьра бойы буулап турды. Токтой оромыштарын аттың јалына јайа салат. Мындый изүге олор чүрчеде ле кургай берер. Сопокторын ол теркилейт. Алдырбас, бир эмеш ѡдүк јокко до јортуп баратпай.

Јол Кайырлык сууны чек ле јараттай барып јадат. Кайырлык суу теренг ле күчтүү эмес те болзо, је эмди кайылган кардан сүрекей јаандап, казырланып калган. Јайдың бойында дезе Теректүүнинг мөнкүлери кайылар, ол тушта суу база кирү бolor. Удабас јасла кожно койлор, уйлар тайга-таскылдар јаар там бийиктеер. Эмди тургуза олор јэзкөтө.

— Бир ўч-төрт күннен мен барып, јайлуларды көрөрим — деп,

Токтой сопокторын кургадып, аңдандырат. — Олёнг ёскён бё, јолкечүлер кандый — ончозын озолодо көрүп алар керек. Слерде ондый йй лў күүнигер бар болзо, кожо барып келер эдис.

Ой лў күүн! Олор кайда барзын. Мен бого тегиндү келгем бе? Же мен канайып баарым. Менде сопок то, вата штан да, тере тон до юк. Керек дезе бёрүк те юк. Ононг ўч-тöрт күн жийтен азык-курсакты мен кайдан аларым.

— Мылтык ла бар болзо, тайга азырап ийбей. Тон Бористинг энэзинен табыла берер. Жаңыс ла слердин жортыжаар ла... Та чыдажарыгар, та юк... — деп, менинг ээр ўстинде шыралап баратканымды Токтой көрүп, бажын жайкайт.

Атанаң жаныста бүткүл таш кайа жажарат. Малахит болбозын? Жап-жажыл таштар жыдаларды, тенгери ѡрё соксойыжат. Чек ле учкур баштарлу кактустар ошкош. Чындап та, тенгери ѡрё учуп чыккадый. Бистинг жеристе ийнебаш собор-серкпелерис ошкош.

Кайалардынг эдегине келеле, юл јоголып калды. Кайа ла суу. Эмди ойто ло суу жаар кийдире жортор керек! Туку алдыбыста суунынг алдынан чыга конгон юлго жедер керек.

Мен суунаң көс албай барадым. Суу эмди ле аттыг капиталына чыгара согуп ийер. Сан башка: мен резина кемелү кайда да Гауа сууда Эрглин дайтэн кайаларды кууй жүзүп бараткан ошкожым.

Кайырлыктын суузы ол жарадынан ажынала, аржанында турган аралды туй алтып койгон. Чибилдердинг жабыс будактарында суунынг ак кобүктери. Чек ле кучак-кучактарла жуулгылап калган. Кизжи көрзб, жап-жажыл бүрлөргө ап-апагаш кар жаап койгон ошкош! Кизжи кайкаар: бу чибилер бого не ёскён? Олорго ёзбөргө суу да, тош то жетпес, туку бийикте ак-жаланг жадыры ине. Мында дезе будактарынгынг алдыла суу агат, тазылдарынгын агын кемирет, жаан-жаан тоштор табарып, чобренгди жара согот, шырка-сорбылар арттырат. Кажыла жаста — мындый түбек. Быыл да, эзенде де, жүс тө жылдан...

Жаскы чайыктар меге де

Кажы да жаста сорбулар арттырзын...

Бу эки јолдыктардынг кийнинде ўлгер де чыга конуп айабас. Сен де мындый жерде ёзбр эдин. Жылу, амыр жүрүм сеге керек юк. Ченелтелү, тартыштарлу жүрүм жилбилү эмес пе?

Кыйгак тоштор кыжырап табарзын,

Кырмак карлар бүрлөримде шалыразын.

Эмди бу жортуп бараткан Токтой туулар да, тайгалар да, аңдар да юк жерге журтап болор беди? Жок эмей а:

— Тууларда мен жиит — деп, ол бу ла жаңы айткан. — Эки-үч күн тууларымла жортуп алзам, ол меге байрам.

Бир бодозо, тууларда алга ла тымык. Сен сок жаныскан, сеге амыр, сен токыналу. Же бу сүрекей кунукчыл эмес пе? Бу мында, алга жерде, көбрөм, көкидү, табыш, тартыжу кайданг келетен? Бот

туку јабыста, улустардың ортозында болзо... Ондо чын... Ончозы ондо...

Слер ондый санаалу болзогор, слер тууларга жас канайда келип турганын билбес эмтиригер. Мөштөрдинг жап-јажыл ёндү јыт-тынызы слерге таныш эмес эмтири. Жаскы салкындар кишининг санаазын омокшырадып, јиидиркедип ийетенин слер сеспейтен эмтиригер.

Туулардың суулары эң ару ла эң түрген. Кижи јиит тужында база ондый.

ЖИИТ ТУЖЫБЫС

Туулар сууларына теренг коол керек јок.
Озёккө түшкежин, олор теренгжиир, тымырып.
Туулган тужынаг ала олор калапту, олыт јок,
Туулар таштарын экчеер, элгеер.

Туулар суузын кечерге умзанба,
Турган бойынды тургуза ла јыга согор.
Адын тескерлеер, сууга кирбес,
Ал-јүргегин коркыдулу согор.

Је јиит тужынгынг суулары
Жеткерлү де болзо, кеч деп кычырап.
Жиит тужынгынг ѡлдоры
Сени тартыштарга, ченелтеге апарап.

Жиит тужынгынг сууларында
Ак чакпындар чечектеер.
Жиит тужынгынг ѡлдоры
Сени кеендиикке јетирер.

Санаалулар јаратла баскылайт:
«Сууга тегине не кирер.
Бу суу теренг болзо кайдат,
Бу суу мынаң јаан болзо кайдат...»
Је слер олорго бүтпегер! —
Олор коркып јат.

Олор јарбынчактар ла јалкулар.
Олор теренди де, бийикти де билбес.
Бистинг јиит ѡлдорыс
Биске баалу ла кереес.

Бористинг энези айлында јок болды. Жап-јаны туткан ап-агаш чагана јытту турачак эжигинде сомогы јок турды. Саламнынг ўстинде чоокыр бозу јатты. Бисти көрөлө, кулактары сертейип чыкты.

Јаан плиталу көмөлök печке бар эмтири. Көзнöктинг алдында орын турды. Тере тонды бис илүдең таптыбыс. Мыимальар меге тар болуп тыр. Вата штан да кörүнбейт. Токтой санана берди — берет деп ялпак бörүктү, јукачак штанду кижи таскылдарга чарчап калар болбой. Май ай быýыл мында соок, кайындардын бүрчүтери чыгып калган, је ялбрак болуп яйылбай, ол ло бойы тургулап калган. А бисте, Латвияда, јас эрте келген — бот онын учун јенил кийимдү једе конгон кижи мен.

— Алдырбас! — деп, Токтой колын јаныды. — Чегеннен ичиp алаак. Оноң жортуп кöröлик!

Чеген — јаан агаш күпте. Ондый күpterде бистинг јерде саруу согуп јат. Чеген дегени — ачыдып койгон сүт. Амтана бистинг јердигjakшынактыра ачып калган скабпутрабыс ошкош.

Коштойында турган чадыр айыл јаар кирип бардыс. Тайгага тёжёнип конорго кандый бир кийис жаткан болор бо? Је не де табылбады.

Күннинг чогы түнүктен кирип, айылдын текталып калган ордына түжет. Кижи кенете сокорып, бастыра неме ыраак ла ööмик кörүнетен болтыр. Очокты айландыра јер чактар туркунына такталган. Мында кандый öдүктер баспаган: кату öдүк, бычкак öдүк, мыимальар... Шак бу тушта Англиядан келген ботинкалу калчак јуучыл тескинген болор. Мында дезе жайгы изүде Бористиг јыланаш буттары топылдаган. А бу сопоктын изи база ла Бористий болор. Ол черүдөн јанып келеле, мында отурган, öдүгин бого уштыганд.

Лазарь Кокышевте эски айыл керегинде jakшынак ўлгер бар:

Эзен бе, эски агаш айлым.
Эбирип сеге ойто ло келдим...
Кургак чакында тос кабайдан
Курсагым сурап, ыйлаган эдим.
Нени де билбес јаш тужымда
Чобрала сени јамайтан эдим.
Øрө турган айылдарга кörö,
Øргöödöң дö артык кörүнетен эдин.
Жантык сенинг эжигин ачып,
Jakшы улус кöп киретен.
Аракы-чегенинг бар тужында
Айылдаш улус киргилеп ичетен.
Жаныртык ўстинде кара казанын,
Жайзанг чылап, кыйын жадатан.
Аланчык сайын амтанду јытанаң,
Аарчы-курудын тизүде туратан.
Тобракту айлым öнгжизин ле деп,
Тогус јаштанг иштеген ле эдим...

Ананг арызын не коскорор?
Ачынба, айлым, ойто ло келдим.
Очүп калтан бу тымык очокто
Оскүс балдардың курсагы кайнаган.
Jaan тутакту јүрүм тужында
Jaрагак штапы мында көктөлгөн.
Кызыл энгирилер кирип келгенде,
Сени жаман көрмөстү деп бодойтом.
Тежигингней түнде тамчылар тамганды,
Тенек бойым конорго коркыйтам.
Бугул тартала, экелген акчамды
Бу кулјага энем сугатан.
Кату јылдарды јенгерге сананып,
Каптардың жанында санааркал туратан.
Түнде аштап, ойгонып келгемде,
Энем сыймап, бойыма килейтен.
«Jeeren уйбыс жанып ла келзе,
Jедеген курут экелер...» — дайтен.
Кату чачымды энем кезеле,
Бийик алланчык кийнине сугатан.
«Ыйлаба, чачынды анда суксабыс,
Ырысту болорынг, балам...» — деп айдатан.
Айлым, сенинг эжигиг алдында
Курсактан аштап, кöп ыйлагам.
Jaаны јүрүмге киреле, сени
Jaажына таштап, мен ырагам...
Эзен бе, эски агааш айлым,
Эбирип сеге ойто ло келдим...
Jaакшы да јүрзэм, жалтырап та јүрзэм,
Jaамандап сени айтпаган эдим.
Эмдиги ойдин балдарын кайкадып,
Эрикчелдү турунг, калганчы айыл.
Ачу ыжынг кёксиме менинг
Шинип калган жажына, айыл!..
Мен де сениле узак артпазым,
Ойто ло бойымныг жолымла баарым.
Ойинг једип, жемирилип калзан,
Ортоббий, сени жуунадып саларым...

Түнүктен күннинг чогы кирип, айылдың ичинде јер полго урулат ла урулат. Күннинг ап-аплагаш жаркыны. Эмди менинг көстбримде истер де, не де јок. Jaаныс ла тышкыры Toktoйдың Салкын деп ады токтоныкпай, јер чапчыйт.

Күннинг чогында кайда ла болзо, канча түмен тоозындар айла-

ныжар, мында дезе бу күннинг жаркыны ап-ару. Айылдың ичинде

кем де тоозын көдүрбегендий, кереге чобрадаң ыш-кубал түшпегендий. Алтайдың санаторийлеринде малярияны ла гипертонияны, ёсқо дö ооруларды кей бойы ла эмдел салып турган деп уккам.

Туулардың кейи — мынаң тату не де јок. Кижининг суузынын кандырып, канын жаңыртып, сынын сергидип турар. Мен нени де сананбай, жаңыс ла тынып-тынып турадым. Аруталып, акталып турадым. Тойбайдың тынатан бастыра аргаларын эске аладым, бу ару кейди канча ла кире толтыра-тойо тынып алайын дейдим. Кейди кижининг жүрүмінде база бир тату курсак деп, эң баштағ мында онгдодым.

Кей тынганы — ол күйүш,
Мендеғи канның күйгени.
Телекейдин бастыра жулуғы
Көксінде мениң күйүп жат.

Чындал та, күйүп жат, же јоголбой жат. Мен эмди билерим: кажыла тыныжымнан мениң канымда не де артып жат. Ондо чеберлелип, жүрүп жат. Кажы бир ёйдö, керек болзо, онон меге ийде болор.

Токтой «шш» деп, сабарын ёрё көдүрди... Мен, байла, бойым бойымда куучындажып турган ошкожым. Бис жолдон чыгала, койу арканың ортозы jaар болдыбыс. Кандый шылтак болгон? Токтой аң көрүп ийген болор бо?

Агаشتар жаңы ла тынданарага жүрген. Бийиктеген сайын јол там касқак, арка там койу: карагайлар, тыттар, кайындар. Туйгактардың алдында сүрекей калың ла жымжак кебис — јебрендик јенес. Былтыргы куудан жүзегиге жетире болгон, эмди кийис чилеп такталаши, жабызап калган. Чечектерди көргөжин, эмди бу куу кийиске канча онгдү жүзүн-жүүр чололор көктөп койгондый.

Тымык. Эмеш те эзин јок. Керек дезе бийикте тыттардың баш будактарында адаруның күүлегени жап-јарт угулат. Аттарыстың буттары јенесеке жымжак бадалат. Ажып бараткан күннинг чогына тыттардың ёзғи чындал ла кызара жалбырагылайт. Чек ле бистинг журукчы Пиннистинг журуктарында ошкож. Мен көстөримди јумала, Токтойдың кийинин жортуп барадым. Сескеним жаңыс ла ап-ару кей ле шыныраган тымык. Чыгыт там кадалгакшып келди. Аттар жыгындарды эбира чарыптайт. Олор арып та калган болзо, токтобойт. Олорго бойлорына да, байла, ажуга жедер керек, бийикти јендеер керек. База бир жыгынды уур алтагылап, ичкери ијеерингилейт.

Мен теркилеп койгон сумкамды чечеле, онон Лазарь Кокышевтинг «Чанғыр ёзектин кожондоры» деп бичигин кодорып алдым. Ат араайын жортуп барадат, бийиктеген сайын агаشتар там сүйип, жарык көптөп, кычырарга да кем јок боло берди.

Эз, а бу не боло берди? Мениң кара адым чеденниң эжигине токтогон бойынча, тура калды. Таҧшылазам да, тискинди чирезем де, мынаң айрыварап күүни јок. Токтой мен jaар көрүп, колын жаңы-

ды. Нени де эдип болбозынг. Алтай аттардынг јаны андый. Айыл, чакы, чеден, анчада ла удура кижи туштаган болзо, тура түжер. Бу ненинг учун дезе ээлерининг кылъыгы база мындый.

Аттар улустынг тилин билгилеп тургандый, эриндерин, кулактарын кыймыктандырып тургулаар. Чындал та, кижи куучындажып таныштар, ат киштегип таныштар:

- Jakшы ба?
- Jakшы. Jakшы ба?
- Jakшы. Мындағы улус кандый јадыгар?
- Jakшы. Слерлер кандый јадыгар?
- Jakшы. Слердинг бала-барка, мал-аш амыр ба?
- Амыр. Слердинг бала-барка, мал-аш амыр ба?
- Амыр. Јеригerde не солундар бар?
- Јок, солун ла неме билдирибет. Слердинг јерде не солундар?
- Бисте база солун ла билдирибеди.
- Је, jakшы болбын! Jakшы једигер!
- Jakшы болбын! Jakшы једигер! Эзен айдып барыгар...
- Jakшы јўригер, jakшы јадыгар!
- Слер база jakшы јўригер! Jakшы јадыгар!..

Мынынг кийинде аттар башка јортуп ийгилеер. Је ээлери ээрден түшкүлеген болзо, ол тушта, байла, та кандый да керек боло берген, олорды узак сакыырга келижер. Аттар бого там маказыраар...

Даже жаандай берген улус туштаса, олордынг куучыны бу мынайда бир јанжыгып калган чүм-янгла башталар. Эзендешкилеер, бала-барка, мал-аш, ай-күннинг айалгазы, солун-собырлар... Онон талканду чай урулар. Мынынг кийинде, бир канча бололо, бу улуска не керек болгоны јаны ярталар. Алтай каргандар олорды көп «шылап» келзе, сүүгилебес, кыртыштана бергилеер. Жаанды жаан дебес, жашты жаш дебес, кандый «öдö кончоон», «ажыра-тежирем» кижи дешкилеер. Бу јуртынг јўрүмин, бу улустынг јан-кылъыктарын билерге турган болзогор, менгдебегер. Олордынг табылу јўрүмине темигип, сакып јўргенчегер, ол улус бойлоры јўрүмдерин куучындағылап бергилеер. Чындал та, мында кайкаар неме јок — ўч-кёрбён кижи кижи бодоп ло ал-санаазын не айдатан, ого канан бүдетен. Чичекечек курч кобсториле сени канча ла бескелеп көргүлеер: сени не кижи, сенинг санааң кандый. Сен бистинг јангарысты тоорын ба айса олорды электеп, каткырарынг ба? Јўк ле кандый бир астамга, саду келишитирүге болуп јўрген кижи болзонг, сени јабыс көргүлеер. Чыданыгы јок суракка каруу бергилебес. Канча да суразаң, укпачынг, онгдобочынг болор. Бажын кекип туруп, чек öскө неме куучындай берер. Сурагынг төзбөйндү болгон болзо, ого карууны бир-эки частынг бажында да алзанг, кем јок. Алтайлар сананбай, шўубей, нени де айтпас. Оозым, тилим ле бар дейле, бодоп ўрдүртпес.

Мен кедери жайлудагы турлunu јаны көрдим. Мында көп неме

јок: алты ўйелү кажаан айыл, јанында кой сугатан јаан чеден. Айылдың эжик алдында — чакы. Жайлуда артык не де ѡюк. Мында алты јүс — жети јүс кой турат. Койчылар олорды түште кабырар, түнде күзеттеер. Жолдың јанында кезик јырааларга канча-јүзүн öнгөрлү јалама-бөстөр буулагылап койгон. Бу мынызы дезе: «Өрө турган Көк кодран-бөрүге кой тудуп јиирге «јөп», «аай» бербезин деген чачылга» — дешти.

Токтой көргүр ле кижи. Айса озолодо куучынду улус болгон бо? Ол кызыл тыттың төзинде чобраның кыбына кыстап койгон чаазынды көрүп ийди. «Кызыл-Таштың кайазы јаар келигер. Бис следи ондо сакып јадыс» — деп, оның нöкөрлөри бичиптири.

Күн кырды ажа берди. Кенете сооп, тискин туткан колым тоңуп баштады. Бис чыгытка эмдиге ле жеткелегис. Кандый да суу-чакты кече кондыс. Мынан ары јол түзеп, бис јелип, ойто изий бердис.

Карангүйда карлу таскылга жеттибис. Ап-апагаш кар, кап-кара агаштар: тыттар ла мөштөр. Олордың төстөринде, көлөткө јерлерде кар калың, аттардың тизе бойына једип турат. Аттар Токтойдың нöкөрлөрининг аттары откөн истерле уур алтагылайт. Мен тонымды теркинен чечеле, кийип алдым. Ойто ло јылу, јакшы боло берди. Мынайда јортуп барадарга кандый јакшы. Түниле де јорторго кем ѡюк. Же бүгүнги узун јаскы күн, ару кей, атту јортуш мени арыдып койгон — уйкум келет.

Тымык. Сүрекей тымык. Тымык канча јүзүн öнгөрлү болотон эмтири. Мен оны јаны онгдодым. Эмди ол тымыктың öнги бу туулардың ўстинде күйген таңдактый кып-кызыл. Мёнкү төштордо тымык сүрекей јаркынду, кырларында алтын-сары јалбышту болор.

Тымык кезиктерде чап-чанкыр. Ол амыр көлдөрдинг ўстинде чап-чанкыр ынаардый турат. Чанкыр тенгериле чанкыр канаттарлу чанкыр турналардый учат. Олордың куркулдаган табыжы — чанкыр, көлдөр — чанкыр, туулар — чанкыр. Менинг јеримде талаай база чап-чанкыр. Кыстарыстың көстөри ошкош.

Тымыктың öнги јаантайын кубулып турар. Көрзөгөр дö, ол эмди бу былтыргы куудангдый куп-куу. Туйгактардың алдында эжилип, жайкалыш, эрип келеткен јерле јитанат. Кулакка эзиндий шынырайт.

Тымык кезиктерде мөштөр ошкош јап-јажыл. Ол јажыл от чылап, меге јууктайды, јанымла öдö конот, кийнимде артып калат. Ол тымык койу, узун будактарлу. Бу јелбер будактардың ортозында кап-кара салкын жайканат, кандый да ангулу шуулайт.

Тымык ай-карангүй түнде нургун мөш аркадый кап-кара. Ол кап-кара карангүйда кара канаттарыла талырап, кандый да кап-кара күш öдөр. Туйгактардың алдында кургак будак «тырс» эдер.

Көксиме та не де табараарда, мен ойгоно чарчап келдим. Кары

адымның жаңышын. Тыттың будагы меге тиьерде, ол токтой түшкен. Ичкери ўқус эткен болзо, кижи јығылып та калбай. Токтой түшкөрим көрүнбейт. Адының тапылдаганы кайда да алдымда угулат.

Мынаң ары ойто ло чылаазынду чыгыт башталды. Караптуйда каа-жаада караптуй агаштар сомдолот. Кап-кара кайа караптуй тенері ёрө учалат. Кайаның ўстинде јылдыстар жалтыражат. Сан-төмөн көрзөм, боомның учында от көрүнди. Сүүне бердим: ондо, байла, бисти Токтойдың нөкөрлөри сакыйт.

Менинг «жакшы ба?» дегенимне тере тондорлу ўч кижи токыналу каруу берди. Леонид Васильевич — жажы жаандай берген кижи, алтынчы ферманың башкараачызы. Онон уй ферманың заведуюшчиий — Коммуна деп саң башка атту кижи. Учинчи кижи Сергей деп уул. Ол журттың киномеханиги, эмди отпускада.

Бис аттарыстың ээрин алыш, отозын деп, улаарып койдис. Бистинг жуугыста кайда да карлу тош бар болгодай. Мен оны көрбөй дөтурган болзом, је јыдын, соогын сезип турум. Байла, кайда да мында, жуугында, кайаның алдында.

Бис ажанарага отура түштис. Менде јўк ле бир кичинек сарыу бар. Токтойдо сукайры бар эмтири. Ол алыш јўрерге јенил ле јиирге ток курсак. Коммуна — уйлар фермазының кижизи, калың ла жаан курутту, баштыгында толтыра карамель конфеттерлү болды. Сергейде дезе шикир, сукайры, чуй чай. Эн ле жакшы азық Леонид Васильевичтинг арчымагында болды. Бис курсактарысты «столыска» жайып ийдис. «Стол» дегенис — жалбак таштың ўстине жайа салган токымыс. Көнкүрт көр алтайлардың табылу кылышынды, узак шыркырайт. Чек ле кайнабайт. Менинг аштап турганым коркышту. Аргалу болзом, агашты да кемири берер эдим.

Кандай бир тойу кижи менде «аппетит» јок деп, коштой отурган улуска комыдал отурганын кем укпаган. Бу курсак жаман белетилер деп, бу кижиғе аскан курсак па айса чочколорго бо дегенче, шеф-поварга једип барып турганын кем көрбөгөн. Ондый таңманы бого экелген кижи. Мында болзо ол айактың түбине једеле, сабарларын жалай согуп отурага эди. Бу кара чайдан, бу баа јок карамельден тату телекейде бир де курсак јок деп отурага эди. Чүмдеп койгон ак столдо кыйын отурага, чычалкайын чычайтала, тамзыктап чайлап отурага жакшы эмей база. Ресторандардың менюзин, аракылардың сортторын-амтанын билери — искусство эмей база. Же алаканча арыштың калажында канча јүзүн амтан бар, канча тату јыттар бар — мыны билетени онон бийик искусство деп бодойдым. Ол бир тилим калашта, Менделеевтинг таблицазында чылап, ачылбаган көп элементтер, сезилбеген жаны амтандар — канча кире сүүнчилер, ырыстар бар.

Мен сананзам, «чўми јок» деген сөс учы-түбинде барып јенгер. «Чўми јок» дегени — «аамай» деген сөс эмес. Бодозогор, «чўми јок»

теп-тегин бетонион кандый јарац туралар тудулат! Олорды мраморло, баалу таштарла, јүзүн будуктарла кееркетпезе де кем јок.

Линард Лайцен балдарды школдордо стилистикага ўредер ёй келди деп бичийт. Чындал та, бистинг балдар ар-бүткенди бу мындағы улус чылап, якшы јуук билеле, онон Прокофьевтинг симфонияларыла, Пикассоның јуруктарыла, кибернетика ла электрониканы, эмдиги ёйдин науқазын билген болзо, бисте эш-немеге бүтпес, јирме жашты нигилисттер, «кызыл эт» жајулар јок болор эди. Бис мындағы туучыл улустынг байлык ич-жүрүмин, олордынг төс санаазын алала, городто улустардын кереги јок чачамтыгын таштайла, олордынг жүрүмге албаданчагын коштырып ийген болзобыс, бисте Джек Лондон ошкош, ар-бүткен јокко жүрүп болбос интеллигенттер ёзбр эди. Бис кажы ла теп-тегин ишке марксист ууламжы берип, оны коммунист күён-санаала бүдүрип турған болзобыс, бистер Ленин, Николай Островский, Максим Горький ошкош интеллигенттер болор эдис.

Мен санааларымла кожо отурып калтырым. Нёкёрлөрим уйкуда. Бай чай кайнаарга јетпей, көстөрим јумулып, уйку мени јыга согуп турған болгон. Эмди менинг уйуктаар күёним јок. Санааларым сергеленг, бу мөштөрдинг ўстинде ап-ару тенеридий, жарык ла теренг.

Мойш агаштынг күйген чедиргенинг јараш телекейде, байла, не де јок. Оскё агаштардынг чедиргендери тызыражып, бого ло ёчкүлел турар болзо, мөштинг чедиргени чек ле чингмеери учуктый ѡрё чойилип, жалкындар чылап суртулдажып, качан да көрбөгөн кайкамчылу от-чечек, от-жөргөмөш болуп туратан эмтири.

Jaстанганым — кату ээр, тёжёнгөним — кийис токым. Устимде менинг кырлык тенгери. Мен јебрен кижидий... Мен кандый ас јылдыстар билерим! Миллиард јылдыстарды мен билбезим, олор мегетаңыш эмес. Мен кандый ас улус билерим. Мен кандый ас санаалар сананып јадым. Туку бийикте бир ууштамча јылдыстардынг биркырууны арткандарынаң жаркынду жарыйт. Ондо кандый жаан телекей бар. А ол дезе текши јылдыстыкта јўк ле тырмактынг каразынча болор. Мен бу бастыра айланғышты-жылдыстыкты онгдоюн деп чырмайадым. Же ол арыктынг санаазы жаан деген сөскө келижер. Олорды жаңыс менен болгой, бастыра кижилик эмдиге јетире онгдол болбогон. Мен кандый да бир жаркынду јылдысты аյыктайдым. Ол јылдыс меге имдеп, санаамды күйбүредет.

Кажы ла кижи јылдыс,
Жылдыс болуп, меге жарыйт!

Түниле ўлгер туурым.

Кажы ла кижи күм,
Күн чилеп, алдымда күйет.

Санаам менинг айлаткышталып чыкты. Сөстөр бойлоры келет:

Слерге айылдан келерге,
Күүнзегенимди билген болзогор.
Солун улусла ачык-ярык
Куучындажып алатан болзом...

Бу јолдыктар кийнинде ўлгер болор. Мен от jaар чырбагалдар таштайла, тере тонымды кучунып ийеле, бу јолдыктарды бичип койдым.

Суббот, күүк айдың он тогузынчы күни.

Тан бўрўнгўй ойгондым. Тамандарымды ёчкёлёт от јылдыат, јодолорым, тизем тонгуп јат. Сергей бажын тоныла шык этире ороноло, буттарын арай болзо, чоктор jaар суга тееп албаган јатты.

Леонид Васильевич ойгу эмтири. От jaар чырбагалдар таштап салып, јалбыштанг кёстёрин албай, та нени де сананып оттурды. Канайып та болзо, кинокамера садын алар керек. Аннеле ле Андре Торндаиктар Лениннинг ордениле кайралдаткан... Канча кире тириуле ѡилбилў кинокадрлар јўрўмде болуп ла бир де ис арттырбай, юголып јат. Мындый кинокадрларды кыска командировкада кандый да кинодокументалист таппас эмей.

Бу кижи сёёкиленг јўстў, эриндерининг учында теренг чырыштар. Кёстёринде шулмус јылу каткымы бар. Мындый јўстў улустарды мен кёп кёргём. Мындый јўстў улус кокырчы, каткычы улустар болотон. Бу чып-чиын. Улустынг кылыгы јўзиненг билдирилў. Мында кижи кайкаар неме юк. Бис билбес биотоктордын кандый да бўдўми ине. Бис ондый шўйлтелерди метафизика, идеологияйыска каршшула санаалар деп бодогоныс. Бу теориянын чын ондоп, бойыбыстынг јартамалду ла тазыныктырар иштеристе тузаланып болбой ядыйбыс.

Кижининг јанг-кылыгы онынг ўнинен, каткызынан, базыдынан, бичижинен, керек дезе унчукпазынан ѡарт билдирилў. Мыны анчада ла бичиичилер якшы билер. Горький, Бунин, Андреев тушташканда, кайда-куйда көрўнген кандый бир кижини шингжўлеп, ол кижини кем чын бичиир деп, маргыжарын тегиндў сўёбайтен.

Бу тўнде Леонид Васильевич не керегинде сананды не? Мен сураар да эдим, ёе эпжоксындым. Ол, байла, койлорысты быъыл ненинг учун јўк ле тогузон алты процентке корулап алдыбыс не деп шўйген болор бо? Кезик јылдарда туку тогузон тогус бўдён алты онынг процентке корулап туратган јогыс па, быъыл ненинг учун ол кире болбоды деп, санаазынынг бажына чыкпай отурган болор бо? Тоолорды мен конторананг да сурал аларым, а бот ненинг учун деген суракты мен кемге берерим? Бу ла отурган Леонид Васильевич Латвиянынг јеринде јулашкан деп мен база уккам, йўрўмигерде болгон

каный бир ундылбас учуралды эмезе јууда эткен ат-нере керегеерди куучындап беригер деп сураза кайдар?

Же менинг эмди кемди де «шылаар» күүним юк. Буjakшынак эртен турада бу бийик таскылда жатканым меге болор. Бу кижи меге бойыныг јылу кийис тёжөнчигин берген. Меге ол кижиге удура каный да jakши эдер күүним келет. Мен бойымнан бойым бу мындың санг башка күүн таап алдым. Мындың күүнди эгоизм — бойын сүүгени деп айдар. Же менинг эмдиги эгоизмим — jakши эгоизм.

Мен уйуктаганымды билбей калтырым. Ойгонып келзем, танжарып калтыр. Солун јерди көрөйин деп жатканчам, Токтой шымыранды:

— Уксан!

— ?

— Уксан жазап!

Не де угулбайт. Же жазап тындаланза... Күүлелердин онтогоны ба эмезе жаш баланың кимири ошкош табыш угулды. Оноң ойто ло тымык. Тыттар эртен туралын соогына корчойыжат... Ээ, бу чай ойноп турган турал ине! Чай ойной ло берзе, бис Токтойло экү ичке-ри болодыс. Беш, алты, он алтам эделе, турал түжедис. Тымыкты тынгдалап, тынбай да турал калдыс. Бот ойто ло ойной берди — ичкери болдыс. Jakшизынган бойынча нени де көрбөй, укпай турган күш жаар там ла јууктайдыс. Бу күштарды глухарьлар — түлэйлер деп, орустар тегиндү адабаган ине.

Биске, Токтойло экүге, «ай» чала келишпейт. Сергейдин тозовказы дезе ябыста төрт такып «чыт» эткен. Коммунаның да мылтыгы эки такып «күрс» унчукты. Бис откүре бийик чыккан ошкожыс. Мында карлу, кар кајырай берерде, күштар уча бергилейт. Бирүзи јууктатпай, кача берди. Экинчили, јууктап келеткенисти сезип ийеле, унчукпай, токтоп калды. Ўчинчизин Токтой адат — је жастыра! Мындың неме качан да болбайтон. Токтой чала ачуурканат. Мениле кою болгон учун жаскан болор бо? Аңчылардың «байы» коп ине.

— Будым тонгот — дейле, оду жаар жанып келдим.

Леонид Васильевич уйуктап жатты. Мылтыгын тыттын будагына илип койтыр. Онызы чыгып келеткен күннинг чогына соок жалтырайт. Мылтыкты көрблө, Иван Ерошининг ўлгери санаама кирди:

Новое купил ружье,
Тонкое с двумя глазами.
В их сумраке глубоком
Спит золотая змея,
Тусклый колючий паут
И маленькое облачко.

Когда глаза глядят на зверя,
В его костях — тоска.
Сверкнут, и вскрикнет кровь,
И ясный лебедь — белый день —
Летит из глаз широких зверя,
Ему навстречу быстро-быстро
Стремится жадный ворон смерти.

Юк, бу албаты тапкан фольклор эмес, а ўлгер. Оны жирменчи јылдарда Иван Ерошин бичиген. Ерошин коп јылдардын туркунына улай ла бир алтай колхоз жаар иштеп барып жат. Ондо ло ўлгер-

лер бичийт, албатының оос чүмдемелин јуут. Оноң Новосибирск жаар жана берет. Ол керегинде В. Алексеев «Сибирьдин отторы» деп журналда мынайда эске алат: «Ол карлу оромдорло баскындал жүрүп, бойында ўлгерлер шымыранатан. Оның бу телекейди јилбиркеп көргөн, жаш баланың көстөри ошкош көстөринде алтай төнгерининг чангкыры ўргүлжикке артып калган».

Леонид Васильевичтинг мылтығын сурап та аларга кем жок ло. Оноң ченеп көрөр. Мынайда ла шыкааган јерде... Көсти сыйкытала, тынышты бир кезекке тудуп ийеле, маажыны базып ла ийди... Мылтықтың оозынан «алтын јылан» чыга ла конгой база... Чехов ло Левитан сүрекей анчы улус болгон. Та кандый күшты аткылап ийгени менинг санаама кирбейт. Ол күш олордың алдына келип түжеle, өлөр алдында очомик көстөриле олор жаар калганчы такып көрүп ийген дежер. Левитан мының кийнинде тургуза ла айлы жаар жана берген. Чехов дезе оның кийнинде жанганды. Келген бойынча мылтығын илип койгон. Оның ла кийнинде ол мылтыкка Чехов керек дезе кол тийгиспеген дежер.

Ол туштарда телеобъективтер жок болгон. Фотоанчылардың биригүзи база жок. Жылдың ла фотоконкурстар база болбайтон. Ол туштарда бу ончозы жок болгон. Эмди дезе удавас ончозы болор!

Ол туштарда балдарга чыккан күндеринде, жииттерге ўредү божодордо мёнүн калбактар ла эш-кереги жок баалу немелер сыйлабайтан болгон. Тогус—он жашту ўренчките карточкалар согор, киноаппаратура билер деп, кемнинг де санаазына кирбекен. Бистер дезе бу жүрүмди јилбиркеп, «ненинг учун?» деп мунг суректар берип турган уулчактарга, жүзүн-жүйр резина наадайлар, бөстөг көктөгөн айчактар сыйлайдыс. Оның ордына јегил баалу теп ле тегин турнабай сыйлап берген болзобыс. Ол оны бастыра жүрүминде ундыбас эди. Ол турнабайла «ыраакты јууктадып, јуукты ырадып», телекейди шиндеп, кандый көп ачылталар этпес эди. Бис дезе ол кичинек кижиде канча кире ийде-санаа бар, ончозын ачарга болужып беретен болзобыс. Кижиде канча кире көп санаа, күч-ийде бар. Улустың көп сабазы бойының кирезин билбей, ол ло бойынча боду жүрүп калат. Санааркаш, аланзыныш, бойына бүтпези, жүрүмгө чөкөгөни — бу ончозы кижининг болуш сураган кыйгызы болор бо?

Леонид Васильевич тату ўргүлейт. Ол керек дезе мылтыктардың адыхын да укпайт. О, сен туулар ўстинде күн! Сен көс једерде чанкыр тоштордың чек ле ўстинде күйүп јадынг. Мен дезе сеге удура көргөн кайтанаң ўстинде турум. Менинг алдында көк ынаарда көп-көп көлдөр чайкалат. Тыттардың ортозында боромтык. Күн туулардың жүк ле баштарын јарыдат. Бисте мында јарык, јабыста күн тийгелек. Ондо эликтөр багырыжат, көк көлдөрдөнг андар суу ичкилдейт.

Туку бийикте, күнгө кызарган тоштордо, тайганың ээзи — айу-

ның жаңы токтоп жат. Ондо каан-бий — ирбис. Ол бийикте кар жаңыс ла август айда кайылар, бир де адару конбогон чечектер ол тушта жайылар.

Токтой ўч чай тудунып келди. Кандый жараш жундарлу, кандый жаан күштар. Эң ле көп — бежүзин — Сергей адыптыр. Коммуна төртүзин экелди. Бис оны эмди теркиленип аларыс.

— А не теркилайтен? — деп, Сергей жайкайт. — Кайнадар керек. Айыл жаар олорды не апаратан.

Бу улустың жиитен порцияларына темигер керек. Азыйда монгол, калмык жуучылдың бир күнге жиитен курсагы — бүдүн жарым килограмм эт деп кычырган ошкош эдим. Бу да улус ондый. Эт болордо, олор калашты ас жип жат. Жүк ле чайлаарга болуп, сугайры алып жүргүлейт.

Чайдың эди быжарга жетире эмди де узак. Леонид Васильевич мени «жүрүмнинг тазылы» канайда бозуп турганын көргүзеге апарды.

Бөрүге истеткен аң күчи чыгып, карга жыгылды. Аңга жүрер, жүрер керек, је шаштүненг качар күч јок. Аң канайдар да арга таппай, карды туура чапчып ийerde, кургап калган жалбрак ла жерге тонуп калган тазыл көрүнүп келди. Аң калганчы күчин жуула, ол тазылды тон жерле катай кемирип, жип алды. Бу ла тушта жүреги күчтү согулыш, канын айдал, аңның аркасыны түзелип, ого «арјанын» күч кожула берди. Аң бөрүге удура туруп чыгала, оны жыга сүзеле, туулары жаар жүре берди.

Бу мындый учуралдарды анчылар көп көргөн. Ол аңның жиген тазылын «алтын тазыл» дежет. Ол тазыл бойынын ийде-күчиле атту-чуулу женьшенненг де жаан артпайт. Туулу Алтайда жылдың жирме тонна кире алтын тазыл жуулат. Ол кижиге күч кожот, нервный системазына жарап, кижининг санаазын омокширадат. Ол анчада ла оорыган кижиге түрген жазыларга болужат. Аңдардың мүүстеринен дезе пантокрин деп эм эткилейт. Ол эмниг тузазы женьшеннен бери эмес.

Июнь айда анчылар аңның мүүзининг канын ичкileйт. Ол аңның канында сүрекей тың ийде-күч ле чанкыр амаду бар дежет. Оны ичип алзанг, сен ойто ло жиит, жүрүмди жүрер, жүрер күүнин келер. Бийикте тууларда анддар амырагылаар, улус дезе бу ар-бүткен ошкош, айлаткыш, судур санаалу жүргүлеер. Тайганың жаражын не deer, туулардың жаражын не deer, сен дезе кандый да солун, кандый да жакшы сакып жүреринг. Сен бойынды тартып койгон жаа деп бодоорын. Көксингде жүрегин тату согулар. Сенин бу жап-жажыл тайгалаар жаар баар күүнин келер. Телекей сеге жуук ла кару деп билдирер. «Жүрүм» деген сөс кандый жакшы сөс! Жүрер керек, жүрер керек! Өлбөс керек!

Тиштеп чайдың эдинен мөш жытанат. Ол кузук жиген, жиилектер жиген. Эди сүрекей тату, је мени олтүрзегер де, мен жарым

чайдынг эдинен көп жип болбозым. Бир литр мүннен көп база ичиш болбозым!

Аттарды ээртеер керек, је менинг күүним келбейт. Јолой айунынг ичегени бар, оны кайып көрөр керек дешкилейт. Башкүн журт jaар кем де айунынг балдарын экелген. Энези шыркалу јүре берген. Ондый айу сүрекей жеткерлү. Оны адып салар керек. Мында бир айунынг терези учун оду салковой кире сый бергилейт. Онон айунынг эди... Солун курсак ине.

— Ме, — деп, Токтой меге жаан бычак берет. — Сенде мылтык жок. Айу канай-кунай ўстинг келзэ, не болорынг. Слер Сергейле ко-жо ағыртарыгар. Бис тозуп көрөрис.

Ағыртар болзо — ағыртар. Жағыс ла мен бу кинжал-бычакты кайдатам. Оныла айуга удура түңгей ле нени де эдип болбозын.

— Айунынг јүргети мында эмес, а мында болор — деп, Токтой менинг кабыргаларымнын алды jaар түртет. — Айунынг кёкси куру. Ол jaар тегине сайба. — Бойы дезе тиштери агарат. Та каткырып турган кижи, та шоктоп турган — аайлаар арга жок.

Мен коркып турганымды качан да көргүспезим. «Баралы!» Атанып ийдибис. Койу каргана ёткүре ырдырта бердибис. Меестерде олор чечектеп койтыр. Олордын сары чечектеринде толтыра ада-ру күүлежет.

Уч аңчы мылтыктарын октойло, туралайтан јерге јүргүлеп калды. Бис Сергейле кожо — ағыртарыс. Бой-бойыстынг ортобыс јарым беристе кире бар. Табылбай калбаска ўн алышып баарыс: «Э-эй! Айт-айт!» Сергейдин ады койу јырааларда көрүнбей калды. Кижи Сергейди көрзö, ол сүрекей узун сынду кижи мылтык тудунала, базып отуры деп бодоор.

— Айт! Айт! — деп, Сергейдин кыйгызы алдымда угулат.

— Э-эй! — деп, мен ўн бердим.

Удабай ойто угулат:

— Айт! Айт!

— Эг-ххх... — Ой, бу не боло берди? — Э-ххх... Эг-ххх...

Же ўн чыклайт. Бот ол! Тайгага конгон учун төлү бу. Бут отко күйүп жаткан, тумчук дезе жаскы соокко тонгуп жаткан.

— Айт! Айт! Не унчукпайдын? — деп, јойгондордын ары јанынанг Сергейдинг ўни угулат. Мен каруу берейин дезем, ўн жок. Каруу берер арга жок. Канайдар, унчукпай жортуп ла барадым.

Кар там калыңжыйт.

Узу-ун байбак, жап-јажыл мөштөр учурап баштады. Адым јы-гындарга туйукталып, ары-бери айланы берди. Мен тискинди ол дö-ён-бу дöён тартып, јыгындарды эбирип ле турдым. Сергейдинг ўни там ла ырап јүрүп баратты. Кандый чаптык арка болгон! Антарылып калган агаштар, тазылдары сарбайышкан тёнёштөр, јыгындар, јыраалар. Мыны көрлө, айулар керегинде коркымчылу куучындар

санаама кирди. Мен билерим: олор кижиғе бойлоры качан да табарбас. Кижинен карын качар. Же ондай да болзо... уйуктап жаткан айуның ўсти орто жортуп барды... Чочыган бойынча, ўстинг орто чуралла келер. Олор сеге Шишканин журап койгон ўч айузы эмес. Аңчада эмди — балдары жаандап турган тушта... Жок, жок, не де болзо, база бир катап ўн чыгарып көрөр керек. «Эг-ххх...» Жок, умзанбаза торт эмтири. Ээ, а бу атты бош салып ийзе, карын жакшы туруине. Кыска жолды бойы таап ийер. А мен дезе туку байа бойынча, теп-тегине ле...

Учы-түбинде та кандый да орык жолго чыгып келдим. Санаам жарый берди. «Жарым час кире жортсон», элбек кобы болор. Ол кобыны откүре жортсон, чибилерлү туу көрүнер — деп, Токтой меге байа жакыган. — Бот ол чибилерлү тууда ангдар мүүстериин арттырып турган». Мен дезе частанчик жок ажыра жортуп жадым. Же элбек кобы да көрүнбеди, Сергей де билдирибди. Жолычак мени чындал та чörчök жериндеги ошкош жыш аркага экелди. Миңдагы мөштөр жажыл эмес — кап-кара. Күннинг чогы бого жетпейт. Кайда-куйда күннинг чокторы будактар откүре тийерде, бу жер чек ле сууның алдында көрүнген журуктар ошкош. «Эргекче уулчак» деген пъесадагы агаштар ошкош. Бот жаркынду ак жаланга чыгара жортуп келдим. Бу ак жаланың тал-ортозында менен жюс ле метр киреде ангның мыйгагы турды. Көөркүйдин жаражын, жаанын. Мен жаар кулактарын уулайт. Качпайт. Мен кургак будакты ёнотишин «тырс!» сындырды — качпайт. Байагы будакты мылтык чылап, мыйгак жаар уладым, бодоп ло шыкаадым — турат ла!

— У-уу! — деп ўним, байла, кайкагамнан болбой, чыгып келди!

Мыйгак араайын айланала, койу карганалардың ортозы жаар кире берди. Бу ла тушта чек ле жанымда Сергейдин ўни угулуды.

— Айт! Айт!

Көрөр болзо, Сергей жолды база јылыйтып салган эмтири. Мени бедреп, канча жер чарыпташ жүреле, бойы азып калтыр. Ол бу јердин кижизи эмес, бого киномеханик болуп иштеп келген кижи болды. Миңын учун бу јерди жакшы билбес. Токтой болгон болзо. Ол мында кайда кандый тайа јөзүп турганынан бери билер.

Бот бис экү тозулга барган улусты бедреп баштадыс. Орё жортодыс, төмөн барадыс, кырлакты ажадыс, канча арка-тууны эбираедис, сыйырадыс, кыйгырадыс, же ол та кайда — билдирибейт. Бир табыш жок, бир ўн жок. Мылтык та адылбады. Айландыра тымык ла ээн. Арт-учында жолыгыжар болуп јөптөшкөн жерис жаар жорттыбыс.

Тыттардың төстөриндеölöгнин ортозында атпайыжып, сарбайыжып, ангдардың мүүстери жаткылайт. Көп сабааларының туура айрылары сынгылап калган. Миңда бойынның сүүжи ле жүрүми учун сыйындар согушкан. Сыйынның мүүзи кажы ла жаста мында

түжет, кажы ла јаска јетире ойто өзүп калат. Јаны чыккан мүйс алдындағызынан бир айрыга көп болор. Бот бу јаныс айрыга болуп, мындый јаан, кишинин кулажынан жалбак мүйстер бүдет! Үргүлжи-ге мындый. Кажы ла јылда јанырар, өскөлөнөр керек. Жүрүм жүрер-ге турган болzon, мынайтпаганчан болбос. Бис онайдо бойыстын санааларысты, билерибисти, алан-зыштарысты таштап болор бедис? Онзыы күч неме болор болбой. Мүйстер јаны өзүп келетсе, јымжак ла бортык болор. Олорды сүрекей чебер алыш жүрер керек. Эски мүйстер сөйк болуп кадып калган. Ондый мүйстүү анга коркор неме јок. Бис те, байла, ченеп, «кадырып» алган эски санааларысла жүрзебис артык деп бодойтон болбойыс.

Жодомнын балтырлары, ээр ле ўзенги јыжылган јерлер бастыра-зы оорып, ачыжып, систажып жат. Мени кече түжине элгекке сала-ла, экчеген, токпоктогон ошкош. Бастыра бойым оодылып калган. Мен арга јокто адым, мотороллерге отурган кыстый, јаныс јандап минип алдым. Же мынайып та отурыш болушпайт. Ат канай-кунай бүдүрилзе, јыгыла бергедийим. Онон адым да бу мынайда минишке ўренбекен эмтири. Жобош ло ат бололо, мени «кыйыктабай» баратты. Онон Сергей де, Токтой чылап, мени сакыбайт, керектебайт. Эмеш јакшы јол болордо, ичкери јелип ийди. Меге онон артарга јарабас — тиштерим тиштенеле, база јелип ийдим.

Тал-түште та кандый да јайлуга јеттис. Токтой баштаган улус бого келбекен эмтири. Айылдан эски кёнөк таап алала, ого чай азып, сукайрыбысты кемирип отурдыс. Күрек табыла берерде, кандык ка-зып јидибис. Онон тондорысты көлөткөгө јайала, уйуктаар дедис. Күн јаркынду, тенгери көп-көпгөш, јердин ўсти бастыра чечек, че-чек, чечек, адарулар.

Ойгонып келзем, күн чек ле јүзиме тишип турды. Тайганын өзө-гинен ўлүш серүүн согот.

— Бистиг јаныбыс мындый — деп, Сергей айдат. — Тайгага ас-кан болзон, кечеги конгон јериге бар. Нёкёрлөринг сени ондо са-кыыр эмезе онон бедреер.

Кечеги конгон јерис јаар тескери јорттыбыс. Бисти мында энгир-гери Токтой тапты. Мен дезе одунын јанында кайанын ўстинде отурым. Күннин чогы бу менинг ўстимдеги булуттарды күйдүре јарыдат. Күн бойы дезе туку менинг Латвиямда Даугаваны жараттай өскөн карагайлар јаар ажып бараткан болор. Томон өзөктө ынаар там койылып, там көгөрө берди.

«Меге јайым керек. Мени бу мында чечектерле де, алтынла да тудуп болбозын. Өскө јердин јаражы менинг ичиме кирбес, мен оны сүүп болбозым. Өскө тилле бичиген кандый да јакшы, јарашиб ўлгер болзо, кижи оны ондоп болбос. Бу өскө јарашты мен база ондоп болбозым. Бу мынайда Кадынды көрөлө, В. Лацистинг «Зитарлар-дын билези» деп романда Янка айдат. Янка јастырып жат. Ол бу јерди сүүйле, бойын, бойынын төрөлини јылыйтып саларым деп бо-

догон. «Бойыный — бойсу» дегени ол. А мен бу ыраак ла јараш таланы сүйле, неемди јылыйтарым? Менинг бу јерден апарған сүүжим төрөл јериме барзам, ойто ойгонып келер. Мен бу јерди сүүйле, төрөл јеримди карын јакшы сүүрим. Іе Янка — ол Янка. Канайдар оны. «Ол јаантайын санааркап јўрер, унчукпас кижи болгон. Чачтараты снынг кара, кабактары кара, чап-чанғыр көстөри дезе кунукчылду болгон» — деп, ол керегинде бойының романында В. Лацис бичит.

Токтой биске орой энгирде бош болуп калган келди. Бисти бедреп, тыңг ла арыған-чылаган кижи эмтири. Бистинг асканыс учун оның јол-јорыгы бузулган. Ого эртен энгирде јуртта болов керек. Бу ненинг учун дезе ондо кой кайчылаш башталып жат. Ол јокко — иш јакшы јылбас.

Сергей ле Токтой татаалыжа бердилер. Вöгүн мында база бир конуп ийер бе эмезе эмди ле атанала, артқандарын јаба једип алар ба? Сергей артып калар күйүндү: эртен таңда чайдынг ойыны болор, бир-эки чай адып та алза, кем јок. Токтой дезе бу бистинг бүгүнги де тапканыс једер, ёткүре ачаптанарга јарабас, атанала деди.

— Янс-Манс арыған — деп, Сергей мени та ненинг де учун Янс-Манс дейт. — Ол мынанг ары јортуп болбос. Оны бойынг көрүп турунг.

Токтой айылчы кижини, чындал та, аргызарга јарабас дейт, јöпкө кире берди, је мен: «Баралыктар!» — дедим. Ичкери јорттым.

Карапайда јырааларда та кандый да барыңкый неме јадат. Аттар ого јууктабай, ўркигилеп турдылар. Көрөр болзо, ол эликтин төрези эмтири. Ераконъерлер оны адала, эдин алала, терезин бого таштап ийген болды. Кöскө көрүнбес этире, јажыра да суккан болзо кайдар... Алтайда элик андаарга јарабас. Кажы ла аткан элик учун бежен салковой штраф салынып жат. Мынынг учун бу мындый јарашиб «чек-чек базытту, чекпен сары ѡдүктү» андар мында кöп. Олор түндүкте аба-јышка јайлап алала, күкүдө ондо јаан кар јаап ийгежин, бери кары ас таскылдар јаар көчкүндеп жат. Кезикте кенете бүдүн јарым метр кире кар јаап жат. Бот ол тушта көбрүккүлдер түбеккө алдырып, кырылып жат. Кадын ичинде Эликтинанар деп јер бар деп уккам. «Эликтин чедени» деген соң дешти. Кышкыда ондо эликтин коби коркыш. Јайгыда дезе олордын ондо јыды да јок.

Алтай туулардын ас ла сүрекей баалу аңы — тооргы. Ол эликтен чик јок кичинек, эди де јакшы эмес, је онынг кини сүрекей јаан эм. Оны парфюмерный промышленность тыңг керексийт.

Мен бу түнди неге түнгдеер деп, санандым ла сананадым, је түн-дештири таппадым.

Туулардын юстинде түн туулды.
Учар сууныг јарадында бокён
Желбер кара мөштүй көрүнди.

Бу мынайда Ерошин айткан. Мынаң артык айдып болбозым. «Желбер кара мөштий түн». Бу мындый түндештируни көрөргө, ол канча кире тайгалады не? Бу сөстөр ого кайданг келди не?

Мөштөрдинг ортозына айдынг чалының бөдүп болбойт. Будактардын саалактары жардыма, колыма төгүлет, жапшынат. Сергей де, Токтой до мениле кожо эмес ошкош. Мен сок жаңыскан барып жаткамый. Мени нургун мөш арканың карангуйы курчайт, ўстимде будактар откүре кая-яа жылдыстар суркуражат. Айландыра тымык, амыр. Сананаамда база тымык, амыр.

Түйгектар алдында тоңуп калганölöң быжырайт.

Туку төмөн өзөктөрдө айдынг чалыныңа көлдөр жалтыражат. Көлдөрдинг јүстери тымык, жукачак тош күсүүлөр ошкош. Ол көлдөр чындан та, јомтий тоңуп та калган болуп айабас: өзөктөрдө соок, колым тонуп жат. Кобы-жиктерди төмөн бийик туулардынг соок сыркынду кейи түжет. Бис саң бөр жортуп барадарыста, ол соок кей биске удура суудый агат. Соок тынышыла бисти табарып, санды төмөн ағып ла жат, ағып ла жат.

Бис бу соок ағынга удура жортуп, ажууга чыгып келдис. Мында ойто жылу боло берди. Түнде туулар баштай өзөк ичиненг жылу дешкиледи.

Мында бисти сакыгылап отургылаган эмтири. Ажангылап койтыр. Биске жарым könök эттү мүн арттырыгыскан эмтири. Оттын жаңына тоңнор жабынала, табыланып ажанып отурага кандай жакшы!

Коммуна чамчазын уштыйла, тере тонын жабынала, бели-буудын отко төгөлөп, уйуктаарга жазанып ииди.

Солнце — жаркий мой костер.
Ночь тиха, черна, как соболь,
Шкуркою своей мохнатой
Валился на мой костер.
Светолицый, легкий пламень
Обогрел, сварил мне пищу.
Вспомнилась родная мать.

Санаама ойто ло Ерошиннинг ўлгерлери кирди. Мөш агаштынг чедиргени ойто ло чингмеери учуктый суртулдажып, карангуйда канчајүзүн кулja-чололор журагылап турдылар.

Мен бажымды тоңло жабала, јенимнинг ичине мөштинг будагын сындырып ийдим. Тонымынынг ичи мөштинг жыдыша толо берди. Мынайда жаңы ла эткен шкаф жытанатан. Сергейдинг ўни угулат. Ол бистин азып-тозуп јүрген шырабысты куучындайт.

— Янс-Манс бўгўн ан көргён. Уркидип ийерге сананган, ёе ўни чыкпаган. Карын, ол ангның солун кижиге көрүнгенин. Ого солун ине.

— Көргёни жакшы — деп, Токтой унчугат. — А ўнин бис онынг эртен изў чоёчёйлө эмдел койорыс.

Сергей мени ненин учун Янс-Манс дейт? Янс — байла, Янис деп латыш аттан болбайсын. Йолой бис Иван деп ат канча тилдерде канайда адальп турганын тоологоныс: Иоганн, Юхан, Джон, Жан, Хуан, Ионас, Янис. «Манс» дегени менинг Имант деп адымнаң болбай. Байла, ондый ат Сергейге айдарга да, ундыбаска да эптү болуп турган.

Аттарыс жаңыста отойт. Мен ээрди јастанаала, аттар былтыргы кууданды тадырада чайнаганын угуп аттым. Бу кандай чыдамкай аттар. Кере түжине канча кире уур јөтötкөн, түнде бир эмеш отоп алган кийинде, ойто ло јорторго кем јок. Олордын чыдуузын кижи кайкаар.

Мен тонымнын эдегин јўзимнег айлаттым. Ойто ло јылдыстар көрүнди. Улус Алтын-Казык деп јылдысты табарга болуп, озо Жети-Каан деп јылдыстарды бедрегилейт. Ол јылдыстар јогынан мен Алтын-Казыкты таап болорым ба? Көсбримди јумуп ийдим. Ойто ачтым.. Бу ба?.. Айса мынызы ба?.. Јок, таап болбайтон эмтириим...

Јок, бүгүн јылдыстар керегинде ўлгер бичири күүним келбайт. Улус керегинде бичизем, артык болор. Бу сукайры, төжёнчик-кийис ўлешкен тайгадагы эки күн городтгы јылу эки јылдан артык нöкёрлөштирир. Ончо улусты јууктатпаза да, је кöп саба улусты нöкёрлөштирип салар.

Чынын айдар болзо, мен бу улусты јакши билбезим. Је бис јакшыннак нöкёрлөр болорыс деп, мен бир де алантзыбайдым. Бистинг ол келер ёйдö болотон најылыгыс тайга ошкош элбек ле тайга ошкош учы-куйузы јок болотон болзда Мен ол најылык jaар кöмүлип, онон качан да чыкпас эдим.

Бу түниле менинг кёксимде бу мындай ўлгер туулды:

Здесь клятвы древние поняты:
Пусть будет дружба — как тайга,
Где нет дороги на попятный
И веток вздыблены рога.

Олени — что ж, пускай олени!
Когда один среди кустов
Бессильно рухнул на колени,
Другой на жизнь и смерть готов.

Мы для друзей щедры на речи
И на улыбки неспроста.
И все же дружба человечья —
Ты, как тайга, необжита.

Уыбок нам всегда хватало,
Но есть дешевка в слове том.
Мы ждем от друга слишком мало
И слишком мало отдаем.

Просторы дружбы настоящей
Сленями уйти нам,
Лучше заблудиться в чаще,
Ем возвращаться к прежним пням.

Іе пройти до края нужно,
Но где безбрежья берега?
Над всем, что породила дружба,
Шумит безбрежная тайга.

Күйүк айдынг он төгүзинчи күни, воскресен.

Кече энгирде ботинкаларымды бажымнын алдына салып койгон болгон, бүгүн эртен тура слор јңеске јаба тонуп калтыр. Кейап-ару, чындалпак ла аржан суу ошюш. Коммуна чамча јокко тон-

ның алдынаң чыга конолс, күчин бадыrbай, бодоп ло багырып ийди:

— О-го-го!

— Го-го! — деп, туулар аңыланып, ого каруу берди.

Бистинг јолдорыс айрылышып жат: бис Токтойло кожо јанып жа-
дым, арткандары дезе онон ары баргылаар. Калганчы чайлардын
эдин отко тиштеп јидибис. Атанар-айрылыжар алдында карточкага
соктыртып алалы дештис. Аттарыс јергелей туруп болбой, узак
мойношты. Мен фотоаппаратымды келишишип болбой турдым.
Таң атту јўргенчем, фотоаппаратым тың силкилген болбой, ўрелип
калтыр. Карточка та чыгар, та јок.

Жолой геологтордын одузын табардыс. Олор төрт майкан тургу-
зып алтыр. Бирўзинде курсак белетеп тургулаган эмтири. Лагерьде
эки ле кижи арттыр. Арткандары иште болды. Казанчызы күнгө қа-
рара кўйўп калтыр. Йиит студенг уул столдын ўстинде картага та не-
ни де бичип турды. Олордо қышка жетире практика дешти. Айлан-
дыра сўрекей ѡарашиб ёр. Ўарашиб ѡарашиб ла, ёе кўунге тийип калган
болбайсын. Јок, кижиге ижи тук ла баалу болзо, кандый да ёр
кўўине тийбес.

Јуртка бис эрте једип баарас. Мынынг учун менгдебей, куучын-
дажып та баратса кем јок. Кожо конгон эки түн бисти јуукташты-
рып, ачык-ярык эдип койгон.

— Кўёктинг ўнин угадынг (а') — деп, Токтой сурайт. — Уни ѡа-
рашиб та болзо, ёе күш бойы — јаман күш. Онынг балдарын ёскё күш-
тар азырайт. Кезик улус та ондый. Бир иштенг ёскё иш ѡаар, бир
таланаң база бир тала ѡаар ючкўндеп, тербезендегилеп јўргўлеер.
Узун акча, ёнгил калаш бедреилеп жат. Олордынг ортозында ѡакшы
улус бар деп, мен бўтпейдим. Аракыдагылап жат. Уурчи. Ижин
ঢাকশы эткилебес. Балдарын таштагылап ийген... Ўангыс ла «Ку-ку,
ку-ку!..» Эйт, кўрёр кўўним јок!

— Эмдиги тўрген ёйдо ѡагыс ёрге ѡадарга кўч. Бойынгын
јерингди билерге турган болzon, ёскё ёрлерге барып, тўнгаштирип
кўрёр керек. Ёскё улусты, ёскё иштерди база билер керек — деп,
мен оныла ёпсинбедим.

— Онызы чын — деп, Тоитой бажын кекийт. — Мен де ёскё
јерлер ѡаар барып келер кўўним бар ла. Је менде ондый ёй јок. Кан-
ча да кире кўп акча тўлойтён болзо, менинг баар юантым јок. Бу
туулар — менинг тууларым. Ёскё јўрденг келген кижи мен кире ка-
чан да иштеп болбос.

Токтойдын эки сыйны гордто јренгилейле, ойто юангылап кел-
гилеген. Кичинек сыйны — Ижнер — Барнаулда юртхозяйствен-
ный институтты божоткон, эми совхозто зоотехник болуп иштейт.
Онын Зоя деп сыйныла бис бу мында эмди ле ѡолыгарыс.

Чек ле чёрчоқтёгидий, ёткүре ѡарашиб ёр.

Жажыл тыттардың алдында агаш турачак. Ўстинде чанкыр тенери. Айландыра туулар. Эмди ле бу ак-жаланга баграк көстөрлү элик чыгара мантап келеле, jaан-jaан ак карлар айланыжа берген болзо, бу јурукты Жаны жылга сыйлаар открыта да этсе кем жок болор эди.

Бу мындың жерде жаткан кыс бала кандай болор деп, мен оны озолодо санаама журап келдим. Ол керегинде укканым бу мындың жараш жерге сырангай жарабай турды. Мындың жерге жадала, кижи канай иштейт. Бу жерди аякташ отурганча ла, күн öдүп калбай. Ол кыс дезе баш койчи, комсомол организациянын качызы, комсомолдың Төс Комитетинин Пленумында турушкан. Анчада кой кайчылагажын, оны акалаар кижи жок. Туку областтан бери маргаандарга туружып, оренбург эп-сүмелө кой кайчылап, ондо жөнгүчил болуп чыккан. Былтыр жайгыда ол Ленинградта жуучыл талайчылардың байрамында турушкан. Айса болзо талайчылар болуп турган бистинг коо латыш уулдар бу кыстын иштенгей колдорынаң сый алгылаган.

Бу жайлуда жажы жаандай берген улустардың жайлузынаң чик жок башказы бар. Мында иштиг культуразы, жаткан туразының ичи, бригаданың членери кийингендери, олордың куучындары — ончозы össö болды. Зоя чоокыр блузкалу ла ак арчуулду болды. Бу мындың кысты уур чегедек кийип алыш жүргенин көрзө, кижи ого бүтпес болбой. Ол чегедекти кандай да изү, ышту айыл болзо, ўи кижи уштырып жаны жок. Кату ла уур жандар азыйда ўи кижини биледе жаба баскан. Улус отурбаганча, ол бут бажында турар жанду. Оғёөнинин төрөгөндөрин ончозын байлаар, олордың алдына чөгөдөр. Чык дезе чыгып, кир дезе кирип жүрер. Олгөнчө оғёөнинен айрылар жаны жок. Бу ненин учун дезе ол тушта оғёөнинин берген калымын тölөөр керек. Оғёөниölүп те калза, ўи кижиде жана берер аргазы жок, онын төрөөндөрине кул болуп жүрер. «Таш таштаган жерине жадар, кыс барган жерине журтаар» — алтайларда мындый кеп сөс бар.

Зояла кожно ўч кыс сегис жүс кой кабыргылайт. Бойлоры ла öлөн эткилейт. Кижи бодозо, сегис жүс кой ўч кыс балдарга — сүрекей күч. Же канайдар: көс коркор, кол эдер. Кыстар чыдажып, кабыргылап ла жат. Ченемели жаан да койчылардан арткылабай жат. Койлорында жаан чыгым да болбогон. Быжыл койлорының түги де жакшы. План ажыра бүдер болор.

Бу мыны ончозын меге Токтой куучындаган. Ол бойының сыйнала оморкоп, меге чала күнүркеп турган. Мынын учун мен ол кырлык жаражайла жакшы куучындажып та болбодым. Токтой та ненин де учун јортолы деп, мени менгдеде берген. Токтой одузы ончolorы жараш ла курч улус деп мен алдында да уккам, же Зояның жаражы мени кайкatty. Онын чала сыйкыксымак көстөринде

туулардың чичке көлдөрининг караңгай жалтырты бар, эки кабагы — ээле түшкен эки кара солонғы. Мен оны көрөлө, байагы уккан бастыра тоолорымды, проценттеримди ундып койдым. Зоя ла бис жаңыс ййдинг улузы. Бистиг бу јүрүмде көрүмис, ондо эдерге турган күүнибис — жаңыс. Менин санаамла болзо, Зоя ошкош улустар Сибирь-динг јүзин жаңыртар ла б скёртөр, жадарга эптү эдип алар.

Сениле кожно јүрген кажы ла кижи сеге жаңыс ййдинг кижизи болбойтон туро ине. Ол сениле кураалаш, ёрлеш, јурташ та, сениле кожно иштеп, ажанып, куучындажып јүрген де болзо, кажы бир кижи сениле жаңыс ййдинг кижизи болбос то аргалу эмтири.

Бис сениле общежитиенинг жаңыс кыбында кожно жатканыс, је сен кем деп, мен ол ло бойынча ондоп болбогом. А бир кижиле жаңыс ла күн чаналу жынгылаганыс, јүс катап жыгылып, ойто турганыс, јўк ле бир кожонды экү кожондогоныс — бис жаңыс ййдинг улузы деп, меге јарт болгон. Мен Улан-Удэ городто латыш литературанынг Күндери борордо, төртинчи курстынг студенти «Бухенвальд набат» деп кожонды кожондогонын уккам. Мен ол уулдын адын, кылыхын билбес те болзом, је ол менинг бйимнинг кижизи деп, мен тургуза ла сезип ийгем.

Сен дезе сүре ле мениле кожно болгон, бис экү айылдын ичин садып алыш, төрөгөндөриске айылдап, кожно узак јүргенис. Же бистинг санааларыс качан да бир болуп бирикпеген. Эпте же ге, бир пуд тус јиир керек дежет. Же бис эки јарым тонна кире тусты јип койгон болбойыс, је онон кемге-кемге тута болды ба? Онон мен б скё кижиге туштагам. Ол кижиле кожно бир ле калбак тус јиген борорыс, мен оны бойымнынг бйимнинг кижизи деп база тургуза ла билип ийгем. Бис экү јүрүмиске берилген бастыра тусты ўзезин кожно јип койорыс деп, мен бир де аланзыбай јадым.

Улус мынайып ла бойыннынг бйинин улустарын бедреп ле таап, мынайып ла биригип, наылажып, улустардын колбузы там тыңып, мынан ары албатылар, ороондор колбузы болуп, кижилик јууктажып, тазылданып јўзўп жат.

Бис Зояла, онын кичинек уулчагажы Сашала, онын бригада-зынынг кыстарыла эзендежип, онон атанып ийдис. Тыттар жажарып, чаганазы тату јаарсып турды. Аттар кёнү базып барадат. Мен бу јүрүмдиjakшызынып, көстөримди јумуп алдым. Мынайда канча ла кире узак јорткон кижи. Јүрүм jakшы деп сананып бараттым. Мен тирү — бу кандый jakшы деп сананып бараттым.

Душистый вечер!
Пахнет жасмином
И миндалем немножко.
Под рижскими липами
Моя молодость

Уходит, как девушка в бежевых
босоножках.

Остановилась и слушает,
Как жасмин цветет.

Я тоже остановился,
Хочу узнать, куда девушка идет.
Я иду за ней, я хочу узнать,
Куда моя молодость идет.
Цветет черемуха белыми гроздьями
У заводских ворот.
Свет ночной смены
По асфальту разлит,
И моя девушка,
Задумавшись у завода стоит.

Луга и нивы,
Первое сено, вянущее у межи.
Первые жаворонки
В видземской тиши.
А потом я споткнулся
О житейское что-то,
И моя молодость
Скрылась за поворотом.

Я ее потерял.
А потом однажды
Белой ночью среди студентов
Встретил ее в Ленинграде.
И еще, когда шла она с фермы домой, —
Это было на Горном Алтае —
Шла моя молодость,
Как всегда молодая.

А сегодня опять все как было:
Пахнет липами вечер и миндалем
немножко,
Идет по аллее девушка в бежевых
босоножках.

Остановилась
И слушает, как жасмин цветет.
Не спрашивайте!
Моя молодость знает,
Куда идет.

Элбек өзөккө чыгара јортуп келдибис. Учук-тууның ары јанында — Кайырлык јурт. Аттар айлына мендегилеп, манын кожуп ийди. Бу јууктарда биске Бористинг энэзи — ак атту сырсак сыйнду эмеген кожулган. Ол эмди ончобысташ озо тулундары тапылдап, бўкренг мангла чаап баратты. Энг кийнинде — Токтой. Бўкренг мангла барза, яелиштен чик јок јымжак туру ине. Энгир кёлёткё өзёк ичине тўжўп калган. Ак кайындар, кара чибилер јанысла одо конгылап. кайкаганду тургулап калғылайт. Айландыра кандый да жажыт, керек дезе коркымчы бар. Је чаап баратсан, телекей ѡаранып чыгар, санааларынг омок, кодўринг болор.

Кайырлык суу јаан-јаан таштарга ўч-торт айры айрыланып, карангуйда кўёлеп ле јадат. Менинг адым кап-кара суунынг ўстинде айдынг жаркынын тумчугыла туура ийдип, ачаптанып суу ичет. Онон таштарга тайкылбаска чебер базып, суу јаар терен кире берди. Мен чала коркып, кайа кёрдим. Кийнимде карангуйда Токтойдынг тиштепри жалтырт этти, суунынг шуулты ёткўре онынг ўни угулуды:

— Тискинин божодып ий! Ат бойы билер...

Энгирде Токтой мени бойынынг айлын айылдатты.

Онон Сергейдинг айлын айылдадыс.

Онон Коммунанынг айлын.

Онон Леонид Васильевичтинг айлында отурдыбыс.

Мен алтай улустынг ичиш турган суузындарын амзап, олордынг амтанила таныжып, байып калган јандым. Ичерге јакшы чегеннен ала сүттөн аскан аракыга јетире амзадым. Токтой кожонгдойт. Тенериде ай бу тўнде кандый да сўёнчилў. Ўзенигег чылаган буттарым эмди оорбайт. Токтойды кўрёлёт, Ерошиннинг «Сўёнчилў Ойка» деп ўлгери санаама кирди:

Солнце ходит —	Ойка выпил,
Месяц спит,	А не пьян.
Месяц ходит —	Звезды... месяц...
Солнце спит.	Добрый месяц.
Ойка, Ойка...	Круглый, медный
Тоже ходит,	И большой.
Сам и ходит,	Я налево —
Сам и спит.	Он налево.
Звезды? Звезды —	Я направо —
Бисеринки.	Он за мной.
Где ж река?	Месяц ходит —
Зачем туман?	Солнце спит,
Урожай,	Солнце ходит —
Колхозный праздник...	Месяц спит.

Ойка... Ойка...
Провалился.

И не ходит,
И не спит.

Күүк айдын жирменчи күни, понедельник.

Кайырлык јурт уйлардын мөбрөжиле, койлордын маражыла, ойгонот. Озёктин тал-ортозы туулардын көлөткөзинде, ого күн тийгелек, је түндүктердин ончозына јуугында чангыры ыштар чойильт. Мен таштарлу кырды ёрб, күнгө удура чыктым. Бот күн эмди менин чике жүзиме тийет, алдымда јурт дезе эмдиге ле көлөткөдө, эртен туранынг көк түдүнинде.

Үй саар фермада ак кийимдерлү улус шакпыражат. Уй сайтана агрегат эртен туранынг серүүнинде араай шуулайт. Электростанцияда дизель күлтүлдейт. Пötükterdin ўнгүр кыйтылары тууларда омок јаныланат, келип жаткан күнди эмдигештен мактагылайт. Кыраны кечире суак jaар карамысту ўй кижи барадат. Түнде кыру түшкен, көнök јукачак тошты «шынгк» этире оотконы угулат.

Жаркынду ла жарашиб эртен тура. Май айда бисте талайдын жаралында база мынды. Толкулар кышкы тошты талай jaар алып јуре берген, кају жараттарда ак-ак «кайоноктор» жайканижып тургулаар. Эмезе бисте күскиде мынды болор: талайдын ўсти ышталып, буулап, јукачак тошло жаркындала тонуп жадар.

Машина-трактор ремонттоор мастерской jaар эки карган базып келедет. Олордын бирёзи узун, коркок кижи — ол Амыр Тогочоев. Кижи бодоор болзо, пенсияда кижи кайдөён менгдеер. Же ол эртен тура токыналу отурып болбос. Ого бастыра јуртты, форманы, мастерскойлорды, складтарды, электростанцияны айланып, көрүп койор керек. Токтомыр јок кижи. Бастыра јүрүминде мынды болгон, эмди амыралта-пенсияда да ол ло бойы. Амырды јуртта энг иштенгек кижи дежетен. Керек дезе бир јылда эки табын уйлар кабырган. Канайтпаган да, кабырып чыга берген.

Экинчи карган — Учур Йырjaев. Темир сулаачы ла агаш чабар ус. Ол база амыр билбес кижи. Бу јурттын тураларында онынг тудушпаган туразы јок дежер. Эмди ол эртен тура кузницада эмезе тура тудуп жаткан јерде тураг. Колло болушпазда да, же кандый-бир болушту эп-сүмени айдып ла берер.

Күн айылдардын ачык эжиктерине тийет. Жайгыда улустар, анчада каргандар, айылда жаткылап жат. Жебреннең бери ўрентилеп калган. Чындан та, жайгыда айыл жакшы эмей: ондо серүүн, чымыл да ас болор.

Бир туранан ач чамчалу уулчактар чыга конды. Толыкка тура-ла коройлодып ииди. Же узак тургулап болбоды — соок! Токтой-эште мотоцикл таркырай берди. Айдарда, ол онызын жазап алган эмтири. Ол мени совхозтын төс јерине жетирип салар болгон. Жакшы болзын, Кайырлык!

Жакшылыкту таңла, Люба! Оноң эмди ле жакшы болзын!

Люба деп қыс чеденниң жанында кастарга арба берет. Мен жаар жаан көстөриле кайкаганду көрөлө, оноң танып ийди. Ол кече бисти Леонид Васильевич-эште чайлаткан. Адазына айылдан келген турган. Бис Брехт керегинде куучындашканыс. Эмди ол театральный институт божоткон актрисага түнгей эмес. Тере тонду, пыймалу, чек ле бойының азырап турган кастарының балдарына түнгей. Бу қыс үдабас Горно-Алтайскта албаты театрда режиссер болуп иштеер деп кижи бўтпес те. Кайырлыктан текши Алтай жаар база бир одычак чыгып жат. Ёе оноң Кайырлык очмиктелип калбас. Кайырлыкта орто ўредёлў эмди де жирмененг кўп жииттер бар. Олор койчылар, уй кабырачылар, малчылар, механизаторлор болуп иштегилейт. Тёрёл журтын там байгызат, жарандырат, онгжидет.

Алтайдың колхозторында ла совхозторында орто ўредёлў жииттер кўп. Бу нениң учун дезе јуугында заводтор, фабрикалар ас. Ёе жииттердинг ёрине артып турган шылтагы — олор алтай улус. Алтайлар — туулардың, арка-жыштардың балдары. Мында олордың тили, мында олордың культуразы. Олор бойының культуразын, бойының экономиказын кўдўрерге иштенгилеп жат. Оскё ёрде јўргежин, ёўк ле бойының кара калажына, боро кардына болуп јўргендий бодолот.

Кени журт. Совхозтың тёс жери. Токтой балкашты, онгкок-чин-кектерди, суучак-жуукаларды ылгабай, анаар ла мантаткан, мениң ангкамды ажырган. Ёе эмди ёдин келген, экў айрылар башта кол тудужып турубис. Мен ого мени эске алып јўрзин деп, тоңырак бычагымды сыйлайдым. Канча кире шибегай, штопорлу бычак. Ангдалап јўрерде керектў бычак. Акыр, акыр... Бычагым карманымда... јогыла! Сумкамда база юк! Ойто катап тимирдим — юк! Юк! Эз, мен оны тайгада конгон одуда чиби жаар кадайла, ундып койгон турум ине! Ёе алдырабас, сен, Токтой, оноор түнгей ле баарын. Ол бычакты алып аларынг. Бистинг одуны сен билбей.

Кени. Мен полкада бичиктер ле турза, олордон айрылып болбозым. Библиотеканы кийып, кижи кайда баар. Бот эмди де кирип келдим. Библиотекарь келиннинг көстөри чап-чанкыр, чачы кўдели ошкош болды.

— Лабдиен! — деп, латыштап айтканымды билбей калдым.

— Лаба диена! — деп, сакыбаган каруу уктым.

Айдарда, литовка. Тойдың кийнинег јўргулеп ийген улус эмтири. Библиографияның факультедин, бастыра тёрёёндёрин таштайла, ёғёнинин кийнинег ёдин келген кижи болтыр. Онын ёғёнин, кўчтў ле омок-седен уулды көрөргө менде ёй јогы кандый ачу! Ол бу тууларда чыккан, мында ёскён, оноң Литва жаар жана, ого бир ле јыл иштейле, чыдажып болбогон. Чыккан-ёскён Алтай эрки-

деп ийген. Ол механик болуп турган. Механиктер дезе мында Лит-
вадаң керектү ине.

— Стась энгирде айлында болор. Айылдагар.

Канай-кунай бого артып калзам, энгирде кыйалта јок кирерим.
Бу мындый чанкыр көстү јараш кыс бу бир таланын түбине јетире
оны ээчип келгенде, байла, якшы, иштенгей уул болбайсын.

Тоозындалып калган газик мени ойто ло туулык ѡлдорло апар-
ат. Туул Алтайда ярлу койчи Тана Марчинанын кой кабырганы
одус беш јыл болуп галган. Бу калганчы төрт јыл, оны Верховный
Советтинг депутаты эдиپ туткалы, газеттердинг, радионын, телевиде-
ниенинг, јўзўн-базын делегация, айылчылардын машиназы онын
турлузын такталта ѡлдап то койды дезе кем јок.

Чеденнинг јанында ўч ўй кижи ясқы күнгө күнзегилеп, сүүн-
чилў куучындашылап турдышлар. Ак тиштери, алтын сыргалары
жалтырајат. Бис яарап бирғүзи де көрбөйт. А не көртөн — бого кан-
дый машина келбей тургац.

Марчина — ябызак сынду, байалгак ўй кижи. Тулунгдары кап-
кара. Јўзи соок. Оозында сантга. Кижи оны керек дезе эр кижи деп
көрбөр. Ол мени јетирип келген зоотехник јиит уулга кату та нени де
айдат. Байа ла база мен яарап кижи ээчидип келген деп турган бол-
байсын. Ол эмди кишини база ла шылаар, иштеерге чаптык эдер.
Је мен ол керегинде бичирип келген эмезим, кёк албанла оны «сык-
пазым» дедим. Мен бу бистин орооннынг бадыш талазынанг јўк ле
онынг канайда иштеп тургаңын көрөрғө, оныла таныжарга келдим
деп айттым. Якшы улустар бедреп јўрген кижи мен дедим. Тана-
нынг койлоры алты јўс. Алты јўс койдынг кажызын ла ол таный-
тан, билетен эмтири. Керек дезе кажы койдынг јан-кылтынын, оору-
жоболынанг бери билетен болтыр. Мыны кижи кайкабас эмес.

— Жайы-кижы кажы ла күн мен олорло кожно — деп, Тана Мар-
чина айтты. — Керек дезе түнде де олордонг айрылбайдым. Түнде
олорды күзетең керек. Оорындарын бойым ла эмдеп турадым.
Былтыр койлорымда бир де чыгым болбогон.

Мен ярлу кайчыга көп фролбодым. Зоотехник та кандый да эм
экелген, Марчинада мынын учун ёй јок.

Туунынг эдегинде адарулардын тёнгөштöри. Јаны ла ўрендеп
кайгон кап-кара кырала барып јададым. Јер — јаны быжырган
калаштый, јымжак Тенгериде талан-келенгдер сыйырат. Чек ле ме-
нинг јерим Латвияда ошкош. Бу јўзик узун јайыла мётлө јытанар!
Мында кандый јўзум ёспойт дезегер! Бай алтай! Быйанду алтай!

Кандый да иштеп турган улустанг, байла, адаручы кижи-
дег ару јўректү кижи јок болор. Олорды мен јўрүмде де, книгалар-
да да көп көргөм. Ончлоры иштенгей ле төзбөндү улус. Бу мындый
јан-кылтыкты олор «Малданып турган» адаруларданг ла айландаира
токыналу ар-бүткеннен алыш турган. Ондый улусла куучындашсан,

сен де токынап, амырап каларынг. Бот адаручы ачык колыла төнгөштөн рамды уштып келди, адарулар онын колына чоокырайа отурып алды. Сен ол кишинин колы күрөн юнду мөт жыту кичинегеш желбер чечектерле чечектеп туро деп көрөрин.

Бу мөттү төнгөштөрдинг кажызы ла керегизде поэма бичиирге кем жок. Ол поэмада сюжет болбос, жаңыс ла жараш жытту, мөтсиген сөстөр болор эди. Мөттинг кажы ла тамчызы — ол телекейдинг чалыны. Поэмада төс герой база болбос, ондо эидиги ле удабас келетен бай жүрүмдү, будуктардынг юнгдорин, табыштарды, амтандарды ылгаар улустар бичилер эди.

Төнгөштөрдинг бирүзи кажы ла күн контрольный бескеге тургузылат. Чечектер жакшы жайылгалак, олорго жуулук киргелек, мынынг учун жуулып турган мөт эм тургуза ас. Күдине эки-үч килограмм.

Адаручы меге төнгөштөрин көргүзип турганча, энгир кире берди. Ол мени артып калыгар деди. Чындал та, мен неге мендеерим. Адаручы мөттү, изү сүтле менинг туулар салкынына тунуп калган ўнимди эмдеер болды. Онон суу кечире журтаган, айлына керек дезе кыштап турган алтай карганга барып келерис деди.

Бийик бозогоны алтап, карангуй айылга кирип бардыс. Карган эмеген очогында та нени де кайнадып отурды. Кызыл жалбыш онынг чырыштарлу жүзин, айылдынг карангуй иргезин бир жарыдат, бир ёчомиктөттөт. Ыш түнүк жаар уур көдүрилет, айылдынг ичи ышсыйт, тинчийт. Карган обөгөн бис жаар чугулду кылас эделе, унчукпай таңкылап отурат. Бу айылдынг ээзи. Мен онынг жүзине көрөлөө, коркымчым келди. Көстөринде бир кичинек тө жылу чедирген жок. Жүзи кыймык жок, тонуп калган. Же онынг көксинде көп санаалар ийдижет, ого бастыгыжып айланыжат. Тащ незерлердинг жүзи база мындый. Бу карган айса болзо кам укту болор бо? Ол карганчы арткан кам. Ол камдаар арга жок болордо, шыралап, ачынып, кыйналып жүрет. Кемди-кемди «көндүктирип» койойын дезе, ондый кижи та-былбайт. Бойын дезе карган. Сениле коко көп-көп салаалар көмүлип калар. Сен бу ак-ярыкта кемге де керек жок. Бу салым — күч салым. Мындый салымды мен кемге де күүнзебайдим.

Мен бүгүн айунынг желбер терезининг ўстине уйуктаарым. Бу теге бастыра жүрүминде уйуктаган кижи аң тозуз барган. Ол тогузон жашту, же онын сөбөктөри эмдиге бир де оорьбаган. Мен желбер айунынг терезининг ўстинде аңнынг аттайышкан ах мүүстерининг алдында уйуктаарым.

Васильич унчукпайт. Бис мөттү изү сүт ичедис.

Васильич унчукпайт. Толыкта жаңы эткен төнгөш лө такпайлардан чагана житанат, тураннынг ичине жайылат.

Васильич унчукпайт. Мен онын жүрүмин не сурабайдым? Ол узун ла солун жүрүм жүрген кижи ине. Мындый бйдö унчукпаза, артык. Чындал та, кезиктерде кишини унчукпай артык ондоорынг.

Мыны Паустовский айткан. Бу тымыкта бистинг санаабыс бир, укка-
нубыс бир: көзнөктинг тыштында салкын күүлэйт, печкеде одын
тазырайт. Кенете бу тымыкта адарудый, бажымда јолдыктар күү-
лежип келди.

Мöttү тойёшти бескелегилейт,
Мöttү тойёш ол мен.
Менинг јүрүмим адару чылап,
Меге күнүнг ле мёт тажыйт.
Канча кире мот алгамды
Чындык бескеден мен биледим.
Санаамда язап чотойдым —
Канча кире слерге береримди.

Улгердинг јолдыктары күүлежет, кичинек те амыр бербейт. Ме-
ге амыр бергилебейт.

Күүк айдынг жирме биринчи күни, вторник.

Мындыйjakшы јерди кандый кудай јайаган?! Мен туранант чы-
гып ла келзем, көстөримди күн кылбыктырып ииди. Элбек özök күн-
ге јылып калтыр. Суу жараттан талдар тату јытанат. Бастыра јер-ал-
тай мотсийт, жажыйт.

Столдо кувшинде толтыра сүт ле мöttү айак турды. Адаручы
бойы кайда да көрүнбейт. Ого алкышту бичик арттыргызып салдым.
Мында бичилген ўлгер учун ого алкыш! Бүтүнги омок күүним учун
ого алкыш!

Мындыйjakшы јерди кандый кудай јайаган? Мен чечектеген
талдардынг алдыла сууны жараттай бастым. Кичинек те ээзин јок.
Талдынг бўрине тийип ле ийзен, мёт јытанат. Кижининг тирў јўргени
кандыйjakшы!

Чындал та, кандыйjakшы күн! Кече чугулду көргён Марчина
да бутён јюзи эрип, күлумзиренип турды. Мени келер болор деп
узак сакыган эмтири, керек дезе бедреерге јуреле токтолтыр. Мен ого
бистинг јердинг значогын сыйлап бердим. Ол значокто чаңкыр тол-
кулардынг ўстиле јенил кайыган ап-апагаш чайка-куш. Ол дезе меге
эликтинг мўёзин сыйлап берди. Мындый мўўстерлў кижини јўрўмде
кем де јига сўзўп болбос деди. Бу сўстёрдёнг мен чала уйала бердим.
Је онон көрёр болзо, Тана мени шоотпой турган эмтири. Берген сыйы
акту јўректенг деп жарт болды. Мўўстерди рюкзагым jaар сугуп, Та-
нанынг эр кижидий кўчтү колын окшойло, машинага отурып алдым.
Алдымда менинг ойто ло ак јол. Кайаларда марал чечектайт, туулар
ончозы кызыл-чангкыр.

Менде мендеер керек јок. Удабас автобус келер. Мен ого отура-
ла, город jaар тўже берерим. Онон эртезинде атту-чуулу Алтын-Кўл
jaар ууланарам.

Кижи кайкаар: тўндўк jaар барып јатсанг, туулардын јюзи тас,

бир де агаш јок, кайа көрөр болzon, туулардың түндүк келтейи — койу јыш аркалар. Агаштар туулардың баштарына једип, је мес келтейине түшпей, туулар баштай тургулап калган. Чындал та, бир де агаш туулардың түштүк јюзи jaар түшпеген. Алтайбileечилдердин та кемизи де мыны аттың јаныс јаны jaар јайылган јалыла түнгдеген.

Жажаргалак боп-боро кыралардың ортозыла ап-ару суактар ак-кылайт. Бу суактарда балыктан болгой, курт та јүрзэ, көрүне берер. Браконьерлер ол балыктарды көрүп алала, суакты буугылап ийгилейт. Ўлүш таштардың ўстинде күнгө суркурагылап, чарагандар тырланғаджат.

Мындыңjakши жерди кандый кудай јайаган? Эртен турагы кейдинг арузын, серўүнин! Жажыл теректердинг ары јанында балдардың ўни шаңжайт. Оромло таң атту кижи сыр јелиште ѡдот, адының туйгактары узак алысталат. Сүрекей бийикте мүркүт айланат. Туулар — буулуттар ошкош. Буулуттар — туулар ошкош. Алтын-мёнгүн јалтырашкан буулуттар. Паустовский, байла, бу мындың буулуттарды көрөлө, «Жалтырууш буулуттар» деп повезин бичиген: «Кажы ла кижиге одус квадрат беристе јер береле, оноң оны чыгарбаза, байагы кижини бастыра јүрүмине түрмелеп койгоныла түней эмес пе?» «Жорыктабай, јаныс јерге јаткан кижи кунурап калат. Оның санааларын бор-кар иштер, токыналу јүрүм, кичинек амадулар базып кой-от». Бу јан бичичининг оноң ары бичиген сөстөрин мен јаны он-додым. Оның бу мынайда айтканы меге кандый јук: «Мен экзотиканан ырап калгам. Же романтиканан чыкпагам, оны качан да таштабазым. Романтиканың кижини аруттаар отторы, кижини сүүген көбрөми, токынап болbos санаалары јаантайын мениле кожо». Оның чүмдемелдерининг кире сөзинде мынайда бичилет: «Бистин эмдиги де, келер ёйдöги де јүрүмис көбрөм, көдүрингилү болор учурлу. Бу јаркынду амадуга једерге биске коркынчак, тögүнчик, эш-неме билбес укумалдар болорго јарабас».

СОС — ЛАТЫШ ЛИТЕРАТУРАНЫҢ ТУУЛУ АЛТАЙДАГЫ КҮНДЕРИНИҢ ТУРУЖААЧЫЛАРЫНА

ЛИЯ БРИДАКА

Лия БРИДАКА 1932 жылда чыккан, Латвия ССР-дин культура-зының Нерелү ишчиizi, ўлгерчи, прозаик, кинодраматург, республиканың Госсырының лауреады. 1956 жылда Латвияның Госуниверси-тедининг филология факультедин божоткон, 1966 жылда—Москвада киносценаристтердин бийик курсарын. Оның сценарийлерile Ри-гадагы киностудияда кееркемел фильмдер согулган. Ол анда сцена-рий айынча коллегияның председатели болуп иштейт. Л. Бридака-ның ўлгерлик јуунтылары ортодо — «Жүрүм меге күлүмji сыйлайт», «Менинг жаркыным», «Күкүрттү тенгери алдында», прозалык јуунты-лар ортодо — «Күндер каруу сакыйт», «Городтың түлкүүри», «Порт-реттер».

СЕН БОЛОРЫН ЭЛБЕК

Кару Латвиям, картага көр,
Кандый элбек ороондор.
Сен дезе карагай агаштың
Сындарын чактарга öскүрдинг.
Жебренненг бери бисти сен

Жерлик аржанла эмискең.
Кыраларынг ўрендеп жүрзебис,
Кичинек эмезинг, кандый кеен!
Кол күчиле, жүрек јылузыла
Кёдүрерис сени яер-талага.

* * *

Ак булут кёчöt, машина мендейт,
Айлаткыш јериске јол чойип.
Жүсýлдык там ичкери бачымдайт,
Жүрүм корбозын улай öскүрип.
Ойдинг маңына чыдажып болбой,
Откён изибис арчылып калат.
Је кажы ла таңда бу чакта
Кижи кижини бедреп кычырат.
Жүрүм жажарып келерден ала
Жүрек јылузына улус тартылат.

Таш турада, соок талайда
Кажы ла кижи јылу сакыйт.
Түнде, түште, тан эртен,
Түймеең, күүлеш өткүре эм
Кеендин жолдо ўн угулат —
Кем де кемди бедреп кычырат.

ЯНИС ПЕТЕРС



Јурукта Э. Ханбергс, Я. Петерс.

Янис Петерс -- поэт ле эссеист, Латвияның Бичиичилер биригүзининг Башкартузының председатели, республиканың культура-зының Кайралду ишчизи. Бойының литературадагы ижин ол Лиендер.

пая городто журналист болуп баштаган, ўлгерлерди 1962 жылдан ала бичийт. Я. Петерстинг ўлгерлерине СССР-дин албаты артизи Раймонд Паулс көп жарлу кожонгдор бичиген. Ўлгерлик јуунтыларының тоозында: «Теермен таштары», «Менинг ўлүйм», «Таштаң ла оттон», оноң до ёскөлөри. Я. Петерстинг ўлгерлери ёскö калыктардың тилдерине кочурлыген.

ТЕКШИ ӨЗӨК-ТАМЫРЫС

Каныбыс текши, бир дезен,
Тамыр-суулар. Европа.
Качан орган күүнзезен,
Табырайт көктөн Варшава.

Манзаарыдып көгүске
«Марсельеза» тепкенде,
Европага жана дым.
Көстөримде — Латвия,
Көбрөккүй-яраш орооным,
Көбрөкөдөтөн Парижым.

* * *

Теремди ётпоктий сыйыра тарттылар,
Кемдери аш чачпайт — једишин деп база.
Олорго сойылган јүрүмим ле артар,
Ол эмди жулдама, челдезе де тузга.

А эртен де оны алгылап, сойылаар,
Албайынча калбас адакы јимегин.
Је мени тыдарлап канайып тойгылаар —
Јеектердинг тойынбас кардына не жетсин...

КНУТС СКУЕНИЕКС

Кнутс СКУЕНИЕКС 1936 жылда чыккан, ўлгерлиkti кочуреечи, Москвада А. М. Горькийдинг адыла адалтан Литература институтында ўренген, журналист болуп иштеген. Эмди Латвияның Бичиичилер биригүзинде фольклор аайынча советтин ижин башкарат. Европаның көп калыктарының тилиле жайым куучындайт, югослав, болгар, поляк, испан ла ёскö дö поэттердинг чўмдемелдерин кочурет.

ЧОЛМОН

не дединг сен чолмон?
нени айттай калдың?
кере түш сен кайда келбей уйуктадың?
неден коркып сен чолмон?
ногон көзнөгимнен?
талдагы тоорчыктар тунбас ўндеринен?
неге ыйлап сен чолмон?
неге тымык кунугың?
меге једет јўк арай сенинг ёлў яркының.

* * *

агаштың каны менинг тамырымда
арыш чарак ўргүзи тилимнинг алдында
анайып мен јўредим анайып иженедим
агын суу сурагы буттарым эбира
анайып мен јўредим анайып мен бўдедим
а ийним ўстўнде ажынбас кўн кўреे
анайып мен јўредим анайып ок мен сўйдим
анайып мен јўредим анайып сен јўрединг

* * *

Эки тўнге чалынду
ўчинчиде соок тўжер
меге айтты тан чолмон
белгелеп туу ўстўнен
как чибинең каап экел
ўч одудаң салып кой
јўк кўнбадыжы јанынан
каалганы ачып кой
је jaан акча ол эмес
сеге одым берерим
бир буурыл чач берерим

МАРИС ЧАКЛАЙС

Марис ЧАКЛАЙС — поэт, кочуреечи, эссеист, юлдоры бичи-
мелдердин авторы. ЛССР-динг комсомол сыйынынг лауреады. Баш-
тапкы ўлгери 1960 ўйлда ярлалган. «Баштапкы кўн» (1965), «Дойи-

чыл ла ўргўлжик» (1967), «Жалбрак ўни» (1969), «Олёнгдор күни» (1972), «Кидим ой» (1974) деп ле көп боско дö ўлгерлик жуунтылары, ол тоодо балдарга учурлалган бичиктери кепке базылган. М. Чаклайс тёрөл тилине абхаз, армян, болгар, француз, орус, литва, украин, немец, алтай поэттердин ўлгерлерин кочурген.

ТҮНДЕ, ЯНА, ЧАЛЫНДУ БУУДАЙДА

— Эмди качан туштажарыс? —
Элес эдер жайдан сурагам.
Түлтүйген. Шымыранган:
— Түнде, Яна, чалынду буудайда.

Тенгкейген тууларды јемирип
турала,
Терим арчыырга токтой түшсем, —
Түндүк жаркындый чалыган:
— Түнде, Яна, чалынду буудайда.

Жиилектү беленгди түнгей ўскүлеер,
Жиит жайларды сеге кем жандырап?
Туйук аралдан чугулду ўн:
— Түнде, Яна, чалынду буудайда.

Успекчин оды чилгем чечеги бе?
Угулат ойто — сууларда, талайда,
Туйук жышты, булунгды откүре:
— Түнде, Яна, чалынду буудайда.

Түннинг кысказын!
Одүк кёк-мёён —
Түжүр, суура теп, кайдалык!
Түдүн-мёнүн сөөктөрдин ўстинде:
— Түнде, Яна, чалынду буудайда.

КЕП КУУЧЫН

Күнгө, жутка, ач салкынга
Күр кёксин тёгөп алган,
Бүткүл бойында кырлак јок,
Бүдүш-бадыжы жаантайын соок



Тургулайт күлүктер,
Туу-кайа кеерлер.
Јаныс сорбулар көрүнет —
Јалкын изин артыскан ба?
Дилетант јерлежим
Жилбиркеп чырмайган ба?
Көрүнер-көрүнбес ол имдерде —
Колло чийбеген бичикте —
Таш кезерди ойгозо тартар
Тарма-куулгазын сөс бар.
Та кем де оны қычырап —
Таш кезер куучындал баштаар.

МЕНГДЕШ

Түндер, түштер, айлар,
Түгендөң, корош јылдар
Түдүндий элес эткилейт.
Сань башка сандыртка алдыртып,
Санаа алынарга öйис жетпейт.
Јынгкыллада күүк эдет,
Јылдарыс тоолойт, белгелейт.
Je бодоп ло каткырып jүредис,
Борт то этсе богоно jүрегис.
Учар да күштың балазы уйада,
Улустыйы дезе — ясляда, садта.
Манзаарган, мендеген jүредис,
Ман бажында согуулыш jүредис.
Јаантайын ла сакылта,
Јаантайын бис сандыртта.
Латыш па, туроқ по бол —
Ончобыста јаныс јобол.
Мындый мендеште ўч текпиш:
Мызылт,
меке ле
jүүлиш.

ТӨНГОШТӨР

(Куучын)

Эрикс ХАНБЕРГС 1933 юлда чыккан, прозаик, Лиепая городто пединститут божоткон. Эмди «Циня» («Тартыжу») газетте иштейт. Репортаж ла очерктерден башка кееркемел проза, анчада ла документ куучындар бичийт. Төс чүмдемелдери: «Баштапкы килинчек», «Арыш ортодогы орык јол», «Кызыл јылангаш ла јылангаш улус».

Бу чачынгы тураларлу јурт телкем јerde, суунынг јарадында турган. Мындый јуртта тен макалу: сен де айылдашынга чапчаашпазынг, ол до сенинг керегине киришпес. Маалаң јаанадатан болzon, јаанадып јат, кажаан-чулан тудатан болzon, бойынгынг күүнинде. Мында озодон бери угы-төзиле башкаланып јадары јангжыгып калган. Бир бөлүк тураларда Клугалар одузы, экинчи бөлүкте Рекистердинг билелери, онон ары — онон до öскөлөри. Оноң ол кичинек јурттарды озогызынча ла адап јадылар: «Клугалар», «Рекистер», «Зундурлар», «Варкавтар». Бу обёкölöр бой-бойына јүзүндеш болгон. Је Клугалардынг обёкөзи олордын эн јааны деп чотолот. Клугалардынг тураларынынг јанында, суунынг јарадында эрмен агаш бар. Ого айылдаш ончо билелер јуулыжарын сүйитен. Кезикте јурттын сырантай учында да жаткан билелер бого келгилейтен. Мында олор бийелеп, кожондоп, јыргал тургулайтанд. Жииттер сүүген кыстарына туштап, јаны биле төзөлötön. Олор ортодо согуш-уруш база мында башталатан.

Атту-чуулу эрмен агашла коштой, улусты Карп Клуга јилбиркедетен ошкош. Айылдаштар Карпты сүрекей сагышту ла бөкө кижи деп тоитон. Онын баатырдык күчи керегинде куучындашканда тукку озодо болгон бир мындый учуралдан баштагылайтанд.

Бу керек көп јылдар мынан озо болгон. Јангжыкканыла Лигонынг байрамында бастыра айылдаштар эрменнинг јанына јулганда.

Энир түн. Эрменнин јанында јаан от күйет. Шак бу бйдö Карп айылдашы Варкав онын ўи Лизетанынг кулагына та нени де шымыранып, каткырып турганын көрүп ийген. Карп Клуганынг каны «кайнап» чыккан. Ол отурган јеринен турала, олор жаар баскан. Варкав Карптынг ачынганын билеле, неме билбеечи кижи болуп, удура базып келген. Карп бир де сөс јогынан Варкавтын эки колы-

наң ала койып, бир эки-үч катап айландырала, саң ёрő тың мергедеп ийген. Бу мергедеш сүрекей тың болгон. Улус бир ле көрзö, Варкав эрменинг алдындагы jaан будактарының ўстинде жаткан.

Оноң бери көп жыл ёткөн. Же Варкав ол керегинде эске алышырын эмди де жакшызынбай жат. Оның учун кандай бир жиит ѡскö кижининг ўйинен кös албай барганда, ол учурал керегинде айдып жадылар.

Клуға эмди карыган да болзо, же оның кылык-јанғы ол ла бойы артканча. Оның шүүлтезиле калганчы сөс оның болор учурлу. Жанысы ол сости эмди кайдан аларың. Кураалаш каргандар там ла астап жат. А жиит улуста бойының сөзи, бойының јолы. Клуға тенек кижи эмес. Ол ончозын онгдол жат. Карып-чучураган болzon, јаш улустың колы-будына оролышпа, мынаар туура тур. Оның учун эмди Клуғалар одузында эң учурлу сости оның уулы Виктор айдып жат. Виктор — электрокандаачы, колхозтың жер сугараачыларының бригадазында иштейт, jaантайын озочыл деп мактадат. Иш ле дезе, тен коркышту кижи. Карп уулы учун оморкоп жүрет.

Клуға база кажы ла күн сары таңнаң ала бүрүнкүйге жетире иштенип жат. Оның эдетең ижи экү. Эртен тура озо баштап чеден-кажааның ётөгин арчыйт. Бу ишти ол бир де менгдеш јоктонг эдеть. Ётёкти чеден ажыра бир ўч катап таштап ийер, оноң тыштанар. Бу юйдö јаныла айылдажы эмезе солун кижи ётсö, олорло куучында жар керек. Орой яс керегинде, адарулардың оорузы керегинде... Же кижи кижиле не керегинде куучындашпас. Тал-түшке жетире чеден-кажааның түнгей ле арчып алар. Айла ондо көп төш иш јок ине. Бир уй, торбок, эки чочко — мыны канчыйан мал деп айдар. Карптый ёббөгөнгө олордың ётоги неме беди.

Тал-түштин кийинде Клуғаның иштенетен јери — одын јаргыш. Мында jaантайын тазылдарыла кодорып салган тёнгöштөр жат-кылайт. Клуға бастыра јўрүминде мындый тазылдарды јарып жат. Атпаалду тёнгöштөрди јаарын ол коркышту сүүр. Јарылбас бырчыт тёнгöштөрлө уружатаны Клуғаның угы-тöзинде деп, чын айдыжып жадылар. Карптый адазы, таадазы — ончозы тазыл јаарыы жанаң ус улус болгон. Оның учун Карп тазылду тёнгöш јаарын уур иш эмес, а кандай да jaан соот кеберлүү бодоп жат. Соот дезе база јарабас ошкош. Тёнгöш јаары Карпка чўмдемелдү иш бододлу.

Азый жалын жиит тужында Клуға тазылдарлу тёнгöшти ойын кептү јаратан. Эмди дезе астай берген ийде-күчин чеберлеерге, сүмеленерге, эптенерге келижет.

Ол тёнгöшти јаардаң озо оны айландыра базып, колыла сый-мап, жазап көрүп жат. Оноң тёнгöштин тазылдарын колкирееле кезип, жазап салат. Белетеп алала, тёнгöшкө эң баштапкы темир шаанчакты шаап ииет. Ол темир шаанчакты уур маскала тёзине жетире шаап, эмеш сакып алат. Оноң темир шаанчактың жанындағы ўйтке

ааш шаанчакты кийдире согуп, узак амырап алат. Шак бу тушта Лизета айылдан^н чыгара жүгүрип келет.

— Же бу не албаданып турган кижи, ёлёрдөн озо кенеп калдын^г.

— Көрмөслө беришпе, эмееңек. Мен бойым да онон коркып жадым — деп, Клуга эмееине кокырлап айдат.

Бу сөстөрдинг кийнинде ол жаан темир шаанчакка бежинчи катап сүрекей тын^г согуп жат. Бу согуштын^г кийнинде ол туура жаткан агашка отурып тыштанат. Лизета коштой отурат. Тазылдарлу төн^дш тарсылдап, бир эмештен жарылып жатканын олор экилези тын^гдап отургылайт. Клуга төн^гштөрди шак мынайда жарат.

Айылдажы Зундур төн^дшти канайда жарып турганын көрөргө келет.

— Мындый төн^дшти албан күчле жарып болбозын^г. Агашты жакшы ла билер кижи жаар.

Айылдажы Варкав бойынын^г шүүлтезин база айдат:

— Салкынга ааш бажынаң эмезе ортозынан^г сынат. Тын^г салкын болгондо, ол тазылыла да кодорылардан айабас. Же төн^джинен^г сынган ааш мен көргөлөгим. Агаштын^г төзи тазылдарла чарыпталып калган, бырчыт неме ине. Оны жаар ла кижи жаар.

Клуга база бойынын^г сөзин айдат:

— Качан бойын^г карып, чирик төн^дш ошкош боло берзен, жайдар, сүмеленерге келижит жат. Мен жарып албас төн^гштү ааш эм ўстине боскөлөк, наылар.

Клуганын^г айылдаштары тал-ортозынан^г жарылып калган тазыл төн^дшти көрүп, база эмеш калыражып отурдылар. Онон бойлорынын^г жүдектерин ле Клуганын^г чыдамалын кайкаждып, айылдары сайын тарап-таркай бередилер.

Иванов күннен^г эки неделе озо Виктор бойынын^г бригадазыла дермене түшкен. Виктордын бригадазы эрменнин^г жана бир бочко сыра экелген. Иш кыска юйгө једимдү божогонын темдектеер керек.

Ол күн эрменнин^г жана жыргалында жыргал тын^г болгон. Бригаданын^г жыргалында жүрттүн^г эл-јоннын^г ончозына шыдары турушкан. Виктор нёкөрлөриле кожно Клуганын^г жарбаган төн^гштөрин^г жыргал болуп турган жерге тажып, жаан от салдылар. Карп чыдажып болбой, уулын барыш колынан^г туткан:

— Бу сен канайып турун? Эмеш арттырзан^г. Лигонын^г байрамында нени ѡртойтён?

— Мен ол күн эски көлөсөлөр экелерим. Резин көлөсөлөр ѡртойрис, ада. Бастыра айылдарда газ, электричество, изү суу — ончозы бар. Төн^дшти кайдатан.

Чын, Виктор сөзине турган. Лигонын^г байрамында резин көлөсөлөрдөн^г жаан от салгандар. Күйген резиннен^г көдүрилген жаан караыш байрамдал турган улустын^г жүзи-оозын уймаганын каланын^г жииттиң бирүзи де аярууга албаган.

Бир неделеден^г Клуга машина жалдап, төн^гштөр тарттырып ал-

ган. Эртен турадаң ала сүүнчилү јүрген. Виктор дезе адазына арбанып чыккан:

— Бу слер кайткан кижи! Газ бар. Электроот бар. Јарбагар мыны...

Бу ёйдö Карп шаанчакка бежинчи, учкары согулта эдерге турган тужы.

— Кеде тур! Колго-бутка оролышпа! Калак, масканың бажы ча-ла бош эди...

Карган Клуга шаанчакка уур маскала јырс туда береле, отура түшти.

Тöнгöш тырсылдал, эки башка јарыла берген. Уур тынып отурган Клуганы көргөн айылдаштар кöп сöс јоктон тараپ-таркай бергендер. Карганның јаңында јаңыс ла сүүген эжи Лизета арткан. Ол кöстөрин арчуулының учыла арчып, мынайда айтты:

— Канайдар, айса болзо бу сенинг калганчы тöнгöжинг. Албаданба дезе, болбос. Эмчилерге барып кörүн дезе, болбос. Байла, кудай сеге мындый салым белетеген туро.

МАРИНА КОСТЕНЕЦКА

ЭНЕМ, МЕН ІАКШЫ ІУРҮМ

(Куучын)

Орус совет бичиичи Марина Костенецканың лирика-психологиялык куучындарының тöс јеринде — јурт јердинг улузының кылыш-јаны, күүн-санаазы, чарышталган салымы, ўүле-коногы, ичкери амадузы. Бичиичи чўмдемелдеринде азыйты ла бўтгўнги јурт јердин алдында турган курч сурактарды көргўзет.

М. Костенецка — республиканың комсомол сыйының лауреады.

— Тарасов, доского чыгып, эткен јаман кылыхынды класстынг алдына куучындал бер.

Сережаның јеринен автобустын токтодузы ла куру отурғышта каргаа көрүнет.

— Тарасов, айса тышкары не-неме көрүнип турганын куучындал берерин?!

Каргаа та оору, та кандый, араайынан табыраган јааштынг алдында отурып ла жат, отурып ла жат.

— Тарасов, айса сен тўлейип калган болорын ба? Мен сени доского кычырадым.

Сережка күйн-күч жок туруп, Іе-Не-Кандыйдың столы jaар басты.

— Бат — деп, бажыла кекип ииеле, Іе-Не-Кандый куучынын уаллты. — Ольшанская, бүгүн дежурный Тарасов нени этти?



Б. Бедюров ло М. Тралмакс жаш кычыраачылар ортодо

Староста Люба Ольшанская јеринен туруп, айтты:

— Мен эртен тұра бытовқага кирип барзам, Тарасов ѡюргөмөшшөлө ойнод отурған. Бытовқаның түлкүүрін оғо таскадаачы берген, сабат ла пол жунар бөс алзын деп. Үйуктаачы кыпты жунардың ордына ажанарга күзүнги болгончо ѡюргөмөшшөлө ойноды. Оның учун санитарлар бистинг класска «еки» тургускан.

Класс жир каткыда. Үредүчи карандашла столго токыллададат. Же каткы там тыңыды. Бу ойдо үредүчи јеринен туруп, бойының ўренип калган сөстөриле айтты:

— Іе-Не-Кандый?

Каткы киреленип, токтой берди. Көзнөктинг тыштында каргаа ол ла бойы кыймык та этией отурды. Айса болзо, блўп калган?

Сережаны интернатка ѿй адазы ла баштапкы классстан ала үчинчиге жетире ўреткен Людмила Александровна экелдилер. Оның энезин жаргының ла кийниен түрмеге апарған. Сережаны бойыла

кожо арттырарга ёй адазы мойноп ийген. Кайда да городто оның игис уулчактары бар. Олорго до алимент төлөп турганына кородоп, база бир јүкти капшай ла интернатка табыштырарга умзантан. Сережа бойының адазын көрбөгөн дö. Байла, ондо ада јок. Ронодо иштеп турган ўй кижи оны «социалый өскус» деп адап, документтерди бичип турды.

Јаныс Сережаның энезин отурғыскан әмес, магазинде кожо иштеген уулстың көбизи казнаның карманына теренжиде кирген. Іе Сережаның энезине эң көп јыл келишкен. Нениң учун дезе ол магазиннинг jaаны болгон. Јарғы божоордо, ёй адазы Сережаны колынаң јединип, энезине апарган. Энезининг јанында эки милиционер. «Бу уулы. Энезилеjakшылажып алзын» — деп, ёй адазы араай уччуккан. Энезине нени де айдып болбай, Сережа алгырып ыйлай берген. Јанында отурган ўй улус база очзы ыйлажа берген. Ононг олорды коштойында эжик тёён милиционерлер айдап апаргандар.

Интернатка барадаң бир күн озо Сережа клеткада попугайын айылдаш ўй кижиге апарган. «Бу слерге — бозогоны да алтабай јадып, Сережа айткан. — Попугайлар мени санап кунукса, мени жайыда каникулга келер деп айдып турыгар. Айса болзо чын да каникулга келип турарым. — Көстөрининг јажын јенгиле арчыды.—Сууны күнүң ле солып турыгар. Олор суу арузын сүүгилейт».

Үй кижи нени де айтпай, эриндерин тиштенип алган турды.

Городтог интернатка жетире озо баштап ўч saat, ононг автобусла jaаштан мылжындан жадар јолло тортон минут баарар керек. Ёй адазы поездте улам сайын танқылап, тамбурга чыгып турды. Людмила Александровна Сережаны бутербродло азырап, ого интернатта jakшы болор, а кожо ўренген 4«б» класстың балдары ого самара бичигилеп турар деп токынадат.

Сережаны интернатка директордың кыбында табыштыргылады. Людмила Александровнаның берген документтерин директор көрөлө, сүүнчилүү айтты:

— Мында кунугарга баш жок. Бүгүн ле сени кандай бир кружокко бичип саларыс. Неге јўрериг, керамика ба айса јонушка ба?

Сережа керамика ла јонуш деген сөстөрдинг учурын аайлабай да турза, көп сурак бербезин деп, керамика деди.

— Адангла jakшылажып ал — дештилер. — Ол барып жат.
Ол ёй адазына:

— Jakшы болзын! — деди.

Сережа ары-бери де аյкынтайбай, класстың коркок јаны башкараачызының кийинин ўрбедеди. Кабинетте Сережа оның ады-јолын, ёббокозин билип алды. Іе энгирде бежинчи класста ўренип турган Скворцов деп уул айтты:

— Jakшы улуста ат, ёбёк бар. Ол алмыс, оның чолозы Іе-Некайда.

Жунулбаган пол учун Сережаны эртен ойто иштепер, киного барбас эдип салдылар. Ол киного барбазын карын јакшызынды. Бастыра школ кинодо отурза, ол эки сааттынг туркунына јангысан болор. Уйуктаар қыптар бөктүй. Іе-Не-Кайда барып јадала, «Тарасов, бойынсынг қылығынды шүү» — деди.

Сережа јангысан. Үредүчининг айтканын ундып салала, байагы каргаа керегинде санаанып отурды. Уча берди бе, айса анда ла отуры ба? Тышкары караптүй. Карагаларда больница бар не? Сережа кайданг да уккан каргаа ўч јүс јаш жажап турган деп. Ўч јүс јылга каргаалар канайып оорыбай јүрет не? Сережа бойынсынг он јажына канча катап оорыбады deer! Оорый ла берзе, энези оны орынга јылупал, эмчи алдыратан. Каргаа оорый берзе, оны кем кичеер, кем ого эмчи алдырап?

Энези санаазына кире берерде, Сережа ого самара бичип иизе кайдар деп шүүнди. Кем де ого чаптык этпес. Шкафты ачып, бойынсынг тетрадин таап алды. Өзөгиненг эки листти јыртып алды. Тегинде самара бичийтен чаазынды таскадаачы беретен. Эмди таскадаачы бар эмес. Онон ол кемнинг де тетрадиненг алыш јаткан эмес, бойынсынг.

Класска кемге-кемге самара келгенде, оны озо баштап таскадаачы қычыратан. Кезикте самарарада јарабас сөстөр болзо, ол самараны ўрентчикке бербезе де күүни. Сережанынг энези јакшы самаралар бичийт. Ол зонада уулынынг адына «Пионерская правда» газетти ле «Веселые картинки» деп журналды бичидип салган. Оны таскадаачылардынг сөзин угуп турзын деп, энези јакыйт. А энези анда албаданып иштезе, эрте божодып та ийерден айабас.

Бажын кыйя эделе, Сережа энезине самара бичип баштады: «Јакшы ба, энем! Менде ончо јакшы». Мынанг ары нени бичиир? Жазап бичиир керек. Келишпес сөстöрлө бичип салзанг, Іе-Не-Кайда такып бичидер. Беш минут кире Сережа нени бичириин аайлабай отурды. Санаазына ойто ло байагы каргаа кирди. Барып көрүп ийзе кайдар.

Сережа партадаң ёрё туруп, эжик јаар басты. Айландыра кем де јок. Іе ол неден де чочып тургандый, буттарынынг бажыла базып онёллойт. Коридордо кем де јок. Коштойында қыпта экрандагы артисттин көжөндөгөнү угулат. Сережа эжиктенг чыкты. Тышкары эжиктеги ўстиндеги јарыткышты откылап салган эмтири. Караптүй. Эжиктеги текпиштенг алтап ла ийерде, Сережанынг јыртык ботинказына суу толо берди. Кем јок, энирде батареяга кургадып албай. Носокторды јангыс мылчага киргенде солыйт. Онын учун энирде бойлоры јунуп, батареяга кургаткылайт. Сережанынг санаазына эртен школдо кросс болотоны кирди. Суула канайып јүгүреринг. Физкультуранынг үредүчиizi андый кижи эмес. Ол уулдарга түнгей ле

килебес. Ненинг учун дезе уулдар школдың кийнинег черүте баар берек. Анда сени жажыркатпас.

Төрт катап калыйла, школдың толыгында болды. Эбиреде эткен чеденнинг эжиги. Жол. Бат, автобустың токтодузы. Отургыш. Каргааның јыды да јок. Сережа кайра бурылып, школ jaар аյктаит.

Автобустың токтодузынан кабинетте јуулган ончо улус көрүнет. Анда јуун. Педсовет. Кажы ла неделеде кино болгондо, ўредүчилердинг таскадаачылардың јууны болот. Же-Не-Кайда белиле көзнөктө отуры. Ташла шыбалаган кижи. Јок, Тарасов коркынчак. Ол Же-Не-Кайданы көрөр күүни јок то болзо, ол андый кылыхты эдип болбос. Араайынан жааш тамат. Сууга ѡдүп калган ѡдүги мачылдайт.

Жааш араайынан табырайт. Уулчак ээн оромдо. Колдорын карманына теренг сугуп, калтырайт.

Айса кайра бурылбастаң башка. Ол... Айса болзо кacha берер. Ол тушта физкультураның ургынан да коркыбас, ыраагына ла бийигине калыгрына санааркабас.

Сережа жолдың тал ѡзбогине јүгүрип чыкты. Кандый да жайым боло бергенине сүйүнип, школ jaар тилин көргүзип, таныш эмес гөрөд жаар ууланып ийди.

Браакта машина көрүнди. Арып-чылап калган Сережа, көп калган ѡдүгин асфальтта јыжып, базып ла баратты. Машина отторыла жарыдып, жанына јууктап келерде, ол колын көдүрип, токтодорго мууканат. Бойы ыйлап, таныш эмес тискинчини энезине жетирип салзын деп сураарга сананат.

АНДРИС КОЛБЕРГС

КОЛӨТКӨ

Латыш бичиичи Андрис Колбергс литератураның детектив јүзүнинде эрчимдү иштейт. Бүгүн слерди «Колёткө» деп романының ўзүгиле таныштырып турубыс. Мында балдарын таштаган эненинг эл-јон алдына бурузы көргүзилет: оның бир уулы каршулу уурчы болуп калган.

Тал-түштиң кийинде Виктор Вазов-Войскийди кара туйук машинала шылу ѡткүретен јерге экелгиледи. А озолондыра дезе јунунып алзын деп мылчага апаргылаарда, Виктор ондо алдында таныш Хулиганчикке јолыккан, онызы кардын тен коркышту јакшызынып јыжып, тыңзынып койгон отурган. Оны жантас камерада отурган улусла кожно эрте экелгилеген болтыр, а Викторды, онон база эки

кижини, олорло тен чыксын деп мендеткилец, осс ачарга бербей турган. Ненинг учун дезе, ончозын бир аай жунундырып, чачтарын кестирип, сонгзынаң узакка јүретен јерлерине жетирер керек.

Ончозы ла Хулиганчикке килегилем турган, не дезе, кёёркий бу карагай јерге алтынчы катап кирип јаткан. Кожо отурган улус торт алан кайкашта, түрмө кандый улусты кёрбөгөә деер, је мынай ла улай-телей алты катап отурып келген кижиге былар туштабаган. Айла, канай-мынай келижип турган деп Хулиганчик бойы да он-добой јүрген. А тен чырайын көргөндө, уйкузырап ла јўрер, аргачыдал јок неме.



К. Скуениекс ле А. Колбергс

— Бу калганчы катап жайымга чыгарымда, токтодор деп бек санангам — деп, Викторго арай ыйлабай куучындал отурды. — Же көрзөй, мен база ла мында. Бу туш жалтанып јадырым: аңылу кар-

шулу деп бичигилеп салбазын. Ол тушта ак айулу јер дёён барганым ол. Санаанга кирет пе, бир доктор отурды не, чыгар алдымда тынлаjakыган: бир де ичпе деп. А бот, бир таайым аайлу кишинин юбилейинде шампан жалай калгам: брёкёнгө тоомжы эдип ийерге санангам не. Же онон... барганы ол, согуш та болгон... эм буру бичикте та не болбогой...

— Же, кёп калактаба!

— Сагышта кем бар болор бо деп, докторлорго до кёрүндим, јок — кадык!

— Сени мында билгилеер, стендгазет чыгарып турган јурукчыга болушчы эдип койылагай база. — Виктор Хулиганчики тоқынадып койорго сананарда, онызы жаны бурузы учун коркышту коомай статья берер болор деп, куучыны жаңгыс ла ол болгон.

— Айса адвокатты ол отурган јеримнег характеристика алзын деп сурайтан ба? Ол отурган јылдарда бир де катап ээжи буспагам. Согуш та, андый-мындын неме де болбогон. А бот, Юрка Зуб... Жаантайын ла бир немени эдип койгон турар, а мен — бир де јок. А ойтло мында...

— Калактаба!

— Эх, сен кижи ле база. Сендиј немелер качан да «анылу каршулу» деп статья дёён кирбес... Сен тен нени де эт, сеге андый статья тургуспас, а меге кичинек ле болзо... бу! Же сеге күйүнип туру деп сананба, а бот, чындык кайда, керектинг аайыла болор керек...

Хулиганчик санаазын јенилте айдынып аларга турарда, Виктор керектебей барган. Ого кёрө чек аамай деп кёрүнген. Же ондый да болзо, мылчадан келгилейле, коштой нарага жаткылады. Кандый да болзо, экү болзо жакшы.

Хулиганчик бут та тартпай уйуктай берген. Виктор озо баштап уйкузырап чучурап турала, ал-камык санааларга алдыртып, уйкузы уча берди. «Кем де, нени де билбеген. Следователь Даука мени канай таап алды не, жакшы учурал келиштир ого, кости јумала ла мени таап алт. Чочко тумчугыла тапкан чылап. Айса, Белла ба? Јок, ол мени сатпас учурлуду, јок...»

Виктор уйуктап болбой, камераның ичиле ич кийимдү баскындей берди. Оной турганча, Хулиганчик ойгонып-ойгонбой, кыймыктана берерде, база ла бойын куучындаар болор деп, уйуктаачы болуп, тымып калды. Көзине Белла кёрүнди...

— Белла... Уксан, Белла... Жүрүмим чек келишпей барды. Же сенини де жакшы эмес... Экү күйүрен көрзёбис кайдар, а? Же бу ла јerde эмес. Мында неме болбос не, Белла...

— Жүр ары! Мен сеге ондый иш таап бергем, а сен!

— Жолго акча береринг бе?

— База не!

— Белла...

— Жүр ары!

Бу калганчы айрылыш болгон, база катап олор јолыгышпаган...

Виктор ол тушта Беллага сүрдүреле, Свамстомго каны-жинин ағыза соктырала, карыкчалга түшкен. База ла катап јүрүмди јаныдан баштаарга сананган. А канай баштаар, кемге тайанар, кемге иженер? Санаазына јаныс ла адазы кирди... адазы... Ол тушта Виктор келер јүрүмин јараштыра чүмдеп ийген: ўренер. Бир јыл белетенетен курстарга јўрер, оноң беш јыл ўредүгे баар. Карган адазы сүүнгенине ыйлап ий калбайсын. Јўк орто до темдектерге ўрензе, акча анаар ла тёгүлип келер — јаныс ла таарынгын оозын тут, ол тушта студент те јўрўм оско өндү болуп јарана берер... Озо баштап общежитиеде јадар, оноң адазы бир кып туралып берер... Айса, уулы — студент! Айса болзо, адамла кожо жатпазыс, эң артык институттарга кирбей — Москва... Ленинград. Акыр, озо вокзалдың јанында библиотекага кирер, газеттер көрөр: куучын жарт болзын, мындый-мындый институтка кирерге турум, мындый-мындый ёйдо деп. Колонияда дезе орто ўредүлүү школ божоткон деп дипломды алган, эм јаныс ла... А мен база јўйлек ле. Арай ла болзо, кара ишке кадалып калбадым, заводко ишмекчи болуп. Арай ла болзо, јўрўм аны келишкен деп колым јанып ийбедим. База јўйлек ле...

Виктор санаазында келер јўрўмин там ла јарандырып бараткан...

— Отур, чай тўжўрип ийейин — дейле, адазы кухня дöйн кирген. Анда ўй кижиле куучындашып, оның ады-жолын адап турганы угулып турган. «Кандый бир јаражай таап алала, акчазын мекеледип ал турган болбозын» — деп, Виктор ичинде ачуурканып шўй соголо, айылдың ичин аյыктап, юк, жастыра санантырым деп тоқынап калды.

Виктор отурада адазы оско кижи болуп калганын сести.

— Кайкамчылу. Сени јайымга ла чыкса, бери учуп келер деп бодогом. Суга чонбийтён тегелик сураар деп.

— Мен иштеп баргам.

— Эмди кўйунинге тийе берди бе?

— Керек иште эмес. Отурган јерде иштетпей турган деп пе? Мен бойымды онгдодым: оноң артык иш эдер јайлата бар.

— Сейфтер бе?

— Каткырбагар, ада! Сананар ўй менде кўп болгон.

— Айса, јаныс катап эмес — адазы очой кўлумзиренди.

— Чын, јаныс катап эмес. Је бойымның мындыйымды јенгерге меге јенил эмес болгон. Эмди менинг јўрўмимде ѡп сураарга турган кижим јаныс — сен.

— Сура ла. Јопкё акча керек эмес. Јакшыны да айдып берерим. Кандый да болзо, сен таныш кижи, канча јыл јаныс айылда ўртаганыс.

Виктор адазы согор до, адылар да, је не ле болор деп сананган,

јаңыс ла очоң-шоодор деп ўч түжинде сананбаган. Үстине адазы оныла айылдап кирген айылчы кижи чилеп куучындашкан, а Виктор дезе оны жаңып келген балазын чылап уткыр деп бодогон. Мынай кенейте сакыбаган неме боло берерде, Виктордың байагы ичиндеги бек санаазы булгальп, бажы салактай берген. Адазы да, айланда таныш та улус бу жирме беш жашту кижининг сөзин куру деп керексип уккулабай, бойын да бу жүрүмде неге де жедип албаган деп керексибайтен. А ол кандай да болзо, орто ўредүлүү школды божоткон бичкүтү, кийим көктөр машиналардын механигине ўренип алган, же иштеген эмес, качан ок бажынан салкындалып калган. Иштеген болзо, айса болзо жакшы механик болор эди. Же кайдан, улай ла отурып жаткан да...

Адазының чырайынан уулын көрөр күүни јогы билдириди.

— Жаңтайын ла Ригада жүрүн бе?

Виктор бажын кекиди.

— Же анда кандай жүрүп турун? Менинг анда жаткан алдындағы најыларыма јолығып турун ба? А јолыкканда санаа-күүнинг кандай болуп туру? Темдектеп айтса, Остапыч? Сен кичинек боловынгда ол сени тизезине отурғызып алыш, жайқап отуратан.

Виктор тишин тиштенип ийди.

Остапычтын айлын тоноор деп ол бойы баштаган, бойы турушкан. Адазының өскө до најыларының айылдарын ого баштаткан немелер тонооп түжүргилеген. Мыны билеле, адазы тын санаага алдырып, оорып калтан. Анчада ла Остапычтын айлын тоноғон кийнинде ого коркышту күч болгон. А керек дезе мынды болтыр... Вазов-Войскийдин ле Остапычтын билелери јуук најылашкан. Керек дезе Виктор Остапычтарга күйү боловро тураган, олордың кызын эн-адазы жараткан, төрөгөнзишкен. Мынайып, коркышту ла жакшы најылажып жатқылаган. Оның учун Виктор ол айылга кажы да киреде келзе, чек ле бойының кижици деп билдиритен. Онон жас ла келзе, Остапыч билезиле кіже да заңына жүрүп калар. Туразын најылары көрүп туратан. А бир катап Виктордың ада-энэзи айлын жазагылаган, ол иш удан барадарда, бого жадып жазагар деп бойының айлын табыштырып берген. Ол ло ойдо айылдың ичин алары жок тонооп койгон. Остапыч ўйиле кіже бу керекке бүдүп-бүтпей, коркышту кайкагылаган. Виктордың энэзи дезе уурдаган немелерди орныктырага түргендеп, улустаң акча төлүлеп, сагыш жок жүрген. Остапычтар жылайған немелерин де жаан керексибей, карын отурғызып койгон Викторды чыгарып аларга болужып баскылаган...

— Же, Остапычтар кандай жадыры?

— Тишишпе, ада!

— Сен менин ада деп айтпа!

— Жүре берейин бе? Не деп айдарын? Эм ле жүре берерим — база качан да тушташпазыс. Мынай барага меге күч болор, өзөгим кодорылып жат, жүреерерим, күүнинг ондый болзо.

— Күүним андый! Жүр!

— Кайнаба, ада, кайнаба... — Виктор баарга отургыштан турды.

— Мен сеге ада эмезим. Энен сени больницаада солынып калган деп айткан, кийнинде.

— Чын ба? А энем оны бойы санан тапкан. Мениң жаман кылыктарымды сени откүрип тұрзын деп сананған не. Энем сени тың сүүген, байла, оның учун чүмдеген. Же андый да болзо, «jakшы болзын», «әзен болзын» деп айтпайын.

— Ленинград бараткан ба? Кандый жоң сураларга сананған?

— Экзамендерди табыштырып ийзем, айса болзо, кирип барадым.

Адазы шкафты ачып, мундирдин төш карманынан акча чыгарып, Викторго сунды.

— Бойсын, ада. Бойым албадан көройин.

«Же кандый да болзо, адамла колбу чек ўзүлбеди, онызы жакшы, андый да болзо...» — деп, Виктор әмди камерада уйуктап албай, сананып жатты.

* * *

— Слер Нина Черня деп кижины билереер бе? — деп, следователь Даука столдо жаткан қаазындарын собырып, Виктордон сурады.

Онызы следовательле әзендейип ийеле, отургышты айра мине отурага әптеширип албай турды.

— Билереер бе?

«Божогон! Туттурып алдым!» Викторды кем де шибегейле сайып ийген деп билдири. «Же бу ла здер-тудар неме Нинаны таап чыккан болзо, божогоным бу әмтири». Андый да болзо, билбезим деп антара салар деп шүүди. А бойы ичинде «бу калас ойын» деп жарт билген.

Чындал та, Даука ол күн неме онғодап албады.

Кийнинде күндерде следователь Даука чек келбegen. Вазов-Войскийдин жажытту иженчизи Даука келбegen күндер сайын өзүп, ичинде куйак-шибеелү отурды. Ого ўзеери следователь Нина Черняны канайтса да таап албас деп недегең де тың иженген...

— Айдарда, андый кижи билбезеер бе? — Даука шылуны ойтоюло көндүктири.

— Мындың атты-жолды жүрүмимде баштапкы катап угуп жадырым! — деп, Виктор тен не де керек жок айда салды.

Же следователь оның эң ле коркып турған кижиzin табала, айтпай отурғанын Вазов-Войский сезепеген.

— Айдарда, Нина Черняны билбезинг бе? Чек?

— Баштапкы катап угуп жадым.

— А колонияда сенле кожно Черня деп кижи отурған эмес пе?

— Санаама кирбейт.

Следователь ёчёлгөндү күлүмзиренип отурды.

— Јүрүмде ырысту күндер бар деп сен бүдүп жадынг ба?

— Бол жат, ырысту да күндер бол жат.

— Айса жазап кычырала, кол сал.

Көрзө: оны жайымга божодып жаткан деп бичик жатты. Виктордынг тили кажылбай, тоно берди.

— Амнистия келишти, а — Виктордон жамансымак ўн чыкты.

— Эие, сенинг камык отурыжынгla келижер. Онгдобоочы болбо. Же бүгүн сеге ырысту күн келижип жат. Сен жайымда, канайдар, уйан кижи мен болгойым.

Даука кнопканы базып ийерде, каруулчык кирип келеле, Викторды яандырып ийерге апарды. Алан кайкап калган Виктор следовательге быйан айдарга кайа көрзө, јүрүп калтыр. Бу ла тушта Вазов-Войскийдин коркыжы тутты. Та неден де коркып жат: бойы да онгдобойт. Чек соогы жайылып, тырлажып бар келди. Каруулчык оны төжөгин табыштырызын деп камера дöён кийдирип ийерде, онынг чырайынан Хулиганчик те коркыды.

— Не болгон?

— Олор та нени де эдерге жат. Бу тегин ле эмес. Та нени де эдерге мени чыгарды ошкош, — Виктор ўни тырлажып айтты. — Даука нени де сананган...

БОРИС КУНЯЕВ

Борис КУНЯЕВ — жарлу орус поэт, Ряжск городото чыккан. 1941 жылда Москвада А. М. Горькийдинг адыла адалган Литература институтта баштапкы курсата ўренип тура, бойынынг күүниле фронтко атаянган. Москванды корулаарында, Орлов-Курск курчузынданагы јусугушта, Белгородты жайымдаарында турушкан. Ўч такып шыркалу, Мактынг, Ада-Төрөлдик Улу јуунынг баштапкы степенъдү ордендериле кайралду, јуунынг экинчи группа кенеги.

Јуу-чактынг кийининде бир канча јыл Германияда, Латвиянынг комсомолынынг Төс Комитетинде, республиканынг кинематография аайынча Госкомитетининг баш редакторы болуп иштеген.

Б. Куняев — јирмеге шыдар бичиктинг авторы, Латвия ССР-динг культуразынынг Кайралду ишчизи. Ўлгерлери «Правдада», «Литературная газетада», «Новый мир», «Октябрь», «Юность» ло ёскö дö журналдарда кепке базылган.



Б. Куняев, А. Жигуре ле юнт ўлтарчи Г. Елемова
«ПЛАХАНЫ» КЫЧЫРИП...

Чынгыс Айтматовко

Тыштынаң көрзö — күккеге јозок:
Тыңг ла неме — кеен бүдүштү...
Кижи — кижи эмес болзо,
Бёрүден ол коркышту.

Јаш јўрўисти јайагай
Јалакай јўрери — ийде ле јас.
Койондорды суудан торыган
Карганак Мазай бир ундылбас.

Јажына јууда, амыртыйыкта
Јалакай учун тартыку ёдёт.

Жакшы улусты чек солдаттар
Жаман улустанғ корып өлöt.

Келер јүрüm, там жаран озо,
Кемибиске ле кел сүйнчилү.
Кижى — кижи эмес болзо,
Бёрүден ол жеткерлү.

Кирдинг, чактың ортозынан
Киленкей ару сүйнчи төзöп,
Кара да санаа атыйланза,
Кару, алакай јүрüm өзöt!

СҮҮП

Шырка чилап ачу оорыдат,
Жылдыс чилап имдейт, кычырат...
Сүр базатаң сүүш јок, жылдарыс,
Сүүш — ол жаантайын ырыс.
Оорыганды орыннан тургузат,
Оройтып атканга от такып камызат.
Ол ыраакла, бийикле учуртат,
Ондогобогон төлкемдер ачырат.
Кожо болор лайделе сүүндирет,
Коркыбай бігчактың мизиле јүгүртет:
Сүре ле күйүш, эбирае жарыдыш,
Сүүш — ол жаантайын жалбыш.
Кызычак сооско тонбай сакыйт,
Уулчак ёштүү, удура јүткүйт.
Кургаган чөлөйдөк от сүүш жажартат,
Орчылантга аппарат, тайгаларды ажырат.
Баатыр уул кистың көстөрин сананат,
Бараткан трапецияга секирип отурат...
Калганчы сүүп качан да болбой жат,
Карыбайтан кітан ийде jaан.
Сүүген кижи аула жунулат,
Сүрле, ак-чекл бойын жаныртат.
Жараң ару јүрüm, жанылан,
Жаманысты күйцүрип, арутат!

Янис РОКПЕЛНИС 1945 йылда чыккан. Латвияның Госуниверситетидин философия факультетин божоткон. Кееркемел музейдин наука ишчили, Ригадагы киностудияның редакторы, «Литература ун Максла» газеттинг ўлгерлик болүгининг башкараачызы болуп иштеген. Эмди Латвияның јиит бичиичилер Биригүзининг башкараачызы. Баштапкы ўлгерлик юунтызы 1975 йылда чыккан — «Жылдыс, күштүнг көлөткөзи ле ѡскози де». «Риганың кижизи» деп экинчи юунты — 1981 йылда, 1986 йылда «Р. городтон келеткен поезд» деп юунты чыккан. Көп наадай фильмдердин сценарийлерин бичишкен ле бойы таңынан бичиген. Сöгүш жаңынан статьялары бар. Орус ўлгерликтى: А. Блокты, М. Цветаеваны, И. Анненскийди, Н. Заболоцкийди ле ѡскозин де, анайда оқ американ поэт Т. Реткенин ўлгерлерин көчүрген.

БАТ

Бат, мен оромло барадым.
 Бат, ол мёнкүүлүкке кедип калт.
 Бат, мен ичкерлей жажайдым.
 Бат, ол ангелдерле жыргап калт.

Бат, мен ичкерлей жажайдым.
 Бат, ол мёнкүүге јединип.
 Бат, мен балкашка бадындым.
 Бат, оны да ташка кееледип.

Барадым, а жүрүм де какталат.
 Барбазы јўк мёнкүүлик эмей, бат.

КОЛ ЖАНЫНДА

јат толкуларга
 јаратка чыгарга
 тудуулу
 је бир толку
 ургун пропускту
 бўктер сайын бийелейт

кемелер бу толкуның
 кеен јыдын сескилеп
 энчикпей
 таскылдарда серт эткилайт

а толку
арышка кире конголы
шоссеге чыга јүгүрет

тумантыган көстөригнин
чыкту жажын иchedим
талайдын
туузылбас тузынын ачузы
көзингнен жайлаазын

эриндеримди
эмештенг сергитсин
көлдинг серүүн толкузы
түн бу бис экүди
тимирип тапканча

ОСКАР ГЕРТ

БИЙИК ЖЕРДИН УЛУЗЫ

Алтан јыл мынанг озо јарлу јурукчы ла јорыкчы Николай Рерих Алтай керегинде кайкаганду мындый сөстөр бичиген: «Алтайдын тенгзейишken токыналу ла јебрен кырлары. Күнгө жалтыраган Ўч-Сўмер. Кижининг ал-санаазын токынадар жажыл ёлёнг, јус тўмен чечектер, байбак мょштёр. Алтайдын чанкыр туулары кандый кижининг ёзёк-јўргин шимиретпеди эмеш. Бу кырлар кижининг ал-санаазын ла ёзёк-буурын бойынынг тонгмок суузыла арутап тургандый».

Мен Туулу Алтайла јорыктап, улу Перихтиг сөстöри сүрекей јўрүмдик ле чын болгонын база такып жарт сестим. Мен баштапкы ла таңда кырдан кёдүрилип келген күннинг чокторына олжолодып, кёк чечектерлў ёлёнгтö јуулган суркурууш чалынла чачымды, јўзимди чыктыттым. Бу ару чалынды — кырлардын ла ёлёнг-чечектердинг жажын алаканга толтырып, ўзўк јоктонг амзаар кўунинг келер. Оны ичкен кижининг јўргине онынг жалтырууш тамчыларынынг бир-бирўзи канайып тийбес. Бойынынг арузын кижиге канайып арттырбас.

Латыштарда укаалу мындый темдек сөстөр бар: «Жайгы күнди койу ёлёнгнинг ортозында уткып, ол күннинг баштапкы чокторына жалтырашкан алтындый чалыннын бир тамчызын бойынгла кожо алзан», ол кёп оору-саптсанг эм болов», «Эртөн турга чалынла жунунган кизи жараш болов», «Чалыннынг суузын ичкен кижининг ал-санаазы ла ёзёк-бууры база ол ок ошкош ару болов». Калыгымнынг

бу укаа сөстөрин сананып, Күнчыгыштың калыктары қүннинг баштапкы чокторына, чалынга ла бастыра ар-бүткенге jaан алкышынанду јүргенининг жакыдын сестим. Олор бистенг, бу ла тыкталган Европада жаткандардан, ар-бүткенге сүрекей јуук. Оның учун алтайлар ар-бүткенди жакшы билип ле ондоп јадылар.

Туулу Алтайда јўре, мен јер-планетаның балдарының бирюзи болгонымды акту јўрегимнен баштапкы катап жарт онгдодым. Бу Алтайда кишинин күнди күлümжиле уткып, «Эзен бе, күн! Эзен бе, Телекей!» дег сүёнчилў кыйгырар күёни келер.

Бу ѡорыкта мен Туулу Алтайдың кижи каршузы јеткелек, ару ар-бүткенин көрүп, көк чечектү өлөнгдөги чалынның көс жакындый тамчызына түнгдеер күёним келди.

Бу ап-ару түнгештириў ле көдүрингилў ал-санаа менен КПСС-тинг Туулу Алтайдагы обкомына баштапкы катап оқылу туштажуга да барадарымда, кийнинде бу алтайла айрылыжып, оноң барып та јадарымда ырабаган.

КПСС-тинг обкомының экинчи качызы Чаптынов бистин туштажуга акту јўрегинен сүүнип, тоқыналу куучындап отурды. Ол алтай литератураның Күндери Латвияда ѡдори керегинде куучындап, андый Күндердин учуры карындаштык эки калыктың колбууларында jaан учурлу болорын темдектеди. Алтай литература ла культураның Күндери оноң озо — башка-башка јылдарда Хакасияда, Тувада, Якутияда, Башкирияда, Москвада, Монголияда болгон эмтири.

Нөкөр Чаптынов төрөл јери, калыгы керегинде көдүрингилў куучындаганын угарга сүрекей јилбилў болды.

Туулу Алтайдың төс јери — Горно-Алтайск бистинг Төрөлистиң төс города Москвадан 3641 километр ыраагында туруп жат. Алтай улус сүрекей ас болуптыр. Йўк ле 50 мунгнаң эмеш ажыра кижи. Туулу Алтайда анайда ок орустар, казахтар ла карындаштык ѡсқо дö ук албатылар јурттайт. Областьтың текши албатызының тоозы 180 мунгта шыдарлаш. Алтайдың кырлары темир рудала, вольфрамла, ртутьла, таш көмүрле, мөнгүнле, алтынла, мраморло бай болгонын бис алдынан бері жакшы билерис. Же Валерий Чаптыновтың айдызыла болзо, Туулу Алтай озо ло баштап иштенгкей улузыла бай.

Мындағы кырлардың бийиги талайдың кеминен 2500—3000—4000 метр. Кейдинг температуразы јыл туркунына орто тооло 0 градус. Кочкор айда сооктор он эки градустаң ала 30 — 40 градуска жептеп жат. Областьтың бийиктей аймактарында кар ас түжет. Оның учун мында малды жайы-кыжы кабырып јадылар. Же оныла коштой, кыштың-јастың торо бийинде малды азыраарга 150 мунг гектар кыраларда блөнг, аш ѡсқүрилип жат. Бис, Латвияның улузы, хожайстволор государствового эт-сүт табыштырарына темигип калганыс.

Мындағы колхозтор ло совхозтор дезе оғо ўзеери государствового түк, ноокы, анның мүйізин, мот, куманак, малдың терезин, алулар садып, этке табыштырарга уй-мал, јылқылар, койлор, эчкілер, сарлыктар, аңдар өскүрип жадылар.

Область керегинде бичип тұра, әмеш те болзо тоолорлу темдектер көргүспегенче болбойтон әмтири. Он бириңчи бешілдікта Туулу Алтайдың хозяйстввороры государствового 134 мун тонн эт, 208 мун тонн сүт, анның 80,8 мун килограмм мүйізин, 74 мун центнер түк, ол тоодо 6,5 мун центнер ноокы, 4,6 мун центнер куманак табыштыргандар. Бу бешілдікта хозяйствворордың алдында государствового әткөн бешілдіктагызынаң көп продукция табыштырар каруулға задача туруп жат.

Алтай калыкты иштегей ле малзак улус деп, алдынан бері угуп жүретем. Алтай малчылардың жүрүми бистердинг, городордо ло жаңа жүрттарда жадарға ўренип калған улустың, жүрүминен чек башка. Олор кыжы-жайы кичееген малының жаңында болуп жадылар. Колындағы малына одоры жакшы жер таап берерге, олорго турлударын улам сайын солыырга келижет. Бу көчүште, бу иште алтай малчы бала-барказын жаңтайын кожа алыш жүрет. Мынайып, алтай балдар жаштан ала ада-әнезининг ижи-тожына ўренип, тасқап жат. Кезик балдардың ән ырысты жаш тужы ыраак турлударда балдардың ўредүзине ле өзүмине жарамыкту айалгалар төзбөрин бойының жаңа учурлу партийный кереги деп чотойт. Бу жаңынаң әдерге турған иштер жаңа. Же әдилгени әм ўстине ас. Малчыларға жадар ла иште айалгалар төзбөри жаңынан Туулу Алтайға жаңа болушты Қыргызстанның специалисттери жетирир аргалу. Олордың жери-јұртының, ар-бүткенининг айалгалары түнгей. Алтай малчыға жаңыс ла әптү, жылу әмес, же аңайда оқ айландыра турған тууларға, чакпынду сууларға, чанғыр тенериге жарагадый жарап айыл-јурт керек. Бұйғунғи күнде некелте жаңыс ла жылузына ла тойузына әмес, же аңайда оқ әптүзине ле жаражына әдиллип жат. Оны бис өйдингек некелтези деп жадыбыс. Кандай ла калық әмди ток-тойу жадынла коштой, культуралу, жарап жүрүм керексийт.

Валерий Чаптыновтың Алтайдың ару ар-бүткенинег бир де туура кожымак жок, ару аш-курсақ иштеп алары керегинде куучынданғаны менинг жүрегиме тың томылыш артты. Уйлар Туулу Алтайда жүзүн-жүйр чечектерлү, торкодый жымжак блондү кобы-жиктерде отоп жүргүлейт. Солёс, сенаж, комбиазырал әмес, а шак мындый блондиген уйлардың сүдінег бийик сортту сыр әдип жадылар. Ол ло сөллөслө турғуза азырап, жылына беш-алты мун килограммнаң саалып турған уйлардың сүдінег сарју әдерге жараар, же оноң сыр деп неме болбос. Техниканың, промышленносттың, жүзүн-жүйр хими-киттардың каршузы жетпеген ар-бүткенининг ару ийде-күчи шак он-

дый. Шак онынг учун обкомнынг экинчи качызы Туулу Алтайды балдарга ла су-кадыгы уйан улуска эм-том болгодай аш-курсак иштеп алар јер эдер керек деп бодойт. Туулу Алтайдын арка-туула-рына, кобы-жиктерине јурт хозяйственоынг ла промышленностьнынг химиязы эмди тургуга jaан јеткелек. Онынг jaландарын ла кырала-рын самолеттордог гербицидтерле эмди тургуга аттыргалак.

Алтайдын серүүн кобыларында ёскён чечектерденг јуулган мотти ёскё јердин мөдиле булгаштырбазынг. Ондо бойынынг башка амтаны, бойынынг јыды бар. Онынг jaаныс ла јыдынан кижиининг бажы айланар. Алтайдын мөдү ёскё ороондордо jaан сурулу. Алтайда эдилген швейцар, совет, горный, голланд, пошехон сырларга ёскё ороондордонг көп суро болуп јат. Кожонго кирген оренбург арчуулдарды Туулу Алтайдан барган ноокыдан эдип jaадылар. РСФСР бастыра ноокынын 39 процентин Туулу Алтайдан алыш јат. Көп оору-сыстынг эми болгон мүөс база бу чангкыр кырлардан барат. Ороондо алышып турган бастыра мүүстинг 47 процентин Туулу Алтайдын хозяйстволоворы берет. Мындағы кырларда сүрекей көп папоротник өзбт. Күнчыгыш калыктарда оны ток курсак ла jaан эм деп ѡлду айдыхып jaадылар. Мында кезилген папоротники тузап, Японияга садуга аткарып jaадылар. Жопон специалисттердиг шингедегениле болзо, папоротник кижиининг эди-канын јүзүн-јүүр радиациядангjakшы арутап јат.

Валерий Чаптыновтынг шүүлтезиле болзо, Туулу Алтайда сад ёс-күрери база бир jaан учурлу иш. Мында ёскүрилген јиилектү агаштарды бистиг орооннынг башка-башка талаларында ёскүргилеп тургандарыла коштой, олорды анайда ок көп тоолу ёскё ороондордо jakшы билгилеер.

...Нөкөр Чаптыновтынг куучынын угуп отура, мен мынайда са-нандым: «Кандый омок ло ару, ичкери теренг көрүм-шүүлтөлү кижи. Оны философ деп, улус тегин айдышпаган эмтири. Философ фило-соф ло, же ол төңериден не-неме анайда ла бойы келип түжерин са-кыбай јат, ондо чөрчөк ошкош амаду јок. Ол партийный ишчи, об-ластьнынг албаты хозяйствозынынг башкараачызы. Онынг учун ого куру чөрчөккөк иженип отурага jaрабас».

Туулу Алтайдын ѡлдоры jakшы деп айдар арга јок. Бу ѡлдор-ло ѡорыктаарданг озо бир эмеш бу јердинг историязы керегинде. Туулу Алтайдын автоном облазы 1922 јылда төзөлгөн. Ол тушта бастыра Туулу Алтайда 68 ўредүчи (олор ортодо алтай ўредүчилер јүк ле 18 кижи), 65 кижи эмденер бир больница болгон.

...Ол күн Горно-Алтайскта ургун jaаш jaаган. Кайдаар ла көр-зөнг — суу. Туулардын жабынтыларынанг аккан суу сағ төмөн чой-илген трубаларга бадышпай, туш-башка адыш турат. Ёлдынг кырыла аккан суу торт ло агын суудый. Бу суу чалыннынг торсогына кайданг јетсин. Ол күн мен история, тил ле литература аайынча нау-

када шингжүлү институттынг ёмёлигиле таныштым. Чокымдал айтса, алтай калыктынг историязыла, тилиле, литературазыла баштапкы таныш болды. Институттынг директоры, история наукалар кандидады Иван Эдоковтынг мениле таныжып туралайткан сөстөри мындый болды: «Бистиг жерде слердинг Леонид Папардэни улус jakshy билер».

Институттынг жаан эмес ёмёлиги бойынынг калыгына керектүй жаан иш бүдүрүп жат. Мында бастыра 16 кижи иштейт. Олор ортодонг 14 кижи наукалардынг кандидаттары. Институттынг ёмёлиги эмди 34 жылдынг туркунына ончо ёйлөрдинг археологиязын, этнографиязын ла историязын шингдеп, алтай тилди ле литератураны тазылынанг ала ширтеп, бойынынг калыгынын тили, литературазы ла кееркемели ару болорын кичеет. Институттынг наукалык ишчилери жакы ла эки жылдын бажында конференция откүрүп жадылар. Бу конференцияларда карындаштык областтардынг ла республикалардын ученыйлары эрчимдү туружып жадылар. Шингдеер жери бар, кичеер кееркемели, тили ле литературазы бар жонды ырысту калык деп айдарга жараар.

Алтайлардынг јебрен историязын билип алары женил керек эмес. Алтай калыкта жуук ёйлөрөгө жетире бойында бичик-билик жок болгон. Онынг учун ученыйларга калыгынынг историязы керегинде кыдат, монгол, иран ла јебрен орус бичимелдерденг билерге келижип жат. Туулу Алтайдынг жеринен табылган археология табынтылар алтайлардынг историязын билип аларында айдары жок жаан учурлу. Шак бу археология табынтылардынг шылтузында эмди Алтайды бастыра түрк калыктынг тараал-таркал барган жери деп адап жадылар. Эмди бистиг ороондо түрк тилдү жирмеден ажыра калык-жон журтайт. Олор: кыргыстар, казахтар, туркмендер, ўзбектер, азербайджандар, каракалпактар, башкирлер, татарлар, кумыктар, якуттар, тувалар, хакастар, алтайлар, ногайлар ла онон до ѡскөлөри.

Бойынынг ёйинде алтайлардынг алдында алтай калык жер ўстиnde болор бо, болбос по деп сурек турган. Эjen-кааннынг черүзи олорды жери-јуртынанг сүрүп, кырарга жууктажып келген. Шак мындый аялгата, 1755 жылда күсикде бир бөлүк жайзандар түндүк жаан айылдажынан, орус кааннан болуш сурагандар. 1756 жылда Туулу Алтай бойынынг күүниле Россияга бириккен. Россияга бириккени алтай калыктынг историязында ла эмдиги јүрүминде сүрекей жаан учурлу керек болуп артып жат. Ак каанынг башкарузына кирген алтайлар бойынынг төрөл жеринде мал ѡскүрөр, андаар, бала-барка чыдадар аргалу боло берген. Каанынг да кулданышы женил эмес болгон. Же бу кулданышла, бу базыныша коштой алтай калыкка жарык јүрүмнинг баштапкы чокторы жеткен.

1830 жылда мында эң баштапкы орус православный серкпе төзлөгөн. Онын ижин жетире бичикчи Макарий деп абыс башкарған.

Бу кижи алтайларды јаңыс јерге тургун јадары, бичикке ўредери, маала ажын ёскүрери, тура тудары јанынаң айдары ѡок көп иш эткен деп темдектеер керек. Ол Москвадағ, Петербургтағ, ёскö ороондордоң јер ижи керегинде ле ёскö дö бичиктер алдырып, алтайларды јаңы иштерге ўредип туратан. Макарий алтай тилге түрген ўренип алала, орус тилдин алфавидине тайанып, алтайлардың баштапкы бичик-билигин тозёгён. Бу кижи бастыра агару бичикти, кудайдың јаңдарын, серкпенинг кожондорын, мүргүүл сөстöрин телеттардың куучынына келишире коччурген. Ол крестке түшкен алтай кыстарды ла келиндерди айак-казан азып, аш-курсак белетеерине, тёжёк-јастыкты ару тударына, мылчага жунунарына ла јўрүмгэ керектү ёскö дö билгирлерге ўреткен. Абыс Макарий алтайлардың балдары ўренер энг баштапкы жалы ѡок школ ачкан. Онынг керегин улалтаачы Ст. Ландышев Туулу Алтайда база јаны школдор ачкан.

Канча чактарга улай јўзён-базын олжочыларла тартышкан алтайлар, аныпп, учы-учында тоқынап, мал азырап, јер кыралап јада бергендер.

Алтайлардың эмдиги ёйѓо јетире ѳткён јолы керегинде Иван Эдоков меге башка-башка бичиктер көргүзет. Бу јуунтыларды институттын ишчилери јууп тургускан. Ол јуунтылардың бирёзинен мен бандиттерле тартыжып турган коммунисттердин ле кызылгвардеецтердин билелерине болужары керегинде ВКП(б)-ныг уезд комитетининг јуунынынг протоколын кычырдым. Анда мынайда бичилиптири: «Нёкёр Папардэнин јетирўзи угулган. Бандиттердин каршулу кылкытарын кулактар ла куурмакчылар билгир тузаланып, тегин де јокту јаткан билелердин калганчы малын, калганчы јёйжёзин айрып алгылайт. Кёп билелер торолоордын бери јанында јаткылайт. Онын учун олорго болуш јетирерин бүгүнги күннинг энг јаан сурагы деп чотоп јадым. Коммунисттердин билелери сүрекей түрени айалгада јуртагылайт. Улус одын-сууга јетпей, мал-ажы болон-салам ѡок турup јат. Кёп билелер торолоштын бери јанында јадат. Йокту-йойулардың балдары ол ло бандиттерле колбулу аргалу-чакту улустан курсак сурал баскылайт. Олордын јайнузы ла косторининг јажы учун бандиттер бурулу. Онынг учун олорло тартыжуны тыныдар керек деп, Папардэ айткан».

Леонид Папардэ бистиг Латвиянын кижизи болгон. Онын чын ады Карлис Мишка. Ол 1893 јылда чыккан, 1911 јылдан ала Коммунист партиянын члени, ўредчилердин семинариязын божоткон кийининде Латвияда, онон Сибирьде ўредүчи болуп иштеген. Папардэ февральдагы революциянын кийининде Красноярсктагы губернияда Совет јаң учун эрчимдү тартышкан, Колчакка удура канду јууларда турушкан. Онон оны Алтайдың партийный организацизына башкараачы эдип ийгендер. Папардэнин ады-жолы ол анчада ла Ой-

рот областной комитеттинг качызы болуп иштеп турарда макка чыккан.

Леонид Папардэ Улалуга келерде, јаны төзөлгөн областта 98 теермен, 59 кузница, тере ийлеер 49 мастерской, сару эдер 27 сбойна, бир пилорама бар болгон. Ого бойының ижин шак мындый хозяйстводон баштаарга келишкен. Аныып, Иван Эдоковло куучын-дажып отура, бис историяга бир канча жайыла бердибис. «Танынан Папардэнин баштанкайының ла эрчимдү кичеемелинин шылтузында бистиг областта типография төзөлгөн. Типография областтыг бастыра јүрүмінде сүрекей жаан учурлу керек» — деп, Иван Эдоков куучында.

Онон база бир Эдоковло — кееркемел шингдеер наукалардың кандидады, бу иш жаңынаң эң баштапкы алтай профессионал ученик Владимир Эдоковло туштажу болды.

— Таныжыгар, Чорос Гуркин — деп, Владимир Эдоков Сибирьдин ле Алтайдың ады жарлу јурукчызының иштерин көргүзип айтты. — Бис Сибирьдин, анчада ла Томск ло Барнаул городтордың галереяларын Чорос Гуркиннинг чүмдемелдери јокко онғдобой жадыбыс. Сибирьдин жаан деген музейлери ле галереялары онын јуруктарынаң башталып жат. Чорос Гуркинди Алтайдың ла бастыра Сибирьдин койу агажын, түмен чечектерлү жаландарын ла кобы-жиктерин, көгөлтирим көлдөрин ле сууларын бойының аңылу көрүмиле чүмдеген кожончы-үлгерчи деп айдарга жараар.

Чорос Гуркин 1907 жылда Элиманар аймагында Онос јуртка көчүп келген. Мында Кадының жаказында ол јурангадый жаан тура туткан. Жаткан туразын айланыра жиilektү сад тарыган, мастерскойның эжик жаңына алты ўйелү жаана айыл туткан. Бу айыл-јуртынаң ол Алтайдың ар-бүткенин бастыра телекейге жарлу эдип чүмдеген. Чын, Гуркинди бойының Алтайы керегинде чактарга ундылбас «мөңкүүлик кожон» чүмдеген кижи деп айдарга жараар. Шак онын да учун А. В. Луначарский кийнинде онынг чүмдемелин ле жайалтазын кайкап, историялык мындый сөстөр айткан: «Алтайга мындый сескир жайалта кайдан келгенин билбей турум...»

Чоростың адазы телеут укту, тере ийлеечи кижи болгон. Ол жаан уулы онын жолыла баар болор деп санаанган. Же онын санаазынча болбоды. Чорос ол ло Макарий-абыс төзөгөн баштапкы школго ўреперге барган. Бу школдо оны кудайдың сүрлерин жураарга ўреткендер. Же онын эң артык ла чындык ўредүчизи улу орус јурукчы Иван Шишкян болгон. Гуркин Петербургта јуранарының Академиязын божоткөн. Аныып, ол бойының төрөл Алтайын јурукта чүмдеген эң баштапкы алтай јурукчы болгон.

Улу Октябрьдың кийнинде Алтайга кызаланду ёй келерде, ишкүчиле жаткандардың ѡштүлери јурукчының алтай калык ортодогы жаан тоомжызын олорго ок удура каршшулу керектеринде тузаланар-

га ченешкендөр. Оштүлөр мүүканган амадузына баштап тарыйын јединген деп айдарга жараар. Бойының калыгы керегинде санааны ончо санаалардан бийик туткан јурукчыны олор «јайым», «төрөл» деп сөстөрлө сайгактап, оны Колчакты ѡмогён Каракорумга экелгендер.

Колчактың јаны оодо соктырткан кийнинде, Гуркин бойының јастыраларын јакшы сескен. Совет јан оның бурузын таштап, јаны јүрүм баштаар арга берген. Је ёзёк-буурдагы ачуны ла јöпсинаиш-пестерди јаныс күн јоголтып болбозынг. Бу булгалышту ал-санааның бажында Гуркин 1920 јылдың декабринде эки атка бойының энг артык јуруктарын артып, эки уулын алганча озо баштап Монголияга, ононг Тувага ырбап барган. Ойто бойының төрөл Алтайына ол ѡюк ле 1925 јылда бурылган. Ойто ол јүрекке јуук Оноско келген.

1937 јылда улу алтай јурукчының калганчы күзи келген. Јурукчы ўүле-коногы јуктап келгенин сезип, балдарына ла балдарының балдарына Алтайы керегинде, Төрөли керегинде самара-бичик арттырган. Ол 67 јаш јажаган. Кереес-самарада мынайда бичилген: «Эне-Төрөл дегенин мен мынайда ондоп јадым. Кижининг, аянтың, күштың, кажы ла тынду неменинг төрөли — ол оның чыккан-ös-көн јери. Кижининг чыккан-ös-көн төрөл јери коомой до болзо, је ол бойына јаантайын тартып јат. Оның учун кижи кайда да јүрзе, төрөл јерин јаантайын сананып јүрет. Төрөлинен кару јер ѡюк. Оның учун төрөлинен ыраган улус ѡлтөлөктө оны барып көрүп алатаан болзом кайдат деп сананат.

Алтай кижи јажын-чактарга бу ла чанкыр кырлардың, аба-јыштың ортозында јаткан. Оның учун бу кырлар оның айлы-јурты. Буржуйга дезе Алтай — ол кырлар, агаштар, суулар, көлдөр — јараш ар-бүткен. Алтай кижиге дезе бу кырлар оның тыны ла салымы. Эне-Алтайыс бисти јажын-чактарга азыраган да, корыган да. Мендий кижиге Алтайын кырлары ѡокко јүрүм де, сүүнчи де, ырыс та ѡюк...»

Јурукчының кереес-самарада айткан сөстөри оның јуруктарынаг јарт сезилет. Бис, оның јуругын көрөрө келген бүгүнги улус, јурукчы төрөл јерин канайда сүүгенин оның иштеринен јарт көрүп јадыбыс. Владимир Эдоков биске Гуркинин чүмдемелдеринин јажыттарын ачат. Бистин алдыбыста «Камдаш» деп јурук. Јылу јайдың бүрүнкүй энири. Сууның јаказындагы јаан эмес јаланта улус јуулган. Тышкары салган от олордың јүстерин кызыл чогыла јарыдып туру. Јаан кара казанда тайган майдың эди кайнайт. Оттынг јарыгына анайда ок камның түнгүри, тана-јинжилери јалтыражат. Кам сырангай јер ле тенгеринин ортозына «көдүрилген» тужы... Мындый јуруктар Чорос Гуркинде көп. Оның иштери јарлу јурукчыларды ла шингдеечилерди эмдиге јетире кайкадып ла сүүндирип јат.

Мен Горно-Алтайскта экинчи алтай јурукчы Николай Чевалков-

тынг иштериле таныштым. Ол кееркемелдиг јолына Улу Октябрьдагы революцияның кийнинде, качан Гуркин ёскö јерге сала берерде, келген. Оның учун Чевалковко Туул Алтайда баштапкы совет јурукчылардың ижин баштаарга келишкен. Ол танынан бойы ўренген јурукчы болгон. Владимир Эдоков бу јурукчы керегинде монография бичиген. Монографияны бичирибинде ол Чевалковтың самараларын ла историялык ёскö дö материалдарды тузаланган.

Алтай Тöрөлиске јаңыс ла жайалталу јурукчылар сыйлаган эмес, Алтай анайда ок кöп саба јурукчыларды бойына бастыра öйлөрдö тартып жат. Ол керегинде Аба-Тураның јарлу јурукчызы Александр Ананын меге мынайда айтты: «Мен кажы ла жайды Туул Алтайга келбекенче öткүрбей жадым».

Кырдан ёксöп кöдүрилип келген күнди кörüp, катап ла кöк жалаңдагы ару чалынды эске алынып, бүгүн-эртен кандый күн болгой не деп сурадым. Биске ѡол баштап јүрген бичинчи, Горно-Алтайсктагы педагогика институттың алтай тил ле литература кафедразының башкараачызы Сергей Каташ мынайда айтты: «Слер бистинг Туул Алтайдың буурыл башту Бабырганына кöригер. Оның бажынаң булуттар ыш чылап коройлобай турган болзо, ару күндер туар». Каташтың сöstöри чынга келишти. Бис Шебалин, Онгвой, Кан-Оозы ла Кöксуу-Оозы аймактарла айланып келгенчебис, неделе туркунына каан-айас күндер болды.

Алтайлар сёбкётöри аайынча тöрбёнзижип жадылар. Жаңыс укту улус башка аймактарда да жаткан болзо, бойлорын агалу-карындашту, эжелү-сыйынду деп бодожып жат.

Бис Каташла кожно бир тонгмок сууның жаңына тыштанып отурарыста, жиктен жиит уул түжүп келди. Ол алтайларда жаңжыкканы аайынча озо ло баштап бистинг ортобыста жажы эң жаан кижи — Каташла эзендейши:

— Жакшылар ба?

— Жакшы, жакшы ба? — Жажы жаан кижи жиитти лаптап кöröt. Эмди алтайлардың жаңы аайынча ол, жаан кижи, жииттен ады-жолы, чыккан-ёскöн јери, угы-тöзи керегинде сураар. Уул ады-жолын, ёбöközin айткан кийнинде сёбгин айтты.

— Мен база тодош. Анайдарда, сен менинч ачым эмтирииг — деп, Каташ айтты.

— Слер тодош, мен тодош. Кожо јүрген нöкөрлөрөөрлө айлымга айылдаш келигер, акабыс — деп, жиит күлümзиренип, каруу жандырды.

Шак бу учуралдан алтай интеллигенция эмдиги ёйдинг культуразыла коштой, эл-калыгының озогы жакшынак жаңжыгуларының жылайтпай јүргенин мен жарт онгдодым.

Сергей Каташ Урсул-ичининг кижизи. Туул Алтайдың бичии-

чилер биригүзининг члендерининг тал-ортозы бу аймактан. Сергей Каташ кичинектен ала öскөс арткан. Бойының иштеги јолын он тört јаштуда баштаган. Онон јууның јылдарында Москвадаң Туулу Алтайга кöчүп келген К. Либкнехттин адылы адалган педагогика институттын филология факультедин ўренип божоткон. Онын кийининде областтын тös јериндеги алтай школдо ўредёчи, бичиктер кепке базар издательствоның редакторы, история, тил ле литература аайынча наукада шингжölү институттын бólöгүнин башкараачызы болгон, öскö дö иштерде иштеген. Је јада-тура оны наука эркитеген.

С. Каташ литература шингдеечи ле сögүшчи. Алтай оос чүмдемел ле литература аайынча кöп монографиялардын, бичиктердин ле јуунтылардын авторы. Ол анчада ла алтай эпосты шингдеери jaынаң jaан специалист деп мактадат. Ол керегинде профессор мынайда айтты: «Алтайлардын оос чүмдемелин улалтып аппарарында jaңыс ла специалисттер эмес, текши калык туружып жат. Бу колбуларды ўзерге jaрабас. Оны ўскени алтай культураның öлümине түңей».

Сергей Каташ бисти Кан-ичинде Јабаган јуртта јарлу алтай кайчы ла чörчökчи Алексей Калкинле таныштырды.

...Алты толыкту кажаан айылдын ичинде jaан от күйет. Jaңыла очоктон jaан кара казан чыгарылган. Јабыс тегерик столдын юстиндеги изү этти ооктон турдылар. Чörчökчи колына топшуур алып, бир эмештөнгө ойноп отурды. Онон ол ажындыра айдыш-эш јогынан кайлай берди. Мынан озо мен кай деп немени уклагам. Онын учун кайдын баштапкы күүзиле коштой, менинг арка-сööгим јымырап, мен бойымды бу ла јер-планетаның эг кичинек күшкаждынды се-зип отурдым. Кайдын јебрен күүзиле коштой мен, бир кörзö, учытүби ѡок куй-ташкы кирип бараткамдый, база кörзö, бöр бийик учуп чыгып, изү күнгө япшынарга тургамдый болды. Кай токтогон. Мен «төңгериден келип түштим». «Кай — ол бүткöl театр». Баштап ла сананганым мындый болды. Мен кайдан бöлгөн-жырааның шылырагынын, салкынның сылаганын, кара суулардын шолыртын, Ка-дыйның онтузын, тайга-таштын jaңылгазын, јебрен мöштöрдин кычыртын, күшкаштардын кожонын уктым.

Калкиннинг кайлаганын угуп, ажууларда буулалган јалама-кыйраларды, аржан суулардын агып чыккан јерлеринде жаткан оок акчаларды эске алындым. Алтай улус кажы ла тууда, jaан ажууларда ла аржан сууларда бойының ээлери бар деп бодоп јадылар. Чынын алза, алтайлар јаламаларды кудайга, кöрмөсkö бöдүп буулап турган эмес. Мен сананзам, алтайлар мынайып кыйралар буулап, акчалар чачып, эне-алтайын айдары ѡок тооп ло оны байлан турганын көргүзип јадылар. Мендий, кайды баштапкы катап угуп отурган кижи, бу ла кайчыны туулардын ээзи де деп сананарадан айбас.

Анайып, алтай эл-јон арка-тууны бу јердин ээзи деп бодоп жат. Байла, ондо до тыг јастыра юк. Ар-бүткенинг баалу ла јаан неме юк эмей. Бис ончобыс ар-бүткенинг балдары.

Чуйдың јолына коштой, Кадынның бийик јарадында инженерле бичиичи Вячеслав Шишковко учурлалган кереестинг јанына токтодыбыс. Ол Чуйдың јолының проегин тургускан, оны төзөйринде турушкан. Ого учурлалган кереесте оның мындый сөстөри бичилген: «Мен Алтайды сүрекей тынг сүйдим. Бу сүўжим јылдан јылга там тыңгыйт». Шишковтың «Угрюм-река», «Страшный кам», «Емельян Пугачев» ло бىк дö бичиктерин Алтайда сүўп, кычырып јадылар. Вячеслав Шишков алтай улус керегинде мынайда бичилен: «Алтайлар арjanынан јайлалту улус. Олор бойының јерин ак-јарыкта ончо немелерден артык сүўп јадылар».

Шишковтың кереес-памятнигине атанала, Чаргы деп јуртка түрген једип келдибис. Мында бисти соңыркаткан неме — Наукалар академиязының Сибирьдеги болжигин цитология ла генетика аайынча институдының Алтайдагы ченелтөрөлötкүрөр хөзяйствозының ижи-тожы. Бу солун хөзяйствоның ижиле бисти биология наукалардың кандидаттары Наталья ла Анатолий Железновтор таныштырдылар. Мында мен сүрекей солун тындуулар көрдим. Хөзяйствозының ученыйлары ла специалисттери ороонның башка-башка талаларынан јуулган малды Алтайдың ар-бүткенинде кандый ۆзөрин ченеп тургулаган эмтири. Мында украин укту уйлардағ ла якут јылкылардан ала јерлик анддарга јетире ончозы бар. Јүзүн-жүүр тындууларла коштой, күш ۆскүрөр ферманың ижин јилбиркеп көрдим. Ібраак талалардан экелген кастарды ла таркаттарды чек жайым божодып ийттир. Оног бىк инкубаторлордо туулып, јаан клеткаларда ۆскөн күштар бастьыра ла бойы јуу ла ўс болуп каладылар. Јердин күжү јерге баспай турганда, оног не болор. Оның учун бу күштар азыралды ар-бүткенинг бойлоры таап јирине мында јаан аяру эдип јадылар. Шак мындый жайым ۆскөн күштар энгэттенир, сөбк-тайагы јаан. Мыны көрүп, «кижиге база ар-бүткенге јуук болор керек» деп сананып калдым.

Чаргының бир учында јүзүн-башка ۆзүмдер ۆскүрген јаан жалан бар эмтири. Мында азырал эдер культураларды ченегениле коштой, башка-башка талалардың јерлик ۆзүмдерин ۆскүрип алары аайынча јаан иш өдтөт.

Ченелтелүү көп иштер јаны башталган. Је Наталья Железнованың сөстөриле болзо, бир канча шүүлтөрөр учына чыгары жарталып калган. Швецияның «Селма» деп сулазын, Прибалтиканың «Сааремаа» люцерназын, «Отра» ла «Эсма» деп арбазын Туулу Алтайда ۆскүрөрөр жарамыкту болгоны ученыйлардың ченелтөрөринге жарталган.

Сибирьде сад ۆскүрөр М. Лисавенконың адыла адалган инсти-

туттың Горно-Алтайсктагы ченелтөлөр өткүрөр хөзяйствозының директоры Юрий Бурый куучынды хөзяйствоның историязынан баштады. Мичуриннинг ўренчиги Лисавенко 1933 йылда Горно-Алтайскта туулу јердин ар-бүткенининг јегил эмес айалгазында јиилектү агаштар ёскурерин баштаган. Туулу Алтайдың кырларына јарагадый јиилектү агаш ёскурип алатаны јегил иш эмес. Мында эртен тира յангырлап турала, энгирде карлай да берзе күүни. Бир күн 20—30 градус յылу бололо, эртөнгизинде 0 градуска јетире сооп то калза табы. Кейдинг јылузы-соогы мынайдыа ёрё-төмөн калып турганы јиилектү агаштарга сүрекей каршулу. Шак мындый айалгага јарагадый агаштар ёскурип алар керек болгон.

1930 йылда бистинг ороондо Уралдан ала Күнчыгышка јетире, Түндүк тошту төнгистен ала Карагандага јетире сад ёскурген јерлердин текши кеми јўк ле 325 гектар болгон. А эмди дезе садтардын кеми јангыс ла Алтайда 18 гектардан ажыра. Бу иш учун бистинг келер ўйелер јаантайын Лисавенкого јаан алкыш-быйандуу болор.

Горно-Алтайсктагы ОПХ-да 987 сорт алама, 420 бүдүм боронот, 212 бүдүм уй көс, 132 бүдүм ѡилегет, јўзён-башка тожылалар, грушалар, чычраналар ёскурип јадылар.

Татанак көбизында кыштың кандый да тың соокторында тонгбос тонгмок суу бар. Бис Юрий Бурыла кожо оның суузынан ичтибие. Бу садтың тözöбүчили Лисавенко јўрүмининг калганчы күндерине јетире бу суудан ичкен. Эмди дезе оның отургыскан сады областтың ла ороонның јўстер-мунгдар тоолу улузына сўйнчи сыйлайт. Ю. Бурый мынайдыа куучыннады: «Меге анчада ла «Алтай десерт», «Алтай феникс», «Юбилейный», «Алтай сувенир» деп сортту аламалар сүрекей ярап жат. Темдектезе, «Алтай сувенирдин» бир аламазы 60—70 граммга једип жат. Оның ёни кызыл-күрен, оны январь айга јетире айылда чеберлеерге жараар».

Кижи кижи болгон адында јангыс ла јиир курсагыла јўрбей жат. Ого јараш ла кеендик база керек. Оның учун бу хөзяйство башка-башка сортторлу ла бүдүмдерлү чечектөр ёскурип јадылар. Чындалап та, жажын-чакка кобы-жиктер сайын јакшы одор бедреп кочүп јўрген малчы эмди айлының јанына сад, чечек ёскурип турганы оның јўрегинде ле ал-санаазында болгон революция учурлу јарамыкту кубулта деп канайып айтпас.

Шебалиндеги аң ёскурер совхозтың директоры, јурт хөзяйство наукалардын кандидады Виктор Завражнев куучынын мындый сөстөрлө баштады: «Кижи ийде-күчи, су-кадыгы уйадаза, јаантайын ар-бүткенге бурылып жат. Аңның мӯўзиндеги кургадып койгон кан ар-бүткенин жаан эми болуп жат. Оны көп эмдерде тузаланып јадылар».

Ол күн анддардын чеденине келеристе, ёлённинг чалыны курга-

галак тужы эмтири. Бис Завражневле кожо ырап бараткан анддарды көрүп, бир канча бйгү унчукпай турганыс.

Совхозто ангынг чеденининг узуны текши тооло 150 километр. Мында бир анга орто тооло, 1,5—2,0 гектар јер келижер эдип пландалп жадылар. Анддарды ангылу чедендерге айдалп тудала, жай сайын мүўстериин кезип жадылар. Бу совхозто бир ағнаң канча килограммнанг мүўс кезип алгылайт. Жаны кезилген жаш мүўстин учын изү сууга сугуп, изү бууга быжырып жадылар. Оноң откүре соккон тас-кактынг ичинде кургадып жадылар. Бу иштерди бойынынг керегин жакшы билер устар бүдүретен. Кажы ла мүўс олордынг колдорыла торт-беш катаптан ёдт. Ангынг мүўзи — орооннын ла оско государствовордынг фармацевт промышленнозында жаан сурулу ар-жёжё.

Государствого арбынду мүўс табыштырагра аң оскүреечилерге көп иштеерге келижет. Ноябрьдан ала май айдын учына жетире соллосло, блонгло, кожумакла ўзеери азыраарга келижип жат. Онын учун аң оскүреечи Кирилл Пудовкиннинг «Жал-арказы түзеде семирбекен ангнаң мүўс аларга иженбе» деген сөстөри сүрекей жолду. Бу совхоз эл-ジョンнынг текши малына азырал белетеер ишке жаан аяру эдип жат. Совхозто 5 мунг аннан башка бир мунганаң ажыра уй-мал, 18 мунг кой, торт мунга шыдар эчки ле жылкы мал бар. Хозяйство государствого ангынг мүўзин, сүт табыштырганыла коштой, жылкынын баазы жабыс эдин көптөй табыштырат. Жылкынынг эди анчада ла колбаса белетееринде керектү.

Жол оноң ары улалат. Бисти жаны туштажулар, жаны солундар сакыйт.

Улагандагы Базырыктынг корымдарынан чыккан јебрен табынтылар керегинде бистинг орооннынг көп кычыраачылары, байла, жакшы билер. Ленинградта Эрмитажта көргүзилген жаан көлөсөллөрлү јебрен абра Базырыктан табылган. Ол эмди телекейге жарлу. Алтай жангыс ла жаращ ар-бүткениле, ангы-кужула макталып турган эмес, онынг јер алдындагы да байлыгы айдары јок болуптыр. Археологторды сүүнчи күнүнг сайын сакыбай жат. Жерди бир де жыл, он до жыл казарга жараар. Же бу ума јок иште бор-кар не-немелерденг оско жаан табынтыга туштабай, жаныла ёдö дö берерденг айабазынг. Археологтордынк ижи андый. Же Туулу Алтай дезе археологтордынг сакылтазын чөкötпöй жат. Калас эмес.

Бис јолдонг ыраак эмес иштенип турган улуска барып, анда история наукалардын кандидады, археолог Владимир Кубаревле, онынг нöкөрлөриле таныштыбыс. Владимир бойын ары жанынан ырысты археолог деп чотойт. Онынг каскан јери эмдиге жетире куру болголок. Ол таш чакта журтаган јебрен түрктер ле кайа-таштардагы бичик-juруктар керегинде эки монография кепке базып чыгарган.

Чындан та, ырыс ого удура бойы келип жат деп айтса, жастыра болбос. Темдектезе, былтыр Урсул ичинде Карагол журтта жууда ко-

рогоңдорго учурлай кереес-памятник јазап турган јурукчылар јаан эмес төңдө саң башка корымга туштагандар. Олор бу јерге Владимириди қычыргандар. Кубарев нöкёрлөриле кожно бу корымда базырты таштарданг белетеген јаан эмес межиктерденг оны салғаныныг öйи бистиг эрага јетире эки мұнғынчы jöсýлдықта болгонын билип алғандар. Оны энеолиттинг öйи деп адап жат. Сланец таштан салылган межиктерде јуруктар бар болгоны шингдеечилдерди кайкаткан. Јуруктар jöзүн öндү будукту болгоны — табынтызынг эң учурлу керези. Жебрен öйдинг какыз ла табынтызы јаан учурлу. Іе чий-үлү ле аңылу учурлу мындык јуруктар мынаң озо качан да табылгалак. Онынг учун бу јаңы табынты керегинде солун бастыра телекейге түрген јайыла берди.

Новосибирстктиг археологторы тапкан межиктердин бирүзинде күнчыгыштагы јалбак ташта «мүүстү кам-келин», күнбадыш јанында дезе канатту кудай кебери көргүзилген. Ўй улустынг кебер-чырайын јартап турган бу «коручылдар» бойлорынынг бүдүм-кеберлериле Египеттеги Күнчыгышты ла Күнбадышты корулаачы миф-кудайлар — Селкиттин ле Иисидтинг кеберлерине jöзүндеш. Караголдогы таштарда күн-кижини јураганы кöп учурал турганына ајару эдер керек. Олор бой-бойлорына сүрекей түнгей. Јаңыс ла кезиктери јаан, кезиктери кичинек јуралган. Бу јуруктар тегерик jöс эдип јуралып, онон күннинг чогы јер-башка тарағ турганы көргүзилген.

Күнди кижиге jöзүндеш эдип јураары јебрен öйлөрдөн ала башталғаны текши жарт. Караголдо табылган јуруктардынг бирүзинде он эки јаркын јер-башка тарқап турганы көргүзилген. Жарт ла, ол он эки јаркын он эки айды керелеп турган болор. Күнди кудай деп бодоп турган јебрендик эл-калыктарда он эки јаркын јуралган јуруктар кöп учурал жат.

Кижининг кийимдерин күштардынг јундарыла кеелегени ѡилбиль. Бу јуруктарда кезигинде кижи күштынг канаттарын төмён эдип алғаны көргүзилген. Кезиктери дезе канат-колдорын элбеде јайып алган. Онызы Сибирьдиг эл-калыгы ортодо күштар јаан байлу болгонынынг бир-бир чокым керези болуп жат.

Алтайдын корымдарынан кöпти билип аларга јараар. История учурлу јебрендик табынтылардынг ортозында мындык да табынты туштап жат. Алтыннынг јаркыны туку јебрен öйлөрдөн бери ач, тоночы улуска амыр бербеген. Андый улус јерге јууп салған улустынг мөңкүлөрине де амыр јадарга бербейтен. Алтынды öлгөн улустаң алып алар арга барда, оны бедреп, казып, кайылтып незин чучураар. Бир тоночы корымга тууразынанг ўйттеп кирген. Ўстиненг казарга, байла, кöп таштар жайлардага керек болгон болбайсын. Ол дезе јенил јолло барган. Байагы тоночыл јебрен башчынынг межигине једип, онынг бажынынг алдында јаткан алтынду сумканы чыгара тартардынг какыз јанында ўстиндеги таштар јастыгып,

оны базырып койгон. Археологтор корымдарды казып, мында јебренде болгон мындый керекти кечеги болгон немедий айдып бергилейт. Мыны ончозын Алтайдың жер байлыгы деп айдарга жараар.

Эмди жер түбинен ѡрё ўстине чыгып, Туул Алтайдың бўгўнги байлыгыла — онынг улузыла танышжалы.

Онгдой аймактынг улузыла, олордынг керектериле таныштыруны КПСС-тинг Онгдойдогы райкомынынг баштапкы качызы Александр Илаков бистинг Латвия керегинде куучыннан баштады. Ол жирме жыл мынаң озо Латвияда черўде турган, бистинг республиканы жакши билетен эмтири. Онон билдирибезиненг бойынынг тёрёл жерি кергинге куучындай берди.

Жолодогы совхозо келеле, аярып көргөним — ол конторанын жаңындагы бийик столмодо кўдўрилген кызыл флаг. Ондо мынайдада бичилген: «Иштиг магынынг флагы мындый кижининг жеткеј једимдерине учурлай кўдўрилген». Флаг онкўндуќте јенгў алган механизаторго, малчыга, уй саачыга ол эмезе кандый бир ёмблонкке учурлай кўдўрилер аргалу. Бу флагты кўрўп, мен бистинг жерде Элжай совхозтын бир ветераны озо латыш байлардынг ѹрўми керегинде куучындаганын эске алындым. Ян Купчус деп помещиктинг айлынын жаңында бийик мачта бар болгон. Ол мачтаны ыраактанд ла кўрзён, жаан бий айлында ба, юк по, билип ийеринг. Ол кайда-кайда јорыктап јуреле ойто жаңып келеткенде, онынг абразы койту јыраалу учукты айланза ла, мачтага флаг кўдўриле беретен. Анаидарда, жаан бий айлында. Байдын айлында болгонына учурлай флаг кўдўрилген. Ого акча-ёбжо иштеп турган ишмекчилер дезе ундылып калган. Бўгўниг бий башка. Бўгўн ишмекчи кижи баштапкы жерде.

Жолодогы совхоз кўп сабазында кой ёскўрер хозяйство. Мында 40 мунг кой, 2400 эттенир уйлар ла бир муннан ажыра жылкы-мал ёскўрип жадылар. Мында кар жаан түшпей жат. Онынг учун койлор кыжы-жайи одордо јўргўлейт. Кыштын-жастынг кўч ойлоринде олорды блонгдöрѓо келижип жат. Же азырал деп неме жылдын ла једишпейт. Мал кўп. Ученыйлардынг айдыжы мындый: кажи ла кой кўнине 16 азырал единицага бодолду блонг-салам алган болзо, ол сўрекија жакши семирер ле су-кадык кураан чыгарар эди. Совхоз бу азыралдынг бўгўнги кўнде јўк ле ўчинчи ўлўзин белетеер аргалу. Онынг учун арткан азыралды койлорго бойлорына табарга келижип жат. Онынг учун койчылар жут та болзын, изў де болзын — арка-тууда койлорыла кожо. Малчи кижининг ижининг ангылзузы, ат-нерези шак мында. Одоры жакши жер таап, койлорынгы ол тёён баштабазан, арбынду продукталар алыш болбозынг. Быыл Жолонынг озочылдары јўс кой бажына орто тооло 106 курааннанг алгандар. Ол бу аймактынг айалгазында жакши једим.

Жолодон таң эртен атанип, чалын кургагалакта Жабаганинг боочызын ажа бердибис. Эмди Кан-Оозы аймак башталды. Жабаган-

дагы совхоз Жолодогы хозяйствводон жаан, мында жаңыс ла койлорының тоозы 80 мунганаң ажыра. Жабаганда жаткан эл-жонның ўчүзининг эки ўлۇзы алтай улус.

Кан-Оозындагы райисполкомның председатели Николай Красновскийдинг иштеер кыбына бис сары танла келдибис. Айла суббот күн болгон. Же амыраар да күн болзо, ол бойының иштеер јеринде эмтири.

Жаан изүй ай. Оның учун јурттарда эмди ээн, ын-шынг, балдар ла каргандар арткан. Арткан улус ончозы ёлөнг ижинде. Хозяйстволодордың, аймактың башкараачылары база иштеер јеринде. Кажы ла неделе сайын аймакта ёлөнг ижи кандый ѳдүп турганы көрегинде кыска жуун ѳдүп жат. Кажы бир хозяйствово соңдош бар, иш јылбай турган болзо, партия райкомының бюроозының члендери ол хозяйство жаар атапын жадылар. Нөкөр Красновский биске мынайда айтты: «Оскө областътарда, слерде база, кажы ла жай-күс аш учун изүй тартыжу ѳдүп жат. А бистинг ижис — ёлөнг. Бистинг хозяйстволодордың санаңганы ла санааркаганы жаңыс ёлөнг».

Төрөйтөн малга, арык-торыктарына беретен ёлөнгди мында колчалгыла чаап жадылар. Мындый көк-жаялы, кумак-балкаш ѡок, чек жытту ёлөнди мал сүрекей жакшызынып жийт. Же мунгдар тоолу малга колчалгыла ёлөнг белетеерге күч. Оның учун Жабаганның, Кырлыктың, Экинурдың телкем жалаңдарына көп лө жаңыс јыл Ѽзор азырал культуралар ѡскүрип, олорды механизмдердин болужыла жуунадып жадылар. Кырлыктагы совхозтың зоотехники Александр Саналов јылкы мал керегинде куучындаарын сүүр кижи. Совхозто 2200 ат бар. Олорды 22 јылкычы күдүп жат. Кажы ла ўүрде јүске шыдар јылкы јўрет. Кырлыктың јылкычылары бригаданың эп-сүмезиле иштеп, жакшынак једимдерге једип турулар.

Туулу Алтайда јылкы малды тооп, оны ѡскүрерин жакшызынып жадылар. Алтай улус малдың эдин ончо эттерден артык бодойт. Мында эттенир укту, кырлу жерге чыдамкай аттар ѡскүрерине жаан ајару эдилет. Темдектезе, Литвадан экелген «Арбасс» деп укту айгыр бу жерге жараган. Эмди оның балдары бу жердин чыдамкай малы боло бердилер. Туулу жерде не-немени тың керексибес, бек мал керек. Жаңыс ла андый бырчыт мал кышкыда карды чапчып, одорды бойы табар аргалу. Одорына јединбес мал мында неме болбос...

Туулу Алтайдың малчылары «Өлөнгди канайтса көптөнг белетеп алар?», «Кышты канайтса коромы ѡок чыгар?» деген ал-санаалу јүргүлэйт. Же бастыра улуста чылап ок, олордо ёлөнгнөн лө малдан ѡскө санаалар база бар. Темдектезе, Жолодогы совхозтың директоры Семен Тузачинов хозяйствово таныштырарын балдардың амыраарла иштеер жайгы лагеринен баштаган. Анайдарда, бу директор совхозко келер ўие белетеп аларын ёлөнг-саламнан озо тургузып жат. Ол мынайда куучындайт: «Кижи кайкаар, 15 жашту уул чалгы ту-

дуп билбес, jaан кыс кой кайчылап билбес. Айла, алтай улустын балдары! Бисте ондый да учуралдар болуп жат. Балдарысты бойбыстынг ижиске белетебей јадыбыс. Онынг учун мындый лагерълер керектү деп чотоп јадым».

Ол күн Јолодо бис алтай тойго учурадыс. Бисти, солун улусты, тойго кычырдылар. Јербайынын улузы тойго айттырту-эш јогынан бойлоры ла келетен болуптыр. Той — бастыра јурттынг эл-жонынын текши јыргалы деп чотолот. Алтай той тушта janы келинди жаш кайынгдарга буулаган кёжөгölү экелетени, айылду болуп жаткан уул сүүгенине сүт амзап беретени, отты, айыл-јуртты тооп до байлап, ўс, сүт чачатаны, шаалта ѡокко кудалайтаны, куданынг кожондоры, башпаадылар айдатаны ла ѡскö дö јакшынак јанжыгулары меге сүрекей јарады. Олордынг кöп сабазы ада-энелерине, jaан улуска эткен тоомыны көргүзип жат. Мындый тоомын эткен јанжыгулар јажынчактарга јылыбас деп иженер керек. Алтайлар тойго бир мал сойгоныла коштой, койлор база сойып јадылар. Кöчөгö кайнаткан этти мында баштапкы катап амзадым. Азый тойлордо эттү кöчö болотон дештилер. Эмди дезе столдо не юк деп айдар: помидор, огурчын, винегрет, конфеттер, сырлар, торттор... Же ончозын тоолоорго күч. Бу тойдо јербайынынг артисттери ойын-соот көргүстилер. Онон спортчылардынг маргаандары ла ѡскö дö јыргал болгон. Бис аракы јоктоң откүрип турган тойлордынг бирёзине туштаган эмтири丝. Бис јорыктап турарыста, Кан-ичинде кöп тоолу јурттар бүткүлиниче аракы ичпес, аракы саттыртпас деп молжу-сöс алыш турган тужы. Ол молжулар эмдиге јетири чокым бүдöп турган болзо, јакшы тур.

Кöксуу-Оозы аймакка јеттибис. Бу 18-чи чакта Баштапкы Петр кааннан качып келген жаржактар јуртаган аймак. Жаржактар јердиг јакшызын талдал келгени эмди жарт билдирип жат. Кöксуу-Оозы jaан ѡлдордоң ыраак, суулары балыкту, арка-туузы аңдык, ар-бүткени јаращ јер. КПСС-тиг Кöксуудагы райкомынын баштапкы качызы Александр Подкорытовтынг сөстöриле болзо, бу аймак бастыра областтын государственного садып турган сүдининг бежинчи ўлүзин берип жат. Бастыра кыралардынг тörттинчи ўлүзи база Оймонго келижет. Бу аймакта тайга-ташту јерлер база кöп. Бис мындағы совхозтынг башкараачыларынынг бирёзиле кожно мөштү јерге барып јўрдибис. Мен ѡскö мөштöрдинг тууразында ак јерде јангыс-кандыра турган байбак мөшти узак көрүп турдым. Онынг койу будактарында janы болчоктонып келеткен кузуктар көрүнет.

Устиги-Оймонго једеле, Тöрёлистиң атту-чуулу уулы Николай Перих керегинде база, база катап јылу эске алышым. Бу јуртта эки кат јакшынак janы тура бар. Оны тударда мында Перихке, онын экспедициязына учуралган музей ачар, амыраш ла культуранын тös јерин тöзбөр јакшынак амаду болгон. Же ол амаду анайда ла бир эмештег бүтпей, табыш юк јадып калтыр. Бу тураннынг экинчи ка-

дында эмди библиотека, алдындагы катта областтың музейи. Мында Кадын-Бажындагы Уч-Сүмер керегинде тоолу көргүзүлөр, жербойының улусының кийими, тудунган-кабынган бир кезек не-немелери, революция керегинде тоолу стендтер... Николай Рерих керегинде тоолу сөстөр, онын экспедициязының откөн јолын көргүсken схема. Кижи соныркагадый öскö неме јок. Бу эки кат турала коштой Рерихтин 1926 јылда 8 августтан ала 19 августа жетире жаткан туралы жантыйып калган тур. Онын толыгында Рерихке учурлай граниттен эткен скульптура ла онын мында жатканын керелеген темир пластинка көрүнет. Оноң öскö не де јок. А бу жерди ол сүүген. Кийинде мында журтаар деп шүүген. Мында руда казып алар, фабрика, город төзөөр амадулу болгон. Же келишпеген... Сүүген жери бойының атту-чуулу уулын ундыбас учурлу деп сананадым. Кандай да булгалыштардан ла јөпсиништестерден кыйып чыгар ѡол бар эмей.

Устиги-Оймоннон ѡол-жорыгыс ойто областтың төс жери jaар бурылды. Жолой Маймадагы сыр эдер заводко табарып, бу öмөлликтинг ижи-тожыла таныштыбыс. Алтайда сыр эдер иш 1902 јылда шак мында башталган. Туул Алтайдың öмөлликтери јылдың сайын табыштырган 40 мунг тонн сыр сүдинен сыр эдеечилер 2 мунг тонн сыр эдип жадылар.

Сыр эдер заводтың директоры Эдмунд Фоль сыр керегинде куучындап баштаза, оны токтодорго күч. Темдектезе, эттеги бар азырал единицалар ончозы сырда бар. Ого ўзеер сырда этте јок 20 аминокислота бар эмтири. «Же сыр ол эт эмес. Оны ооско анаар ла сугарга жарабас. Сырды амтанаң алыш, бир эмештөн тамзыктаңып јиир керек» — деп, Эдмунд Фоль кокырлаган айас куучындайт. Чын, ол «телекейлик король» деп адалган швейцар сырды анаар ла јизен, онын чын амтанаң билбезинг. Швейцар сырды јукачак эдип кезеле, менгдебестен тамзыктаңсан, ол тушта көк öлөнгөчи чалының ару суузының, јүс түмен чечектердин, мөштинг, кузуктың јыды јытанар. Бир килограмм сыр эдерге 12 килограмм сүт керек болуп жат. Же бу сырдың амтамы, тузазы керегинде жарашиб. Сырды эдип алатаңын женил иш эмес. Бистинг Латвияда бийик сортту сырды улус керексибей турган эмес. Керексип жат. Же швейцар сырды бисте канайып та албаданза, эдип болбой жадылар. Ненин учун? Андый сыр эдерге арка-тууның жајыл блөнгинде жайым отоп јүрген уйлардың сүди керек. А бистинг Прибалтикада арка-туу да јок, химия тийгелек ару ёлён до јок. «Сёллөслө, сенажла, маала ажыла, кожумактарла азыраган уйлардың сүдинен швейцар сыр болбос. Андый сүттөн бис «тыны јок» сүт деп адап жадыбыс. «Тыны јок» сүттөн сыр чыкпас» — деп, Фоль онон ары куучындайт.

Сырды жара кезиц ийзе, ондогы ўйттерден чык агып турза, оны «сыр ыйлап жат» деп айдыжып жадылар. Андый сырдың чындыый

сүрекей бийик. Үйттеринен туш-башка јарылып калган сырды оны «сыр каткырып жат» деп айдыжат. Оның чындыйы ла амтамы уй-ан. Оның учун сыр эдеечилер бойлоры жаантайын каткыда болзын, сырлары дезе тудуш «ыйлап тұрзын» деп күйнзеерге турум.

Туул Алтайдан, оның чечек жытуу кобы-жиктеринен, жалакай ла күндүзек улузынаң айрылышып баар ёй келди. Көк өлөнгөдүи көстинг жажынды ару чалынла база айрылышар керек. Бис — партия обкомының инструкторы, ўлгерчи Іыман Белеков, Туул Алтайдың бичицилер биригүзининг каруулу качызы Бронтой Бедюров ла мен «МИ-2» вертолетко отурып, тоолу минуттарга Туул Алтайдың чанкыр тенгеризине шунгуп чыктыбыс.

Жакшы болзын, Алтай! Жакшы ба, чанкыр тенгери! Алтайды бийиктен көрötöni база сүрлү эмтири. Бу жарашты бийиктен көрүп, оны жаантайын ширтеп јүрген јайым күшкү күйүнедим. Туул Алтайдың эң јаан суузы — Кадын вертолеттың көзнөгинен көгölтириим ак öнгдү көрүнет. Айдын ла Манjүректиң көлдөри алаканда немедий алдыста жадыры. Кадын. Бу суула колбулу сурактар ыраактан келген менинг öзök-буурымды база тың öйкөп, терен ис арттырды. Кадында ГЭС тудулза, эл-жонның экономиказына јаан болуш бolorында, байла, блааш јок. Же оныла коштой, ар-бүткенге, торко кептү өлөнгөдү Алтайга, оның эл-калыгына, ак малына коомой болбозын кичеер керек. Мындый жараш јерди ўреп салзабыс, балдарыстың балдарынан каргышту бolorыс.

Оңдойдо малчылардың жайги турлұзының жаңына түштибис. Мында Бронтой Бедюровтың ла Іыман Белековтың төрөёндөри иштеп турған эмтири. Мен бу жайги турлуда аскан чегенинг амтамын, байла, узак ундыбас бolorым.

Катап ла учуп чыктыбыс. Кадын суу, Кадын-Бажының Үч-Сүмери, Ак-Кемнинг тайга-таштары бисле эзенде жип турғандый, алдысса элес эдеть. Бронтой Бедюров чегендү тажуурын вертолетко көжө алган. Ол эмди айакка толтыра чеген уруп алган, Алтайын, агаштажын алкап, ўрүстеп, бистерге амзадып отурды. Мен дезе бу ла чегенде көк чечектү өлөнгөнин чалынының соок суузы бар болбайсын деп санандым. Жаңыс бу санаа меге ииде кошкондый билдирилди.

Туул Алтайдың ар-бүткени эртөн туралы чалындый ару ла бортык. Оны чеберлееринде ле корырында ийдебисти кысканбайлы!

Жакшы болзын, Алтай! Бис сени ундыбазыбыс.

«Циня» («Тартыжку») газеттеги 1986 жылда 30 сентябрьдан ала 14 октябрьга жетирие номерлеринен коччуприлген.

ЛАТЫШ ЛИТЕРАТУРАНЫНГ ТУУЛУ АЛТАЙДАГЫ КҮНДЕРИНИНГ ТУРУЖААЧЫЛАРЫНА СӨС

УЛДИС БЕРЗИНЬШ

Улдис БЕРЗИНЬШ — 1944 юлда чыккан, поэт, ўлгерликтин кёчүреечизи. Ленинградтагы Госуниверситеттин Күнчыгыш факультетин божоткон, онон Москвада Патрис Лумумба атту Университетте ченелте ёдўп, бир канча түрк ле семит тилдерди танынан ўренип алган. Латвиянынг Бичиичилер биригүзинде ўлгерлиktи кёчүрери аайынча ишти башкарат. Кёчүреечилердинг Прагадагы школында канча катап турушкан. Акту бойынынг ўлгерлик дептери: «Текеге керес», «Белорустардынг ўлгерлик жайандыгы».

Алтай литератураны таркадарында эрчимдў туружат, алтай тилге ўренет. Биске экинчи катап келип јўрген.

ВЕРЛИБРЛЕР

* * *

Улу јаңмырлар чалдыгат, бочколор-күптер курттап, жара каткылайт, той балкаш торт тестедий ойто ло жер терени дёён чөнгöt, пöтүктер алыс ўндериле кыйгырыжат, суу араайын толголот, соорымъылар ийиктелген кёйлмөктöрдö кöрмөс бажын брё чыгарат, јуукада ёлён-баргаа куузымак буруксыйт (пöтүктер алыс ўндериле кыйгырыжат), та кем де келер учурлу, ол тушта жай наарай берер эди, курт-коныс жер дёён кирет, јыштар айанында, ѡлдордо күштар унчукпайт куру немедий, бака јебрен сөzin бапылдабайт, кырлар ажыра, кайындардынг бажы ажыра ол — жедеген эр кижи алтайт, пöтүктер алыс ўндериле кыйгырыжат, онынг қолында агаш калбак, бажында бугул ёлёнг чач, оозыла чайнаныш, ажырат, ёлён-чöплö онынг алды туй ѡскён (аракы јык берет), күштар тууга учкулайт, жедеген эр кижи келедет, ичкери алдында буудай сыр јўгуркте ого жол көргүзет, пöтүктер ўни тунганча кыйгыргылайт, ёй тал-түш кирези, Жанис козырыктайт баатыр уйкуда.

Бу да колбуда сен кёдүрил, калганчы күрееде тур,
Сен, јётүлчи, сен, Петерсонс, эки баланың адазы,
Кезикте ичип те ииединг, је сен чокым билеринг
Бойынгынг јерингди, ишке оройтыбайдынг,
Сен, кокырчы, је копчы эмес (чын, эйе,
Школдонг ала кылыгынг андый,
Мен алантзыбайдым), сен кудайзак эмес,
Је сен најылыкка учы-куйузы јок бүдединг
Үргүллиге бузулбас бек шибеедий,
Сен, турангды тудадынг Ригадан ыраак јок,
Сен, язылбас ооруларды јалтандыраачы,
Сен, соок көрүм-шүүлтеечи,
Сен, тыгыш троллейбуста националчы,
Сен, хоккейле кёбөйчи-ооруучы, сен сергидин,
Курынгды бек курчан, отургышты туура ийт,
Бу — бүгүн керектүү: кёдүрил, туруп чык,
Сененг ёскө кем де кыймыктабас,
Оозын ачпас, Петерсонс.

ГОРОДТЫНГ РОМАНСЫ

Мен межикте јадаачы, араай куучын айдаачы,
Мен межикте јадаачы, колдорымла јангыйчи,
Мен межикте јадаачы, ёткүн ле бек баатырчы,
Мен межикте јадаачы, келиндерди аյктаачы,
Мен межикте јадаачы, колдорымла тыркыраайчы,
Мен межикте јадаачы, улам ла танкы сураайчы,
Мен межикте јадаачы, каандарды шоодоочы,
Мен межикте јадаачы, төгүндеп ажа коноочы,
Айтканымга кемзинип, ачу полго түкүреечи.
Мен межикте јадаачы, ёрб турарга чырмайдаачы,
Такып ла тайкылып, ойто ло јыгылаачы,
Мен межикте јадаачы (барзын бир модорчы),
Улдисти ээчий кажы ла тилде адалаачы,
Мен межикте јадаачы, кажы ла кижини ёчёйчи,
Мен межикте јадаачы, кажы ла тилде кычынычы,
Кажызының ла санаазын јадала билип алаачы.

ЈАКА ЈЕР

деп анда,
ононг учы-куйузы јок телкемдер јаказына.

тескери алта,
ал-камык
томонокторды ажырмактып,
кейле кожо колкон дöён тык,
сöзингди ойто чыгара тын,
каный эмеш, тыңғыдып,
айткан сöзинг агаш бажына ташталар,
бўрлерде тийингдий кызырып, ол ёткўн жайканар.

* * *

Jaңыс ла аңылу күўлү,
Кемнинг де ёткёнчи ўниле эмес,
Jaңыс ла ару чалындарла,
Кемнинг де тумантыктан түўнтизиле эмес,
Jaңыс ла алагаш баштапкы карла,
Айулардың уйкузыраган јыдузыла эмес,
Jaңыс ла жаркынду тандарга удура,
Тойдыйн столдорын эбирип эмес.

МАРА ЗАЛИТЕ

Мара ЗАЛИТЕ 1952 жылда чыккан, ўлгерчи ле драматург. 1975 жылда ЛГУ-нынг филология факультедин божоткон. Баштапкы ўлгерлерин студент тушта кепке баскан. Төс чўмдемелдери: «Жажыл ёлонгдö», «Айса болзо эртен», «Сöс жок», «Кўн жанында», пьесалар — «Мара», «Жарғы».

КАРАНГУЙДА

Анда карангуйда мен јогынаң
Та кем шылырайт, та кем шымырайт?
Табыш жок каткы, та каный кўлумжи,
Көстинг жаштары, тымыкта кем ыйлайт?
Та не кынгырайт, та не кылышайт,
Кейде шуулап, шылырайт, шыркырайт.
Та каный да аспан, та айса коныс
Бойынынг тилиле состёр шымырайт.
Орё көргомдö, база ла андый ок —
Бурлаган, бустаган ла бууныккан.
Каный бир кудай тайыла бергендий,
Кўйўп ле ёчўп, јылдыстар ыйлашкан.

Эске алышыш, сакыбаган сүүнчи,
Каткыла онту, сыстаган ол јүрек.
Мының ончозын билбес те болzonг чы,
Јүрүмде jaантайын ол болотон керек.
Эбиоксының јүрбезим эмди,
Менинг де кёксим база ок кайнайт.
Табыш та јокко каткырып аладым,
Jашту көстөрим тымыкта суркурайт.

* * *

Ончозы кыймыкта, ончозы ла тирү,
сүүрге jайалганыс, сок јаныс јүрүм,
качан да биске керек жажына
там бийик күүн ле учы јок санаа,
там ла там амадуун бийиктей,
кажды ла тант базыдын жиидиркей,
салымның берилген јолынаң узун
сенинг ёдётён јолынг ол болзын...
Чылай бердинг бе — ундыбагың нёкёр,
бу ўлгердинг бажын база такып көр:

ончозы кыймыкта, ончозы ла тирү,
сүүрге jайалганыс, сок јаныс јүрүм...

Јүрүмде jaантайын јаныдан жарталат:
ончозы ла тирү,
ончозы кыймыкта.

* * *

«Мен јоткон соккон шанг».
Аспазия

Ак туманның шаны мен,
Шынгкырт эдип каладым.
Жолсты кем баштайт не,
Бойым ондоп болбайдым.
Калак, толку эмди ле
Антара согуп ийбезин,
Jүскен кереп јүзиле
Кайага келип түртпезин.
Алдыбыста ынг ла шынг,
Кол до сунза, көрүнбес.

Даңыс ла туман шаны
Байлан тургандый, сенибес.

ОМОК УУЛДАРДЫНГ КОЖОНГЫ

Бу да бийге, ол до бийге
Жалынып эмди кайдарыс, —
Жаш кулундый, курагандый,
Жайымжып, кёкип аларыс.
Бу да жаланг, ол до жаланг,
Ончолоры ла бистин ол.
Жалбырт эткен от-жалкын
Чочыдып эмди болбос ол.
Үч те күнгө энгир ле танг
Үч катап жайым тургай.
Оноң калжу кезер тангма
Кыйнап бисти тыныс алгай.

ПЕТЕРИС БРУВЕРИС

Петерис БРУВЕРИС 1957 жылда Ригада чыккан. Латвияның Государственный консерваториязының культура бөлүгин јенгүлү божоткон. Соңында литератураның Я. Райнинин адыла адалган Государственный музейинде иштеген. Төрөл тилинө түрк, азербайджан, караим, Крымда журтаган татарлардың ўлгерлигин көчүрген.

БУ ЖАРКЫНДУ ОЙДО

Бу жаркынду ойдо көзнөкти жааш жолдойт,
Жылуны сескен коныс учуп колыма конот.
Солонғы тарткан журттың ўстиги жанында
Күйругы чычандап кураган текшилейт.
Бу жаркынду ойдо уур-күчтер ундылат.
Күннинг кылулары жаландарга сеелет.
Алагүн жааш кандый жажу тымырайт,
Кандый жажу тымырайт ла жапсыйт.
Бу жаркынду ойдо жер жаңырып тургандый.
Талай толкузы жараттарды кучактагандый.
Сыным жеп-јенил. Күүн-санаам бийик.
Кандый да ишти бўдурип ийгедийим.

НЕ КЕРЕГИНДЕ САНАНАДЫНГ

Жаскыда не керегинде сананадынг:
Жер жаңы ла жажарып баштаза,
Жанган күштар айланып турза,
Жүрер, јүгүрер күүнинг келзе?
Күскиде не керегинде сананадынг:
Көк төнгери булутка туттурза,
Жолдо јүктенчик уурлар учураза,
Жерлеш кижинын күүни жаңза?
Кышкыда не керегинде сананадынг:
Кыймырт шүүлтөлөр базылза,
Айлана кем де кычыrbай барза,
Айлана бааргага алантзулу болзо?..

ЭЗЕЙДИМ

Күүк эткен жер jaар көрөдим,
Катап ла көпти эзейдим:
Кызыл жылангаш жаш тушты,
Көк айастагы кой булутты,
Кожонын сыйлаган бөйлдинди,
Кандый да саң башка ол ѿиди.
Катап ла Рига — амырдын энчизи,
Кажы ла кижиғе ырыс күүнэзейдим.
Jaан улус жыгылбазын качан да,
Jaаш улус омок ѡссин качан да.
Ок жаңыс ла чөрчөктө сыйлазын,
Олтүриш дезе бичикте артын.
Күүк эткен жер jaар көрөдим,
Катап ла ончозын эзейдим.

ОНГДОП АЛЗАМ ЧЫ...

Күштардын жүзүнин билер керек,
Куучынын олордын билер керек
Латыштап, хеттеп, жангайлыктап,
Оноң до ёскö тилдерле аайлап.
Олгөн күштарды сөбгинен танып,
Ончозын ылгап, билип алзам чы,
Үүрлешкен күштардын тилине
Үренип, онгдоп алзам чы,
Ол тушта не? —
Ол тушта мен ёлбözим.
Ол тушта уча берерим.

ОН КҮН ЧАНГҚЫР АЛТАЙДА

Туулу Алтайдың бичиичилик биригүзининг каруулу качызы Бронтой Бедюров, төртөн дö јашка јеткелек кижи, Россия бичиичи-лерининг 6-чы съездинде сös айткан кийинде латыш ла алтай литератураалар ортодогы колбулар керегинде куучын көндүге берген.

Эрмек-куучын «јаан латыш» ла «оок алтай» калыктар, олордың эмдиги ле келер öйдöги бзöми керегинде болгон. Учы-учында бистинг ортобысты ырадып турган тöрт јарым мун километр ѡол эмдиги öйдö коркышту да ыраак эмезин ајаруга алып, бис озо баштап Туулу Алтайга барып келер деп јöптöштис. Бис дегени — Улдис Берзиньш, Адольф Шапиро ло мен, Сильвия Радзобе.

Улдис Берзиньш тоолу тил, анчада ла тўрк тилдерди билер кижи, алтай ўлгерлике, прозала таныжып, олорды кочёрип, бистинг республиканын газет-журналдарына кепке базып чыгарар аргалары бар ба деп јартап алар амадулу болгон.

Бу ѡол-јорыкта бисти анчада ла тын соныркадып јилбиркеткени — Туулу Алтайдың улузы. Областьтын тös городында алтайлардың тоозы ас болуптыр. Же алтайлардың кöп сабазы јурт јерлерде, тууларда. Кайкамчылу неме: кайда да, кажы ла јуртка барзан, жаанду-јашту кöдүрэзи орус тилди јакшы билетен эмтири.

Туулу Алтайдың улусынынг јалакайын, күндүчизин, буурзак күүнин кайкап көргөни! Кырлык јуртта бистинг Улдисти алтайлап «Уултус» — тусту уул дежип кокырлашкандар. Бистинг Улдис, алтай тилди сомдол билер кижи, Туулу Алтайда сүрекей ајаруда ла күндүү-күрееде болгон. Темдектезе, ол ло Кырлыктагы јылкы öскүрөр совхозто ол атка минип кörзö кайткай не деп айдардың кажы жанында, мынданы сескир улус тургуза ла ээрлү ат экелип, минди-реле, ары-бери јорттыгандар.

Мындый ајарудаг Адольф Шапиро ло бис экү тууразында калбадыс. Ээзи улус биске де ээрлү аттар јединип келгендер. Же бис, атка минбegen улус, тискин-чылбырды тартып ондобозыста, аттар шык ла туруп койгон. Ол аттарды бойлорынынг улузы јединген ле сонында, бис бир эмешке сүйнчилү јортконыс.

Биске кой до сойгылап күндүлөгендер, Экинур јурттын кыстары Улдиске кур да курчаар деп тапкандар. Кажы ла кижиге келишкен бös он эки метрден болгон.

...Улдис Берзиньш ле Адольф Шапиро улусла таныштылар. Мени таныштырар тушта бир эби јок неме болды. Алтай тилде «критик» деп сös јок эмтири. Айдарда, Б. Бедюров ол состиң учурын чүрчеде ле јартап берген. Режиссер кижиининг алдында турган амаду — удабастан Ригада öдötöн алтай литература Күндеринде Адакы ой-

ын-көргүзүни јөптөжөри. А меге дезе Алтайда јүрүп эзегенимди кычыраачыларга айдып берер керек болгон.

Туул Алтайга јорыктап баратаны меге сакыбаган ченелте болды. Бу ёйгө жетире Вилис Лацистин «Зитарлар билези», Имант Зиедонистин «Поэттин күндүк дептери» деген бичиктери чыгып калган. Бого жетире кайда да Монгол јерининг јанында Туул Алтай бар деп угуп јүргем ле, је алтайлар деген калык бар деп билбегем де. Ол јанынанг ёскö делегаттардан сурап угарга келишкен. Брёги адалган бичиктер филологторго таныш та болгожын, је мындый ук улус бар деп, бисте јирме кижининг экюзи ле билетен.

Кан-Оозы аймакта ўч јанынанг бийик-бийик кырларга курчаткан кичинек јурт туру. Кырларда күкүрттү јааш, јол кечире јаркынду солоны сүзүлип калган. Бистинг јолбашчыбыс кенетийин солун шүйлтэ айтты: «Јолой Јоло деп јурт бар. Ондо Токтой Сомоев јуртап јат». Анаиып, машинабысты Токтой Сомоевтинг јурты јаар бурыдые.

Сомоев бежен јаштанг ажа берген кижи, балдарынынг ўч балазы бар. Јирме ўч јыл мынанг кайра ол Имант Зиедонисле кожо тайгада јүрген. Ол јорыкта «Поэттин күндүк дептерининг» бир канча страницалары бичилген. Ол бичик айла алтай тилге коччурлыбейтир. Токтой дезе андый бичик барын билбестен де айабас. Је Зиедонисле кожо арка-тууда откүрген тоолу күндер, аай болбогон аңдаш, корко-үрке атту јортконы, сыйлап берген бычакты таппай калганы Токтойдын санаазында терен арткан. Болгон керектер «Дневнике» чып-чын бичилген. Сурактар кёп лё: «Имантынг су-кадыгы кандый? Онын балдары канча? Балдарынынг балдары бар ба?» Бу теп-тегин соныркаш эмес, ачык-ярык күүн-санаадаң сураганы болов. Токтой биске ак-чек санаалу, буурзак, тоомылу кижи деп билдириди. Ого ўзеери ол немени теренгжиде шүүп билер, төп сезимдү кижи эмтири. Токтой айла кажы да јанынанг Зиедониске түнгей кижи болгоны сонында јарталган.

Айылдынг јабынтызын јааш табырадып турган, күйүп јаткан оттынг јанында туку качаннан бери канча јылга таныш улустый куучындашып оттурдыс. Алтай улустын база бир аңылык јакшы кылыхтабы шақ мындый деп көрдис. Јабыс тегерик столды эбирае јабызак такталарга отурып, тусту, талканду, брёмөлү алтай чай ичип оттургансыс. Мында да, ёскö до јерлерде кирген айылдарда бисти улай ла мотлö күндүлөгендөр. Тамзыктанзын деп коштой алтай курут салгылаар. Оны чеген эдип ачыткан сүтти кайнадала, сыралгай ла кату болгончо ыштап, кургадып јазайтан јаңду албаты эмтири. Онон ары атанарага шыйдына береристе, Токтой бир једеен тегерик курутты Иманта апарып бериз деп сурады.

Кырлыктагы совхозто профсоюзтын ижин Т. Селекова башкарып турган. Ол тушта Горно-Алтайсктагы зооветтехникумда ўренген, јир-

ме ўч јыл мынанг озо латыш поэт И. Зиедонис мында јашёскүримле туштажарда ёткён изў куучындарды ундыбаган эмей. И. Зиедонистин «Поэтинг күндүк дептери» деп јуунтызында бичигени Т. Селекованын эске алынгандарына түп-түгэй. Кёрзём, Б. Я. Бедюров бу бичикти алтай тилге коччуртер деп шўйнип алтыр.

Јабаганда Алексей Калкиннинг айлына једип келеристе, ай-карангуй түн болгон. Бронтой Бедюров карангуйга кайылып, кайда да јоголып каларда, тышкарь ийттердинг ўрёжи угулышп, кийин јаныстаг тегерик ай јарыдып турган...

Бисти баштап јүрген кижи керегинде јылу сөстөр айдар керек. Бу ла кижи, Бронтой Бедюров эмес болзо, бис кёп-кёпти билип те, ондоп то албас эдибис. Бронтой меге сүрекей кен-кил ле ѡилбилү кижи деп билдирген. Москвада М. Горькийдин адыла адалган Литература институтты божоткон, алтай да, орус та тилдерле чыккан бир канча ўлгерлик јуунтылардын авторы. Ол калыгыныг историязын, мифологиязын, фольклорын сүрекей јакшы билер. Онынг иштенкейи, бойыныг санаа-шүүлтези учун турумкайы кижини кайкатпас эмес. Ол ишти тозёп билер жайалталу, алтай культурунда билери ле кёдүрери учун жана баспас тартыжаачы. Туулу Алтайдын байлык арбүткенин ўренип, билип алары жанаңын онын шўйлтелери мынды: турист болуп јорыктабай, ар-бүткенди, алтай калыктын жадын-жүрүмци бары ла аайынча билип ал. Онынг шылтузында бис «бобик» машинага отурып, Горно-Алтайсктан 300 километр кирези ыраакта Кан-ичи jaар атанганыс.

Машинанынг тискинчили Саша деп уул бойынынг ижине база кичеенкей кижи. Кезикте јол јок, онгок-чинек јерлерле мантадып барадарыс. Ол юйлордю ёткён јолдорды, анчада ла Чүйдын трагын эмдиге ле санаамда алып јўредим. Чүйдын трагынынг жанаңча, кезикте сол жандай, кезикте он жандай Кадын шуулап жадат. Тракттан туура ла бурыган сонғында, јол там катулана берер, айландаира тынартынду неме де көрүнбес, јорт та туштабас. Мында агашты бирде талдаш, байлаш јоктоң кескен болгодай — айландаира кара-куутёнштöр тургулайт.

Жарым saatтынг бажында бир јикте эки чоокыр майкан көрүнди. Машинадан чыктыс. Мал кёдүйрге јалданган сыгандар эмтири. Күн баштап тарый соок, бўркўк болгон, машинанын да ичинде калтырап отурдым. Же кенетийин күн жалт эдип, килейе айазардын кажы жанаңда изў тыңый берди. Кезем кубулчанг континентальний климат дегени, байла, бу туру.

Жажы ла туранынг жанаңда бу јердин «ажы» — картошко ѡзўп жат. Йиilektü агаш мында ёспос. Керек дезе жаан изў айдынг түндеринде мында сооктор боловордон айабас.

База бир јорык санаама кирет. Жаашка кёбип калган чылчырыкка «бобик» улам тайкылып, кёлсөлөри куруга айланыжып турган. Бис Сашанынг билгирине ле Бронтойдин жалтанбазына карандыра

иженип, машинаның кырынаң јырс ла тудунып алып, унчугыш ѡк баратканыс. Бу чылчырыктарды, тууларды эдектей ѳткөли, токтой түштибис, тыныш алып, тыш эттис. Бистерди Беш-Өзөк деп журтта алтай улус күндү-күреे эдерге сакып жаткан.

Jaашка ѡткөн жажыл блөнг жалтырап жатты. Мөштөрдөнг ло жаан тыйттардан саң ѡрб јиргилин көдүрилип чыгат. Айланыра кейден, эмдү-томду јыт-талдан бистий улустын бажы айланар. Мында, Алтайда жүреле, менинг санаама экинчи катап јүрүмнин мөңкүлиги көрегинде санаа келди. Эбира ончо ло не-неме ап-ару, бектен бек, ѹр-гүлжик.

Кажы ла журтка барганыста, кандый да орой түн болзо, айттырт паган да таныш эмес улустынг айлы-журтына кап-чут кирип баратаныс. Баштап тарый ондый орой шакпирядыштан бистер чала уйалып, кемзинип турарыс. Же көрзөнг, кем ле ѡок, алдырас. Бистинг кемзиништи Бронтой чүрчеде ле кубултып ииетен. «Же бот, бу латыш нөкөрлөр, айылдан јүрү, Алтайсла, албаты-жоныбысла танышып жат» — деп айтканда ла, улустынг уйкузы чыгып, от күйдүрип, чай изидип, бир де буудак јогынан куучындажа берерибис. Сүрекей кайкамчылу! Мында бир де мекелениши ѡок, улус күндүзек, ачык-ярык. Мынызы алтай улустынг бийик күүнин, теренг айладулу көксин керелейт. Бисте мындый орой айылчы түшсе, ўстине айттыру, алдыру ѡок келзе, жаан тал-табыш болор эди, уруш-кериш чыгарында алангуу ѡок.

Мындағы алтай калыктынг јадын-јүрүми, культуразынынг кеми эмди чик ѡок бийик болгоны билдириет. Жирме ўч жыл мынан жайра бу јерлерде болгон И. Зиедонис улустынг айыл-журтынынг жаны, оромдор сүрекей ле ару эмес, чоп-чолгобөлү, сүреелү болгонын аярып калган. Бүгүнги Алтайда албатынынг аргалу-чакту јадын-јүрүми тураларында турган телевизорлордон, тонгурма-холодильниктерден, газтан, јенил јорыкту машиналардан көрүнет. Жашоскүримнин кийеги-ни жап-янгы модалу джинсалар, вельветтер, жарашиб бөстөнг көктөгөн блузкалар, јикпелер. Журттардагы улустынг јадын-јүрүми городтогызынан да башказы ѡок эмтири.

Кажы ла алтай биле бойынынг жаан, шиферле жапкан туразында жадат, је коштой дезе агаштан черткен алты ўйелү айыл турар. Анда жайтыда курсак азып, амыранатан эмтири. Түнүктен јыш чоройлоп чыгат. Жангы мынызын көрүп турга, «Эие, бу бис качан да азый көчкүн жаткан улустынг жери-журтында јүрүп жаткан эмтири» деп санаарынг, боск-башка аңызы, көчкүн угы ала тарый танылбас та албаты.

Алтайдын туулу јерлердеги журттарында мал ѡок болгонын көрбөзгөр дö. Жаан тракторлордын, машиналардын жанында жоон чоч-көлөр кортылдажат, оокторы машиналардын алдына кирип алган чынгырыжат.

Айыл ээзи ўй улус күнүң ле эртө-энгир көнөкторин тудунып, уйларын саап баргылайт. Саадырган уйнار бойлоры ла одорлоп чыкылайт. Жайгыда олорды чеден-чуланга сукпайтан болуптыр. Күрөн-жерен, тоңкыр бозулар жайгы күндерде ўүрлөжип алган, журттын ичилие сайгактап маңташкылайт...

...Jaан удабай А. Калкиннинг туразындаöt күие берди. Анчамынча болбой, бисти айлына кычырдылар. Ъй орой, ўштүннинг аразы. Бис чала эби јок эмес пе деп турарынта, кайдан — ичкери öткүр-ген ле, кöчö урган, койдын эдин тегшиге салган, чайлап, азыданг бери таныштардый жаркырада куучынажа бердис.

Барган јerde анга-тенексү деп билдирибеске бис озо ло баштап Горно-Алтайскта јўристи, алтайлацын кылых-янгын, эрмек-сöзин билип аларга кўjуренгенис. Ёе городдо учурашкан интеллигент улустынг куучынын сыркыны башка эмтири. Онынг да учун бир неме бирўзине жараза, экинчизине жараба калар, ўчинчизине чек башка сöс айдар. Бистинг ајарулу темдектегенис — Алексей Калкинле колбай кайчи кижининг ады-чабы тооѓыда болгоны. Слер бу кижининг кайын уктыгар бу дежил, бистенг башка-башка улус сурагылайтан. Укпаган болзогор, аргалу болзо јопыгып уғыгар дежетен. Олордынг шўўлтезиле болзо, олордынг атту-чулу кайчызын уккан соондо бистер артык ондожорыс дежип тургаётый.

Алтай эпосты онгдол аларга айы наукада öткүрген иштерим меге сўрекей тузалу болды. Бу кай чёрчёктөр янгыс ла фольклорчыларга эмес, ёе ёскö дö гуманитарый наукада иштегендеге керектü болгон. Кай чёрчёктөр кепке базар иш С. Суразаковтынг башкарғаныла öткён. Онынг 1985 јылда Москвада чыккан «Алтай баатырлык эпос» деп бичиги элбеде јарлу бло берген. Алтайлардынг ёбёköлдири — кёчкүн, юучыл албаты болгон учун олор азыйда бойынынг ортозынанг бёкё, чыдамкай кижи талдап, ого башкарткылайтан. Андый башчылар албатынын адааын алып, ѡштўлерле тартыжуда жаркынду јенгўлере жедетен. Эмди андый керекти эл-жоннынг ортозынанг бўткен эркиндў сагышту, элбек кёгўстү эр-алыптар öткўрип жат. Эл-Алтайдин ичинде андый улу эмди ас эмес.

Фольклордынг учуры бистиг јўрумисте сўрекей jaан. Туулу Алтайда да, бисте де фольклор жеркемел искуствонынг тозёлгёзи болуп жат. Жетенинчи јылдардаги алтай литературада, бистезинде чилем ок, фольклорды јуп кепке базары ла оны янгыдан, теренгжиде аайлап-айладары тынг ёзўм алынган. Алтайлар бойынынг фольклорын агару ѕёбжёзи деп бодоп турганын темдектеерге турум. Темдектезе, Б. Бедюровтынг бичиктеин эпос јогынан, алтай мифологияны билбей тура ондоор арга јок этири.

Той болзын, база кандый ир жыргалга эмезе jaан учурлуга керекке алтай улус кайчынын кычырттан янгду. Олордынг айдыжыла, чындык кайчынынг жери калыгынын, бойынынг улузы ёзёгинде. Анчада

ла бийик тоомъыда — жайаңтазын ада-обөкөзинен алынган кайчылар, артист болуп албаданылап турганы эмес. Же мындай шүүлтенин чын-төгүнин жетире шигдөөр керек.

Эмди эзен-амыр јүрген кайчылардын жааны — Алексей Калкин. Ол, алтаннын ажып калган кижи, ал-камык кай чөрчөктөрди күркөксинде алып јүрет, күркүрде кайлаап берет. Калганчы жылдарда жииттер ортодонг кайчылар өзүг келгенин албаты-јон сүүнип темдектейт.

Алексей Калкинге жолыгарга, айылга кычырарга көп улус келет. Кайчы жаштан ала көстөн моюрып калган. Онын учун ол башка-артык куучын јогынан эки кылду топшуурын колго алат. Бу ла ёйдö А. Калкин кайдаар да ёсқо јөртөлөк жаар јүре берип тургандый, онын коо, чокым ўни урулып төгүлип тургандый. Алтай албаты кайдынг ийдезине бүдүп, ол ырыс-кежик те экелер, ыра-жороны да сүрүп салар деп айдыхат.

Адольф Шапиро Алексей Калкинле таныжып эрмектешкени иш жанынаң солун-жилбилү болды. Түразынаң көргөн кижи мыны актер кееркемел аайынча экзамен табыштырып жат деп бодоордоғ аябас. Карапулары да Станиславскийдин системазына аай немедий — кыска, чокым. Сурак бистерге де берилет: бистинг кожондорыста тындулардын ба, айса күштардың ба күүзи көп угулат па? Энг ле көбизи салкыннын ла талайдын табышы деп каруу жандырат. Шак бу ёйдö А. Калкин бистинг кожонторды угар күүнин айдат. Же жандайтар? Бис ўчүлебис ўн јок, кожондоп болбос күлүктөр. Карын, Улдис мында, ыраак Алтайда, латыш тилле бойынын сөстөрин узадачийи айдып турат. Алтай кайчы бистинг тилди жарадып, сөстөринде жымжак, эптү табыштар бар дег айтты.

...Тангары жуук, ёй жарым төрткө барадарда, бис атту-чуулу кайчыла эзендежип, база такып оныла Ригада туштажар күүндү болгонсты айдыхып, ичкери жолыбыска жандыс...

(1986 жылда 10 октябрьда чыккан «Литература ун Мая» газеттен көчүрилген).

АЛТАЙ ЛИТЕРАТУРАНЫНГ ЛАТВИЯДАГЫ КҮНДЕРИНИНГ ТУРУЖААЧЫЛАРЫ КУУЧЫНДАЙТ

НАЈЫЛЫКТЫНГ БИЙИК УЧУРЫ

Октябрь ай. Алтайда алтын күс турган. Тенгери айас, бийик ле чанкыр. Мындый күнде кижинынг күүн-санаазы да јарык, бийик. Ого ўзеери бис, бичиичилер, каруулу јорыкка атанаңп жадыбыс. Анда, көк талайдынг јанында, Латвия деп јер бар. Ого једип, бис Алтай керегинде, алтай эл-калык керегинде сөс айдарыс. Бис билерис, бисти најыларыс сакып жат. Ыраак та болзо, биске карындаштык совет албаты. Бис күнле кожо күнбадыш жаар учканыс, торт ло күннинг алтын канадына отурып алғаныстый. А бисти учурлып аппараткан ийде-күч — ол најыллыктын жылу толкузы.

Латвия керегинде бис азыйда да билбей база. Революциянынг кезерлерин, латыштардын кызын адучыларын кем билбес? Онайдо ок Ян Райнисстин, Вилис Лацистин, Андрей Упиттин, Ян Судрабкалннынг, Гунар Приеденинг, Имант Зиедонистин, Янис Петерстин чүмдемелдерин бис јакшы билерис. Жууданг јанган адаларыс, акаларыс Латвия керегинде база айдын келген. Олор төрөл орооныстағ фашист олжочыларды сүрүп, от-калатту јуу-согуштарда туружып, Латвия учун канын да төккөн, јүрүмин де берген. Олордын бирүзи јуунынг ла иштин ветераны Тарбанаев Донской Кыдыевич. Бу көп ордендердин кавалери, агарып келген чачту, көк көстөрлү кижи бисле кожо барып жат. Ортобыста жаан жашту, јүрүмди де, блўмди де көргөн кижи барадарда, кандый токыналу.

Бис те жалын-jiит тужыста бу јерде болгон эдис. Студент уулдар Лазарь Кокышев, Эркемен Палкин ле мен. Онон бери одус жыл ёткөн. Ол ёйдөнг бери бу чанкыр көлдөрлү, жажыл агаштарлу, токыналу ла жалакай улусту јерди бис јүргенесте жарадып јүргенис деп айтсан, жастыра болбос. Латвия керегинде жажыксы, жарашиб, кеен көдүрингилү ўлгерлерди анчада ла кайран Лазарь Кокышев бичиген. Ол талайдын жарадыла базып бараткан латыш кыс керегинде, талайдын жарты јок күүзи керегинде эрке күүндү ўлгерлер бичиген эмей. Эркемен Палкин, Бронтой Бедюров, Борис Укачин Латвия керегинде база жылу бичигендер.

Эмди Туулу Алтайдынг адынан барып жаткан делегацияныниит улус башкарып турганы база жарамыкту. Бу жаан учурлу керек

неден башталган? Россияның бичиичилерининг VI съезди ёдүп турар тушта, бу съездте эки јиит башкараачы јолыгыштылар. Туулу Алтайдың бичиичилер организациязының каруулу качызы Бронтой Бедюров ло Латвияның бичиичилер биригүзининг Башкартузының председатели Янис Петерс јуук најылажып, бой-бойлорының амадуларын билижип, алтай литератураның Күндерин Латвияда откүреши керегинде јөптöжип алган. Олордың мындый шүүлтезин Латвияның компартиязының Төс Комитети, КПСС-тинг Туулу Алтайдағы обкомы ла облисполком изёу јарадып, алтай литератураның Күндерин Латвияда откүреши јанынан аңылу јөптöр чыгаргандар.

Латвияга одус төрт кижи атанганыс. Бу тоодо бичиичилер, албатының кожончылары, кайчылар, фольклор ансамбль. Делегацияны КПСС-тинг обкомының качызы Борис Күндүлеевич Алушкин ле Туулу Алтайдың бичиичилер биригүзининг каруулу качызы Бронтой Янгович Бедюров башкарғандар. Атанар алдында белетениш база болгон ло. КПСС-тинг обкомы да, облисполком до бу керекке јаан аяру эткендер. Латвия бойының аңылу улустарын јайгыда Туулу Алтайга база ийген. Олор келип, бистинг јўрүмисле, литературабысла, эл-жонысла танышкан. Јерине једип барып, Туулу Алтай керегинде, оның улузы ла једимдери керегинде статьялар бичиген, алтай бичиичилердин ўлгерлерин латыш тилге коччурин, кепке салып јарлаган.

Риганың аэропортында бисти Латвияның компартиязының Төс Комитетининг качызы Анатолий Валерьевич Горбунов, Бичиичилер биригүзининг Башкартузының председатели Янис Петерс, Төс Комитетининг культура аайынча бөлүгүнин жааны Айвар Янович Горис ле ёсқо дö каруулу ишчилер уткыдылар. Бисти уткыырга фольклор ансамбль база келген. Олор бисти латыш албатының кожондорыла, күүлөриле уткыды. Аштынг бажы — калаш ла тус амзатты. Бу јылу, карындаштык уткуулуды көрүп, јүректерис јымжай түшпей база. Бис келерден озо Туулу Алтай керегинде, алтай албаты ла оның литературазы, кееркемели керегинде Латвияның газеттеринде ле журналдарында элбеде бичилген ле радио, телевидение ажыра көп айдалган. Төс оромдордо ло площадьтарда латыш, орус тилдерле 12 октябрьдан 17 октябрьга јетири республикада алтай литератураның Күндерин ёдүп жат деп элбеде јарлаган плакаттар, кычырулар, афишалар турат. Латвия бистинг јерис керегинде билер де, бисти сакыган да эмтиир. Бисти база албаты деп тооп, уткуулуга, бу карындаштык керекке јаан учур бергени кандый јакшы! Мындый ишти јарамыкту откүрерине олордон ўренер керек. Бу улус биске бийиксиниш, тыңзыныш ѡюк көргөн. Көп көрөбөс, куру калырууш сөс айтпас, ич бүдүми бек улус.

Алтай улус јаш тужында Латвияга баратаны база кайкамчылу. Донской Тарбанаев бу јерди јаш тушта ёштүлдердег јайымдашкан, јайлталу Лазарь Кокышев база јаш тушта Латвияның жаражын

кайкап јангарлаган. Эмди бисти јууй бириктирип, бисле кожо Алтайың сөзин, ару күүнин, кожонг-јангарын база жайлалту жиит улус баштап апарадыры. Бу Бронтой Бедюров, поэт ле партийный ишчи Йыман Белеков, ээлү музыкант, культураның јаанының заместители Владимир Кончев, кожонгчы-комысчы, кайчы ла фольклор ансамбльдин башкараачызы Ногон Шумаров. Кёөрёми ле кей мактажы јогынан айдайын — келер ёйдö алтай литератураның, кееркемелдинг ёзүми бу жиит улустан камаанду. Бис ас та болзо албатылу, кичинек те болзо тöröл јерлү эмес болзобыс, нени де айдып болбос эдис.

Најылыктың јолын, карындаштык ару күүн-санааны Ленин ачып берди. Биске ончо агару, јаан керектерге ийде берип турган ийдекүч — ол албаты ла Ленин.

Оны кök тенгерининг ўстиле учуп барадала, бистинг кажыбыс ла сананган. Жеристиг ўнин жетирип болорыс па? Албатыбыстың адын алып чыгарыс па? Мен бийик, мен сененг артык деп кем де сананбаган. Алтай кебин кийип, Алтайының јангарын айдар Танытпас Акулова да, ады-ярлу бичиичи Лыбаш Каинчин де, бис ончобыс түнгей, бистинг ўнис бир, күүнис бир. Бис бир агаштың будактары-бүрлери. Ол агаш — Алтай, анда жаткан албаты. Бис ол керегинде сös айдып болзобыс па? Билерис, латыштар бийик ле јебрен культуралу албаты. Же бис те јенестенг чыгып келген јерлик улус эмезис, бистинг де кийнибисте мунжылдарлу история бар. Сөзисте, костёристе куулгазын кайкал да, ойгор санаа да јўрўп жат. Јаныс ла улу кызаландарга бастырып, кыйналып калганыс.

Латвияның газеттеринде бистинг артисттердинг јуруктары, алтай поэттердинг ўлгерлери күнүнг ле латыш, орус тилдерле чыгып жат. Бис мындый аярууга чек ле «калай» бергенис. Бистинг кажыбыс ла бир ѡлүге ёзб берген болор. Санаазыла, күүниле, јурегининг бийик учужыла. Латвияның Компартиязының Тöс Комитетининг, Бичиичилер биригүзининг, Культура министервозының, текши јонның аяруузы бистинг автоном областъка, алтай албатыга эдилгени жарт.

Он ўч октябрьда Рига городто, политуреудү Байзынгын тöс залында алтай литератураның Латвиядагы Күндериине учурлалган бийик кёдүрингилү энгир ачылган. Латвияның албаты бичиичизи, алтай литератураның најызы И. Зиедонис энгирди ачып тура, сүрекей јарамыкту, бүгүнги ёйдинг јаныртулу учурын жартап турган сөстөр айткан: «Литератураның Күндери — ол најылыктың керектери, оны бир күнгө откүреле онон ары ундып саларга жарабас. Најылыкты тыңыдарына амадап, күнүнг сайын иштеер керек. Бу јаныс ла байрам эмес, је иш». Бу шүүлтени бис жарадып уктыбыс. Азыда чылап байрамдайла, а кезик учуралда баштактанала, жана берер эмес, иштеер, колбуларды тыңыдар, иш аайынча, амаду аайынча бек најылажар, керек болзо, бой-бойына болужар. Бу агару керекте калырууш сös, бой-бойын макташ керек јок. Акту јўректен билижер, тоожор

керек. Алтай литератураның Күндери шак бу маанының алдынча әткөни жақшы.

Латыш наыларыс бисти бойлорының бийик кееркемелиле, республиканың једимдериле таныштырган. Кичинек те чимеркеш ле аңыланыш јок. Мынанг албатының күүн-санаазының ич ле топ культуразы көрүнип жат.

Бу байрамду энгирде Риганың академический хор-коҗоны В. Анохиннинг албатылык сөстөрине бичиген «Кайран Алтайым» деп коҗонын орус, алтай, латыш тилдерле коҗондогон. Бу кайкамчыл жарап, бийик көдүрингилү, ич карыкчалду коҗонды мындый тың ла кеен кем де, кайда да коҗондогонын мен укпагам. Бис шык тымып, јүрегис көдүрилип калган отурганыс. Меге ойто ло кайран Алтайым көзиме көрүнген, албатының шыралу, турна чылап кыйтырган ўни угулган, оның ару, бийик күүнинин күн жаркынду күүзи угулган. Менинг көстөриме изү жаштар айланыжа берген. Бу куулазынду жарап элес учун быйан болзын слерге, латыш эже-сыйындар, агалар, карындаштар... Ленин эмес болзо, сениле не болор эди, албатым? Күнле жарыжып учардан болгой, күннинг чогын көрбөс эдис. А бу коҗондо алтай албатының кату салымы, бускаланг бийдө јүрүми, оның жалакай күүни керегинде айдылып жат. Ондо јүректиң сызы, көстиң жажы, ўч булунгуда кудайлык Алтайын, кабайын ла шибеэзин сүүгени! Бу коҗонды бис Алтайыста, бу коҗон өзүп чыккан жерде, латыштар чылап коҗондоп болбозыс па, о алтай улус?

Чангыр көстүү Латвия бисти, Туулу Алтайдың улузын, кайкап калган көрүп турган. Анчада ла бистин түлкү бычкак бёркибис, кийимис олорды соныркаткан. Бу не улус? Бу не јон? Мындый кеп-кайимдү улусты олор качан да көрбөгөн. Латыштар — музыкага сескир улус. Олор чын жарапты, чын кееркемелди сезип те, баалап та билер. Олорго шоордың, комыстың, топшуурдың күүлери сүрекей жарады деп айтсан, көпчишиш эмес болор. А бистин алтай кайды олор кайкап уккандар. Бу не күүлеп, күркүреп, сыгырып жат? Исаак Саблаковтың, Токтой Сомоевтинг, Танытпас Акулованың коҗондоры, Таныспай Шинжиннинг, Јајан ЫЖыковтың, Ногон Шумаровтың кайлары — бу ончозы жебрен ле жаны Алтайдың ўни ине.

Оноң Домской собордо органның күүлери угуп отурагыста, меге ойто ло Алтайым көрүнген, Алтай керегинде улу кайдың күүзи угулган, ол капчал өзөктөрдөн карлу сүмерлер баштарына, жылдыстарлу көк тенгериге, Алтайдың жаражын мактап, албатының мөнгүлик улу керектерин мактап, учуп чыккан.

Бу јорыкта мени анчада ла Бронтой Бедюровтың элбек-күүн санаазы, жалтанбазы, тапкыры, жайалталу сөстөри сүүндириген. Ол кандаид ла улустың алдына партийный сости, карындаштык керегинде сости јүректерге томылта айдылып билер. Белетениш те, чаазын да јо-

тынаң айдып жат. Мынызы, байла, теренг көгүстен, элбек билгирден келетен туру. Алтай керегинде, албатылар ортодо најылык керегинде теренг учурлу сөстөрди КПСС-тинг обкомының качызы Борис Күндүллеевич Алушкин, јууның ла иштинг ветераны Донской Қыдыевич Тарбанаев, Кош-Агаштың райисполкомының председатели Укмет Альпимович Альпимов, ученый ла бичиичи Сергей Сергеевич Кацаш айткандар.

Бичиичилердин, фольклорный ансамбльдың иштери база жакшыötкөн. Аңчада ла бистиг тоорчыгажыс, јайлалту кожончыбыс Карагыс Ялбакова латыштарды бойының бийик кожон-искусствозыла бактырып алды. Борис Шульгиннинг «Тоорчыгаш» деп кожонын кожондогондо, бүткүл зал онын кожонының экспини аайынча јзырт-јызырт этире кол чабыжат. Оиido ok Карагыс Чанғышевна латыш албатының «Пётрғеш» деп кожонын кыска ёйғо ўренип ала-ла, оны латыш тилле кожондогон. Ого бастыра зал јёмёжип, оныла кожо кожондоп турган. Бу байрам, јыргал, бийик көдүринги качан да ундылбас.

«Радиотехника» деп заводтың ишчилери фольклорный ансамбльдың күүлериин, Карагыс Ялбакованың кожондорын изў уткыгандар. Концертting учында олор айдышкан: «Слердинг искусствогор сүрекей кайкамчылу ла жараш. Кере түжине угар, көрөр эдис, же ишке барада керек, слерди де боско јерде сакып жадылар. Быйан болзын, најылар, база катап келигер».

Бис јаңыс ла ўлгер кычырып, кожондоп, бийелеп јүрген эмезис, бис көргөнис, укканыс, ўренгенис. Латвия бисти кайкаткан. Бастыра республика кожондоп жат. Жаштан ала жаанга жетире. Жети жашту бала да, жетен жашту жаанак та.

Бис 14—15 октябрьда күнчыгыш Латвияда, Латгалия дайтэн јerde, болгоныс. Мында кандый да улусту јerde хор-кожон бар. Сарду эдер заводтын улузыла тушташканыс. Бу ла Маймадагы завод ошкош завод. Же оның ончо ишчилери хор-кожондо туружат. «Бүткүл коллектив кожондоп жат па?» — деп сурадым. «Ончолоры — дешти, — јаңыс ла тоолу кижи јок». «Олор кайда?» «Олор божоп калган». Јүре берген эмезе кожондорын таштап ийген эмес, а коногы келерде, көркийлер блүп калган! Мынайда бойының кееркемелин, албатызын сүүр керек! Мындый албаты жажын-чакка ёлбос, бойының чырайын, күүнин јылыйтпас. Ондый албатыга откөнижерге де кем јок. Бойының албатызын латыштар чылап сүүр керек, бу ок ёйдо боско албатыга кару болов, оның једимине сүүнер.

Бис латыштар чылап иштеп болбозыс па? Хор-кожонду коллективи кажы ла школдо, фермада, колхозто, совхозто, ўредүлү заведениеде, промышленный предприятие төзөөр арга бар. Эмди экономикада жаңы ла улу кубулталар болуп турган ёйдө, культурно-массовый иште база жаан кубулталар, жаңыдан иштеш, жаңыдан кө-

рүш ёдёр учурлу. Кандый да онылдыкта, кандый да жүсжылдыкта биске белен культураны кем де, кайдан да экелбес. Ончозын жүрүмнің өзөгінен, астан, кичинектен баштаар керек. Мыны сок жаңыс клубтын ишчили көдүрип болбос. Мыны журт интеллигенция, хозяйстволордын башкараачылары, партия, совет ишчилер көдүрер аргалу. Аңылу айалга керек јок. Латвияда бистердий ле ок айалга. Жаңыс ла жалкуурышты ла эш-неме керектебести туура таштап ийер керек.

Карындаштык Латвия бисти, алтай улусты, жылу уткыды. Бис жеристинг, юныстын күүнин, күүзин, чырайын көргүстис. Бойыс олордон ўрендибис. Најылактын жолы калас эмес, жаан тұза экелди. Најылажар керек, жаңыс совет культура өскүрер керек. Бис кандый да укту-тостү болзобыс, әлден ле озо, бис совет улус! Улу Октябрьдың балдары.

Аржан АДАРОВ.

АЛТЫН АЙАКТАН СУУ ИЧТИМ

Меге, тегин колхозчы кижиғе, ырыс болуп Туул Алтайдың би-чиичилериле, фольклор ансамбльдың артистериле кожо Латвияда Туул Алтайдың литературазынын Күндеринде туружарга келиши. Ондо жүргенимди кандый сөстөрлө бичийин? «Жер-түбіндеги најыларга туштап, најылық ла кеендиктинг күндүү-күреезин көдүрип, алтын айактан суу ичтим» — деп, кыскартса айдардан башка. Журттан барган кижи жаңыс ла Латвияны ла онын албатызын сонырkap көргөн эмес, же Туул Алтайдың улузын: жарлу бичиичилерин, артисттерин бу кандый улус эмтири деп, сонырkap көрүп турган ине. Олордың көп нургунын мындағы кижи жууктан баштапкы ла катап көрүп жаткан эмей.

Жол-жорык кийнимде артып калды. Бичиичилер ле артисттер сүрекей жалакай ла аярынкай улус эмтири. Олор меге ле мениле кожно жүрген келиндерге күнүн ле чечектер сыйлаган. Бистиг жаткан «Юрмала» деп коночылыкта кыптарыста столдордың ўстинде, көз-нөктөрдин алдында, түмбочкаларыста суулу вазаларда түндүктин жүзүн өңдү жаркынду чечектери тургулаган. Олордың жараш жыды коридорлордо, лифттерде жытансып турган. Чечектердиг жаражына ла көбине коночылыктын администратор келиндери де кайкашкан. Ол сый, байла меге ле мениле кожно жүрген келиндерге бастыра жүрүмисте жарык эзем болуп артып калар.

Жол-жорыктын кийнинде мен айлы-журттыма, журт улузыма, Алтайма чек өсқө көстөрлө көрүп боло бердим. Солун туштажуларда көп жилбилү куучындар уктым.

Бисти баштап жүрген кижи партия обкомынын качызы

Б. К. Алушкин јол-јорык јакшы көндүккенине, бистинг концерт-ойнысты **Латвияның улузы сүрекей** јакшы утқығанына сүйүнип, ончобысты јылу сөстөрлө оморкодып јүрген.

Биичиичилер **Б. Я. Бедюров, А. О. Адаров, Ш. П. Шатинов, Ж. Б. Каинчин, Э. К. Тоюшев, А. Я. Ередеев, Ж. И. Белеков, К. К. Елемова** чүмдемелдерин бойлоры кычырарда, **Латвияның албаты-јоны сүрекей ајарулу** ла соныркап уккулаган. База катап кычырзын деп, көп катап сурагылаган.

Туулу Алтайда фольклор ансамбльдың төзөлгөни удабаган. Је **Латвияның төс** городында, фабрикаларда ла заводтордо, оноң ары колхозтордо көргүскен концерттерди ондогы албаты сүреен көдүри-жилү үткыган. Литератураның Күндери **Латвияның компартиязының Төс Комитетидин** Политурөдү байзынында ачылган. Коркышту јаан ла јарык залда бистинг артисттер сүрекей чүмдү ле сүрлү көрүнген. Олордың кеп-күйими де јарашиб көктөлгөн. Кыстардың ак кардый јикелерин тере тонды чылап кыйулап койордо, кыстар копкоо көрүнген. Шоорчылар, комысчылар, топшуурчылар сценага чыгып келзэ, зал јызырада кол чабынза, торт ло Балтика талай күүлеп, шуулап тургандый угулат.

«Артисттердин сценада тудуныжы, чачакту түлкү бөрүгин кийижи јарашиб, керек дезе уулдардың азу кара сагалдары јарашиб. Чыйрак, чек базытту уулдарда кереги јок бир кыймык јок, чыт ла эдип калган туар» — деп, бисти озогы Ригала, оның албаты-јоныла та-ныштырган гид Мара Цауне айткан.

«Ригада телекейдинг көп улузы болгон, је Туулу Алтайдың биичиичилери ле артисттери ончозынаң солун ла аңылу башка. Курч көстөрлү, јалбыш јүректерлү улус биске кырлардың серүүн эзинин экелген» — деп, јиит биичиичи Петерс Бруверис айткан.

«Алтайдың кееркемели ёксо албатылардыыла колышпаган, ондо бойының аңылу ўні, экпини, күйуны, кыймыгы бар» — деп, **Латвияның јарлу режиссеры** Адольф Шапиро айдат.

Ансамбльдың музыкалык күүзин јиит музыкант **В. Е. Кончев** бичиген. Мында оның бойына ла артисттерге бийик некелтези, алтай күүни сүрекей јуук ла чике угуп онгдол турганы јаан камаанын јетирген. Сценага учы-учында кай, шоор, комыс, икили, топшуур, түнгүр чыкты. Ол учун сеге быйан болзын, јиит музыкант! Баштаганыңды учына јетир. Бис, алтай албаты, јардак уулыбыска иженедис, сенен көпти сакыйдыс.

Концерттинг бастыра сценарийин режиссер **Н. Н. Шумаров** тургускан. Ол бойы бийик культуралу, билери көп, аярынгай, төп кижи эмтири.

Ансамбльдың балетмейстери **К. Ф. Малчиев** адару опкожаштегей кижи эмтири деп айдар эдим. Оның тургускан биелерини суалтай экпиндү, от-јалбыш, јалакай, ару тургунду, көрөргө эптү ле

жилбилү. Оноң ары сеге бийик једимдер, курч көрүм-шүүлтөлөрлү бийелер тургус деп күүнзейдис, Константин Федорович!

Је артисттерден эң ле јарадып ла эптү көргөн кижи — ол Алтайдың жарлу тоорчыгы Карагыс Ялбакова. Карагыс Чанкышевнаның сценада базыды, кыймыгы, ўни сүрекей ѡарашиб. Латвияның көрөөчилери Карагыс Чанкышевнаның јаңыс ла кожонын кайкан уккан эмес, оның боруғин, чегедегин сүрекей јилбиркеп көргүлөген. Оның кажы ла кожонды башка кожондоп турганын көрөлдө, көп көрөөчилер јанбай, оның бойын, кебин көрөгрө, куучындажарга болуп артып калгылайтан. Карагыс Чанкышевна «Ак куу» деп кожонды кожондогон. Кожон божж берерде, зал бир кезек ёйгө унчукпай отурган. Оноң колчабыжу јазырап, көрөөчилер алтай кожончыны төрт-беш катап кычырган. «Ак куу» — ол комыдалду кожон, ол каруузы јок сүүштү, јүргинде ару шыркалу јиит керегинде кожон. А јүректе шырка, каруузы јок ачу сүүш ол кажы ла калыкта бар. Байла, оның учун алтай тоорчыктың кишининг эдине соок јайылар ачу ла ѡткүн ўни латыш көрөөчилерге јуук болгон. А. Адаровтың сөстөрине бичилген «Тоорчык» деп кожон латыштарга база јараган. Карагыс Чанкышевнаның ўнинде Алтай ўстинде турган алтын айдың эрикчелдү урулган чогы, аржанның серүүни, јалбрактардың шылдырты, кара суучактың шоркыражы, күүктин ўни угулат.

Бистиг ёйис коркышту ас болгон. Ончозын кемјип-кертип койгон. Түжиле автобусла тартып јўрер. Туштажулар, көрүлөр, музейлер, эки калыктың удур-тедир ойын-көрүзи, најылык күндиш-күрее. Энгирде арыганына торт ло төжөккю ѡыгылып каларын. Је Алтайдың јилбиркек улузы бу да элесте ёйди таап, бу ла көрзөн, балетке эмезе операга, онон көрзөн, спектакльга барып келген турар.

Је латыштардың эң ле соныркап укканы јебрен кай болды. Таныспай Шинжин каркыраа, кёёмой, сыйбысы кайларды кайлаарда, Алтайдың тууларында јалкын јалтырап, күкүрт күркүрөгени, таш јарылып көчкөлөнгөни, мун аттардың туйгактарының тибирти, мун јуучылдардың кыйгызы, кёө-куйактардың шындырты угулган чылады. Йиит кайчы Ж. Ішкеновты көрөөчилер изү колчабыжуларла уткып, сценага канча ла катап сурагылаган.

Анайда оқ латыштар Көш-Агаш аймактың озочыл койчызы, он эки баланың адазы И. Т. Саблаковтың, Онгдој аймакта Жоло јурттан Т. А. Сомоевтинг, Кырлык јурттың пенсионери Ш. Клешеваның кожондорын, иштинг ле јууның ветераны Д. К. Тарбанаевтинг куучындарын јилбиркеп уккандар.

Јаан быйан болзын, латыш карындаштар! Кеен-јарашиб јеригерге айылдап, көпти көрдис, көпти билдис, күүн-санаабыс байыды, күр-көксибис кениди. Быйан болзын ырысту күндер учун!

Танытпас АКУЛОВА.

КУУН-САНААЛАРЫЛА БИРЛИК

(Латыштардың оос жайаандыгы ла литературазы керегинде)

Латыштардың оос жайаандыгы ла литературазы керегинде айдардан озо қычыраачыларды, қыскарта да болзо, олордың историязыла таныштырарга турубыс.

Археология, этнография, историяның керелегениле, латыштардың тарап-таркаган тазылы туку јебрен чактар дöön ууланат. Бу ѡй бистиг эрадан озо IX-IV мунг јылдыктарга келижет.

Латыш калык — ол балт укту калык. Олордың тили индоевропа тилдердин билезине келижет. Ол тил литва ла эмди јоголып калган јебрен прусстардың тилиле кожно бу биледе Балтиканың тил аайынча болгүгина кирип јат. Немец феодалдардың 700 јылга улалган базынчыгында да јаткан болзо, латыштарга бойының тилин корып ла байгызып аларга јаан арганы национальный фолькор, анчада ла дайналар јетирген. Дайналарда — калыктың кожондорында оның јүрүми, јаңдаган јаны, күйн-табы, ич бүдүми, историазы күскүдеги немедий јарт көргүзилген.

Латвия ССР-динг јерининг кеми бистиг областытагызынан чик јок тапчы. Латвияның текши жери 64 мунг квадрат километр, а Туул Алтайдың дезе 93 мунг квадрат километр. Латвия ССР-де јуртап јаткан улустың тоозы 2,5 миллионноң ажыра. Туул Алтайда дезе 200 мунгта ла јуук улус јурттайт. Латвияның төс города Рига да бир миллионго шыдар улус. Рига Ленинградтың кийинде бистиг ороонның Балтика талайдың јаказында јааны аайынча экинчи јerde турган порт. Ол Совет Прибалтиканың эн јаан промышленный, саду, наука ла культура төс жери. Рига бойының атту-чуулу архитектура, история кереестериле, жилбилү музейлериле, театрларыла, ойын-јыргал көргүзөр залдарыла ѡлду оморкойт. Латвияның төс городында ондор тооду наукалык институттарлу ла лабораторияларлу Наукалар академиязы, государствоның университети, политехнический институт, граждан авиацияягя летчиктер белетеечи институт, јурт хозяйствоның академиязы, мединститут, Государственный консерватория, јурукчылардың Академиязы, ѡскö дö ўредүлү заведениелер иштейт. Совет Латвия кажы ла 10 мун кижиге келижип турган студенттердин тоозыла тың ёзүмдү капиталдың ороондорын — Американың Бириктирген Штаттарын, Англияны, ФРГ-ны, Швецияны озолойт. Риганың ангулу оморкодузы атту-чуулу Домской собор. Биске анда күндүзек ле јалакай ээлердин шылтузыла болорго, оның архитектуразыла, кайкамчылу кееркемелиле таныштарга, орган музыканың ойынын угарга келишкен. Латвияда литературалык ла кееркемиilik төс жер база ок Рига болуп јат, мында бастыра жайаандык биригүлөр ле издательстволор

иштейт. Јылдың ла эки мунгнан ажыра бичик кепке базылат. Латвияда чыккан бичиктер телекейдинг 70-нен ажыра ороондорына аткарылат. Бастыра газеттердинг бир күнге чыгып турган тиражы бүдүн жарым миллион, јылдығы дезе 305 миллион экземплярга жедер, ол тоодо 115 миллион экземпляры латыш тилле чыгат. Республикада 10 профессионал театр, цирк ле госфилармония.

Латвия ла латыш поболетариат бойының революциядагы мактулу жаңжыгуларыла байлык. Шак анайда Россияның пролетариадыла жуук колбуда Латвияның социал-демократ партиязы төзөлгөн. Каан туштагы Россияның öскö албатыларыла көжө 1905 јылда каан жаңына удурлажа Латвияның иштеги калық-жоны көдүрилип чыккан. Латыштар Февральдагы ла Улу Октябрьдагы революцияларда турушкан. Латвияның ишкүчиле жаткандары аланғызш јоктонг Октябрьдың маанызының алдына бек турган. Улу революцияның салымында латыштардың кызыл адучыларының ат-нерелү керектери текши жарлуга...

1919 јылда Латвияның ишкүчиле жаткандарының тартыжузы женгүлү божогон. Бу јылда 13 январьда öткөн Латвияның бириктирилген Советтеринин I съезди Латвияны совет республика деп жарлаган. Мыныла колбой революциялык кубулталар башталып ла турарда, буржуазия öскö ороондордың мылтық-јепседү ийдерине тайанып, жаңды колына алган. Республиканың Коммунист партиязы Совет жаңды орныктырары учун узак öйгө тартыжып, учында женгүге жеткен. 1940 јылдың 5 августында Латвия коштой жаткан Литва, Эстонияла көжө СССР-динг билезине кожулган.

Латвияда бичиичилер биригүзин төзөгөни мында совет жаңды орныктырган öйгө келижет. 1940 јылда 26 октябрьда Латвияның бичиичилерининг жайаандык биригүзи төзөлгөни керегинде Декларацияга жарлу бичиичилер кол салгандар.

1940 јылда бичиичилердин жаан эмес биригүзи бүгүн СССР-динг бичиичилер биригүзининг эки жүстен ажыра члендерин бириктирип турган жуучыл болүги боло берди. Латвияның бичиичилер биригүзи јылдың ла жайалталу авторлорло, анчада ла жашöскүримле толтырылып, элбеп жат. Бичиичилер биригүзинде көп ўй улус иштейт. Эмдиги öйдö Латвияның совет литературазы СССР-динг көпнациональностьторлу литературазының көрүмжилү јеринде туруп жат.

Öткөн јылдың күзинде Туулу Алтайдың бичиичилери, фольклор ансамбль ла албатының жайалталу улузы — бастыразы 34 кижи Латвияда алтай литератураның Күндеринде туужарга барып јүрген.

Бистинг делегацияга албатының ойынчы-кожончы жайалталарайн кошконыс. Олордың тоозында: Кан-ичинде Кырлыктагы совхозтот 65 жашту Клешева Шыма. Көш-Агаш аймакта «Кызыл Мааны» колхозтың койчызы Исаак Саблаков, Ондой аймакта Карл

Маркстың адыла адалган колхозтөнг иштинг ле јууның, партияның ветераны, 58 жашу бүрён Донской Тарбанаев, юит кайчы Яаң Үйжыков, Кан-Оозы аймакта «Ленинский наказ» колхозтөнг чөрчөкчи Танытпас Акулова, Онгдой аймакта Жолодогы совхозтөнг Токтой Сомоев, Ногон Шумаровко башкаркткан фольклордың ансамбли, кайчы Таныспай Шинжин, Алтайдың комсомолының сыйының лауреады Карагыс Ялбакова ла öскө дö улус болгондор.

Латвияның ишкүчиле жаткандарыла бастыра туштажуларды бис алтай калыктың оос чүмдемелдерининг кеендиктериле таныштырарынаң баштайтаныс. Онызы жолду болгон, ненин дезе бистин кайда ла болгон туштажуларда латыш наýылар бисти фольклор öмөликтөрдигө ойын-кörүзиле, калыктың кожондорыла — ёбрендинк жайаандарыла уткыйтан. Же бис те турал калбайтаныс, ненин учун дезе бистерди эл-калыктың ортозынаң чыккан ёбрендик ўлгерлик культура, анчада ла кожондор бириктириет.

Бис Латвияга једип ле келгели, бу јердин ээлерининг күндүзегин, буурзак-јалакайын тургуза ла сезип ийдис. Риганың аэропортында бисти чүмдемел кожондорлө, чечектерлү уткыгандар. Уткуулду сөстөрди Латвияның Бичиичилер биригүзининг башкартузының председатели Янис Петерс ле бистин делегацияның баштаачызы — КПСС-тин обкомының качызы Б. К. Алушкин айткан, таныштырулар, наýылык колтудуштар божогон соңында латыш дайналардың ла алтай алкыш кожондордың күүлери јаныланды. Тенеринин он мунг метр бийигинде учуп келеде чүмдеген кожондорын Шымма Клешева ла Валя Мүсова кожондогондор.

Бистин баштапкы ла туштажуларыс бек бирликтиң тазылтамырларыла тудуш болгонының керези болды. Олор бисти кайда ла кожон-комытла уткыган ла ўйдешкен, бис те тölлүү артпаганыс. Латвияда бисти ёбрендик кереестерле таныштыргандар, кереес јерлерде болгоныс, музейлөргө ле кörүлөргө јүргенис, анда айыл ичинде тудунар-кабынар не-немелерле, керамика эдимдерле, кееркедим жазалдарла таныштыс.

Латыш калыктың улу уулы — оос чүмдемел јуучы Кришьянис Баронның мемориал музейине јүрөлө, латыш калыктың ўлгерликте жайалтазын база катап жарт билдис. Биске бу чылазыны јок кижи јууган дайналардың (албатының кожондоры) томдорын көргүскендер. Бастыразы бүдүн жарым миллионго шыдар дайна јуулган ла кепке базылган. Кажы ла латышка бир кожоннон келижет...

Республикада К. Баронның музейи ле öскө дö наукалык учреждениелер оос чүмдемелди јууп, наукада шингжүлүү иштер откүрип жадылар. Латвия ССР-дин Наукалар академиязының тил ле литература институтында оос чүмдемелдинг бөлүги иштейт. Госуниверситет, культураның институты ла консерватория јылдың ла оос чүм-

демел јуур экспедициялар өткүргилейт. Латыш кожондордың он беш томын кепке базып чыгарары белетелет.

К. Баронның музей-туразында биске оос чүмдемелдин качан да көрбөгөн баштапкы бичимелдериле таныжарга келиши. Бис бойыбыстың көзебисле оос чүмдемел јуучы бойы тургускан картотека-ны көрдис. К. Барон бойының наукалык көрүм-шүүлтезин мындый сөстөрлө жартаган: «Калык — агашка түнгей, оның тазылы бойының јери дöйн сүрекей терен јўре берген. Жоткон-куйундар оның кажы бир жалбрагын ўзе согор, будактарын жалырадып, кезигин сындырып та салардан айабас, је агаш бойы, оның төзи быжым да этпей туарар. Шак ол агаштың төзине мен јуук турум...» Бу көрүм-шүүлтезине ол јүрүмнинг учына жетире чындык болгон. 1915 йылда оның жарым јүсілдикка шыдар јууп чыгарган алты томду ла сегис бичкүтү ижи учына чыккан соңында оның ат-нерези элбеде жайла берген.

Ол ойдо әмиграцияда јўрген атту-чуулу латыш поэт Ян Райнис «Латыш дайналарды» кепке базарын божотконыла, К. Баронның юбилейиле колбой, мындый уткуул ийген: «... Бистинг калыктың кееркедим-яраажының ўч ондү күни Слердинг ўстигерде тургай, бистинг калыктың ўстинде турган коркышту күкүрттердин ле түбектердин кекедүзин туура сүрп салып тургай... Бу калык 700 јылдың туркунына коркышту базынышта ла кулда жаткан, эмди ёлбözине жеткен деп, Слер билеригер. Бистинг тилди унчуктырбай токтодып та салгылаар эмезе б скö тилдер чилеп ок, каждылгактадып, ўреп те тууар аргалу болзын, је бистинг кулактарыста Слердинг јууган кожондороор күүлейт, олор бистинг јўрегисте жаныланат...»

Бодозоор до: эмди Латвияда бойының дайналарын кожондорой турган, бойының Имант Зиедонистий албаты поэттерин билбес, Янис Петерстинг сөстөрине Раймонд Паулстың чүмдеген кожондорын кожондорой турган бир де биле табылбас болор.

Бистинг кожон-фольклор жанжыгуларыстың киндик бирлигин темдектеп тира, алтай фольклор идеология ла эстетика, таскамал иште жетире тузаланылбай турганы керегинде айтпаска болбос. Латвия ССР-де жаанду-јашту ончозы кожондоп турган, кажы ла учреждениеде, ўредүлү заведениеде, промышленный предприятиеде, колхозто ло совхозто фольклор ло хор ёмёликтер бар болзо, бистинг областыта андыйга туштабазын деп, кородоп айдарга келижет. Ол ок ойдо Алтайистың албаты культуразы, ойын-кожонының жанжыгузы улу-јаан учурлу.

Латвияда оос чүмдемелдер бастыра ойын-јыргалчы ёмёликтердин репертуарына кийдирилет, атту-чуулу дайналар дезе латыштардың кожон-ўлгерлик жайандыгын телекейлик жолго чыгарган. «Дзиедонис», «Аве-Соль», «Дзинтарс» деп жакшынак хорлу ёмёликтер телекей ўстинде энг артыктардың тоозында адалат. Качан Ри-

гада Политуредү Байзынында алтай литератураның Күндерин ачар тушта республиканың филармониязының академ хоры алтай қалыктың «Кайран Алтайым» деп кожонтын кожондоордо, бистин қажыбыстың ла жүргегис тың согулып, көстөн жаштар бойы ла сызылып келген эди.

Жакшы кожон улусты там жууктада бириктире, олорды бойына там ла буурзак ла аярынгай эдип, айланышыра телкемнин жараш-кеендигин билерге ўредет, кижины ар-бүткенле бирлик эдет. А Туулу Алтайдың ар-бүткенин дезе, чындал та, ѡскө неге де түнгейлеп болбозын. Ол кижинын көгүс-санасын там ла ару эдет, онын көскирин курчыдып, бийикке көдүрет, бирлик билеге, ишке тартынарын тыңыдат.

Латвияда К. Баронды латыш кожондордың адазы деп бодоп жадылар. Бис ого ѿзеери бу кижины латыш фольклористиканың таадазы деп кожуп айдар эдибис. Ученый бойының жүрүмнин жарым-жүсъылдыкка шыдарын фольклорды жууп, шингдеерине учурлаган. Онын дайналар жууган, озогы кадарла чўмдеп жазаган сегис калын бичиктери латыш калыктың тёрбл литературазына эткен улу ўлүзи болуп жат. Дайналардың бир канча томдоры орус, немец, француз ла ѡскө тилдерле кепке базылып чыккан. Алтай делегация Бароннын музейине бойының фольклор бичиктерин, ол тоодо «Эл-Алтайды» сыйлаган. «Эл-Алтайды» Шатра Шатинов коччурген латыш дайналар, «Лачплесис» эпостон Эркемен Палкин коччурген бажа-лыктар кепке базылган. Чындал, литератураның энгирлеринде Ш. Шатинов бойының коччурмелин жилбүлү қычырган, а фольклор ансамбльдың башкараачызы Ногон Шумаров латыш эпости топшуурдың күүзине келиштире сүрекей энтешире ле жарамыкту кайлаганын жуулган улус коркышту жилбиркеп угуп, тың кайкашкан.

Латыш калыктың байлык фольклоры керегинде куучынды божылып тұра, мында Индияның ученыи, оронның литературалық академиязының президенти Сунити Кушарж Чаттерджинин сөстөрин әзедер күүним бар. Ол бир ойдо Кришьянис Баронды «телекей-лик мөңгүлү қижи» деп айткан эди.

Латыш фольклор ло Кришьянис Баронның жууган дайналары ѡскө бүдүмдү кееркемдердин, ол тоодо латыш литератураның ёзүмине жарамыкту камааның жетирген. «Латыш дайналар» кепке базылып чыгарга жетире эртеги ўйе бичичилерге ле поэттерге фольклордың тазылданып келген жайалтазын жүк ле бойының жаткан жеринин ичинен алып тузаланарға келишкен болзо, XX ғактың башталғазындағы сөстинг устары калыктың оос чўмдемелин бүткүлинче алып тузаланар аргалу болгон. Шак онын шылтузында латыш литература бүткүл эмес жүс жылдың туркунына көп чактарга улалған Европаның албатыларының кемине жетире бэўп чыккан. Эмди-

ги латыш литература азыйда качан да болбогон јаркынду өзүмде. Ол керегинде куучын төмөн болор.

Латыш чўмдемел литератураның тозёлгөзинде ле өзүминде jaан учурлу керек латыш дайналар — латыш калыктың ўлгерлик кереси, онын байлык фольклор жайалгазы болгон деп, бис ёрө айтканыс.

1883 йылда Андрей Пумпурдың «Лачплесис» деп эпозы чыккан. Поэт латыштарды жети јүс јылга базынып келген немец олжо-чы-кулданаачылар керегинде калыктың озогы оос куучындарына ла уткааларына тайанып, калыктың чындык чўмдемелдерин јууган. Анда калыктың кўйнзеген ижемјизи ле сакылтазы, жайым ла ырысту ѡўрўм керегинде амаду-саналары толо кўргўзилген. Революциялык ўлгерлик ле прозаның тозёочилери Янис Райнис, Эдуард Вейденбаум, Петр Стучка болгондор.

1905 јылдагы революция јууктап келееткенинин жанылгазы Я. Райнистиг 1903 јылда чыккан «Чангыр энирдин ыраактагы кўйлери» деп ўлгерлик јуунтызында ла 1904 јылда кепке базылган «От ло тўн» деп пьесазында чокым ла толо кўргўзилген.

1904 јылда бойында «Циня» («Тартыжу») деп газеттү латыштардың социал-демократ партиязы тозёлгён. В. И. Ленин бу органды бийик баалап туратан.

Бу революционный ёйдо латыш литературага озочыл өзүмдү орус культура, эн озо пролетариат бичиичи А. М. Горькийдин жайалга ижи жаан ўлзин жетирген. Чындал, онын Латвияда баштапкы коччуреочизи ле биографы Я. Райнис болгон.

1910—1912 јылдарда Андрей Упиттин тың социальный учурлуг «Жаны башталгалар» ла «Ёргомётшинг уйазында» деп романдары ак-жарыкка чыккан. Бастияроссияның кўдўриғизин Вилис Пруденис «Кўн талаларга» деп символ поэтиказында толо кўргўскен. Бу оқ ёйдо бичиичи ўй кижи Аспазияның ўни тыңг ёдўнилў жанылган.

Латыш адучылардың музейинен бис В. И. Лениннинг кожо иштеген наязы, бийик совет јуучыл жамылу ла поэт — Роберт Эйдеманнынг портредин кўрёдис. Октябрьдагы революцияның кўрнёйзинде бичиичилер Эйдеманнинг, Судрабкалнининг, Леон Паэгленинг, Янис Эзериньштинг, Арайс Берустың ады-жолдоры жаркындалып келген.

Риганың чындык кожончызы поэт Александр Чак «Мен ле оның ёйи», «Тротуардагы ёурек» деп јуунтыларында кижининг ичбойындагы кўйн-табының жаражын ла ол ок ёйдо оның юкту-жойу шыралганду ёрўмин кўргўскен. Латыш адучылар керегинде Чактың элбеде таркаган кожондорында баштапкы телекейлик јуу кўргўзилген. Латыш драматургияны ла театрды тозёочи А. Алунан болгон.

1933 јылда ат-нерелў бичиичи ле государственный ишчи Вилис Лацистинг «Балыкчының уулы» деп романы чыгып, оның ады-жолын

элбеде јарлу этти. Оның жайаандығыла совет кычыраачылар јуучактың кийнинде чыккан, Государственный сыйла кайралдаткан «Жоткон» деп эпопея-романы, «Жанты жаратқа» деп бичиги ажыра јууктада танышкан. Оның романдарында, Андрей Упиттин ле Анна Саксениң прозазында чылап оқ, латыш калыктың салымы элбеде көргүзилген. Андрей Упит «Жер жажыл» ла ёскö дö ўүрлик романдашында латыш крестьяндардың жадын-јүрүмин, Анна Саксе 1948 јылда чыккан «Тууларға» деп романында жарт жерлерде колективизация башталғанын көргүскелейт.

Жууның кийниндеги жылдарда латыш поэттер база да једимдүй иштегендөр. Мирдза Кемпениң, Ояр Вацетистин, Арвид Григулистиң, Юлий Ванагтың, Янис Гроттың, Янис Судрабкалның ўлгерлеринде бийик граждан күйн-санаа, кижининг ичбайындагы көрүмшүүлтө төрөнгө көргүзилген.

«Сүт керегинде туузының» ла «Аш керегинде туузының», 1976 жылда орус тилле чыккан «Курземите» деп проза бичиктиң авторы Имант Зиедонистин ады-жолы Латвияда эмди бийик тоомында ла элбеде јарлу. Ол бойының чўмдемелдеринде калыктың жадын-јүрүмийнин ончо жандарын, күйн-санаазының байлыгын, јебренен ала ойгорын кеен ле јаркынду јурайт.

Райнис, Упит, Лаунс совет латыш литератураның төзбөчилери боло бергендер. Шак ла олорго Латвия ССР-дин албаты поэттери ле бичичилери деген нере адалганы ѡлду. Атту-чуулу латыш бичичилердин тоозыны Латвия ССР-дин албаты позди Имант Зиедонис кокула берди. Ол туку качан Литератураның бийик курстарының угаачызы болуп турарда, бистин Туул Алтайга келип, оның жаржып «Поэттик күндүк дептери» деп бичигинде көргүскен. Бу бичиктиң геройлорының бирюзи Токтой Сомоев былтыр Туул Алтайдың делегациязыла кожно Латвияда бистин литератураның Күндеринде болгон, олордың сүрекей жылу туштажузын көргөн. Бу јуукта «Правда» газетте Имант Зиедонистин ўлгерлиги керегинде В. Огневтиң статьязы јарлалган. Автор И. Зиедонистин аш ла сүт керегинде туузыларының жаныртулу ууламжызын темдектейт. Оның айткан сөстөрин угали: «Зиедонистин туузылары башка тазылдарлу. Олордың бүдүмдери эзэм-санаада төрөн шүүлтөлөргө экелет: шак аныда элбеде ле ырада Уолт Уитмен көрүп билетен; аныда Неруда бойының «Бастыратекши жангар» деп ижин бичиген. Же мыныла түндештирүлөр божобой жат — латыш поэт элбек жайалталу, ыраакка ууламжылу...

Калыктың ченемели (жандаган жаңжыгулары, озогы куучындары, дайналар) аш керегинде туузыда мифтердегизине түней, айдарда, элбек учурлу. Же ол мифтик төзөлгөзинде бүгүнги телекейдик жерде угулган ла торгылган сүрекей чокым ўндери жадып жат.

...Имант Зиедонистин жайаандығы андый шинжүлешке элбек

жол ачып жат... Нениң учун дезе, оның жайаандығы төс учурында, бирлік болгонында...»

Калғанчы жылдарда латыш литературага жаңы ийде-қүчтер көзжулды. Литература шингдеечи, профессор Витольд Валейнистинг темдектегениле болзо, лирикада «турумкай сананыштың ууламжызы» билдирип келген. Шак ла андыйларга Ояр Вақиетистин, Марис Чаклайстың, Имант Зиедонистин, Имант Аузиньнинг ўлгерлиги келижип жат.

Калыктың историязына, оның эң артық жаңжыгуларына, ат-нерелү тартыжаачыларга Янис Петерстин, Имант Аузиньнинг ле оскозининг де чүмдемелдери учурлалган.

Калыктың историядагы салымын шингдеген шүўлтөлөр көп латыш поэттердинг ўлгерлериле ёдöt. Өдүп келген уур-күч жолдор ло жүрүмге жүткіген әрчимдү күүн-тап Эйжен Веверистин 1969 жылда чыккан «Карғышту жерге гүл-чечек тарыгар» деп жуунтызында айдайлды.

Эмдиги латыш ўлгерликтөле прозада кижиликтинг күүн-санаазы, социальный ла эл-жондық сурактар элбеде көргүзилет. Оның көрүмжилү жеринде амыр-энчүни корулаарының темазы туруп жат. Арбүткенди корулааар тема кижиликтинг байлыгын чеберлеп аларыла, жер ўстинде жүрүм учун кижининг каруулу болор учурыла ўзўлбес колбулу көргүзилет.

С. ҚАТАШ,
критик, литература шингдеечи

БАДЫШТАГЫ ЖАРАТТА

Б. БЕДЮРОВ

МОНГКУЛИК

Б, Укачинге

Түнерик бу талай түлүрөйт тымыбай,
Түргедеп мендебей, тыныжын солыбай.
Толкулар толголот, чакпынын ойлодот —
Тоозы јок түрбектер жазылып толголот.

Монгюлик дегени коштойын жанында,
Мөлтүлдеп чайпалган талайдын тынында.
Көзинге көрүлөр, көксинге илинер,
Көбүктий, ууштазан, тудулбай жап эдер.

Монгюлик бистерге берилбеген эмей,
Монгюлик калышта бүткүл бу телекей.
Монгюлик дегенин шүүнери чат темей,
Монгюлик јемтиги каныста тебилгей.

ИМАНТАР

Бир Имант бистин Алтайга кел барган.
Биелү латыштар качылап ырбаган,
Кайдаарын жарманнын жуузынан жажынган,
Канайып алдыrbай жыл жерде журтаган —
Шак мыны ончозын бойына аайлаарга,
Шакпиртту тозуштын тоозынын кактаарга,
Пастыктарла кожо байлабай тайгалап,
Баатырдый жалтанбай, баштапкы ла катап
Жоргого кадалып, јорыкка тазыккан,
Жонынын жаныга ѡлдорын табышкан,
База Лацис чилеп, ол мынаң мар алган,
Баштапкы Имант Алтайдан јол ачкан.

Экинчи Имант Москвада јолыккан.
Эрмегис кызыжып, куучыныс шуулаган.
Талайлар, тайгалар тапташкан, табышкан,
Булунгдар, учарлар буурзажып жуукташкан, —
Текшилей мынызын бойыска аайлаарга,

Телкемдер тенгдежер тебўни кайкаарга
Москвада бистерге терен тил табылган,
Молјулу јондордың ѡлдоры јолыккан,
Узагы ла јуугы уалалып катташкан.
Улузы ла оогы укаалу угушкан.
Эркин Райнис чилеп, ол мынаң мак алган.
Экинчи Имант Москвада јол ачкан.

Үчинчи Имантың утқыган талазы —
Үделик Юрмала, талайдыңjakазы.
Јенгезек ле туман кабайда экчелген
Јебрендик латыштың эл-јери эрү, кеен:
Элине — энениң колындый јалакай,
Элине — тегистинг тузындый турумкай.
Ачулу салымын ангылап аайлаарга,
Артабас тынының тамырын ылгаарга
Эртеги јалары, эмдиги јангары,
Эртениң күнининг эленчик таңдары
Үргүлжик уалган эңчизин таныткан.
Үчинчи Иманты кожонгот јол ачкан.

Үчүлези олор — ўч башка латыштар.
Үстүкпей аярзан, бир түнгей алыппар:
Үндери — тунгак, юон.
Сындары — узун, јаан.
Үчүлези олор бир кепке чабылган.
Эрмегин тыңгазан, сөстөри чарактый,
Эмештен теерменнен тёгүлип турғандый:
Экпиндү, энчилү. Шүүндеңен шүүлтөлү.
Эр табы јүрүмгө эзендик ийделү.

Эмди бу латыштар — эңjakши таныштар.
Узакты јууктадып, улустар тушажар.
Күнбадыш Балт-талай, күнчигыш Кан-Алтай,
Күүниме табыжып, күр-көксим шуулагай!

ТОМЫРАК

Томырак бычакты курчыдып берзин деп,
Токынал бүдүмдү карганды сурадым.
Эл-јерди эбирип јүрерде керектеп,
Эдинип јүрерге керееске мен алдым.

Карганак бычакты колына аларда,
Качан ол бöкөйип, чардашкан базарда,

Кайзырык јалт эткен суртулдууш балыгаш
Кайкалап баштады — суркурап бычагаш.

Быжулап ол карган бычакты курчыткан,
Бызыруун чачылтып, «балыгаш» јаанаган.
Эм јетти. Иш бүтти. Эренгис јок — ўрди.
Эмтирик јок эмтирик. Сабарыла көрди.
Чылаган ѡрёкөн тактага отурды.
Чырайы түзелип, бычакты туттурды.

Удабас Алтайга учуртып јанарым.
Узакка бу јерди мен эске аларым.
Эликтин эм буурын бир тиштеп отурзам,
Эмезе ирикти эрежип, сойышсам,
Энгирги одуда сананбай кайдайын,
Экпиндү талайдын јалакай јайкаждын,
Орёкөн латышты, текпиштү чардажын.
Ойлёрдинг шүүниндий, мангайда чырыжын.

ПУЙКА¹

Пуйка да пуйка — латыш уулчагаш,
Бу бадыш јаратта сен меге тушташтын.
Бушал-сары кеберлү карындаш,
Булунг-талайдын балазы болтырын.

Күдели ошкош јымжагаш чачтарын,
Күнге јалтырайт күлүмјик чырайын.
Күлүк бойынча чалкынга чурайдын,
Күмүш балыктый, чайпуда чыдайдын.

Алтайлап сен билбес, а мен — латыштап.
Ах, пуйка да пуйка, аайлажар арга тап!
Онгор-бушал да болзо чырайын,
Орустап јетири билбейтен турбайын.

Окпын-сокпын куучыным угазын,
Онойып ла јакшы онгдой туразын.
Оның да учун бу баштап тарыйын
Ойгортып ончозын канайып јурайын.

Алдырбас, экем, качан бир, сонында
Айладар туш келер Алтайдын јайаанын,

¹ Пуйка — латыштап «уулчак»

Кумакту јаратта, карагай талада
Куучындан бергейим такпаазын-арайын.

Чакпынду талайыс — ол тайга-таштарыс.
Чактарга керебис — ол мёнкү Алтайыс.
Алкышту јангыбыс — ар-бүткен байыбыс,
Ардакту күндүбис — ак-ярык күүнибис.

Эрине ўстине чыдаган бистердий,
Эмдештен толкуга экчелтип өзөринг.
Эл-Алтай јериме эң чындык нокордий
Эр теминге јеткели айылдан келеринг.

Ончозын ол тушта јүрек јарт коччурер,
Онгдолып көгүске ончозы ачылар.
Орус тил ажыра, орооныс кечире
Ойгорлык улу күр колбубыс улалтар.

Јангардый, чёрчёктай Алтайым өзёгин
Јаш Янка Зитардый, кайкап сезеринг.
Чактардын будугын — туулардын түдүнин
Чаңкыр көзингле көөркөмжик көрөринг.

Пуйка, эй, пуйка — эжингир талайчы,
Бу јүрүм де сеге иженгир кайкамчы.
Серпидип, јүрүмде чайкайтан неме коп,
Сен јенип онызын өдөринг укаа-тöп.

Эмештен сен билгин јүрүмнин эрееенин,
Эбира јондордынг эң ару көрүмин:
Башканынг јаражын кем баалап билетен,
Бойынынг кеендингин там теренг сезетен.

Бу јүрүмнинг эң ачу түрүмин
Бурлатпай јабайын, сен оны билбегин:
Башка баланынг көзине караарга,
Бойынынг дегежин, јük эске аларга!

Бурылтпас салымнынг бурузы шак андый.
Бузулза, чыныктап болбайтон чындыктый.
Бу латыш уулчакка «Свейкс!» деген ок,
Уулынгнаң эзенин сурайтан суру јок...

¹ Свейкс — эзен дегени.

КЕМЕРИ

Кеен булунынг куйнында
Кемери јурт санаамда.

Келескендий сурногон
Электричка сурт болгон —
Кемери јерде токтогон,
Кемери деп јурт болгон.

(Эңгир-түште мен ого
Түшкен шылтак бир болгон.
Солун кино бар дешкен,
Соottгончо бар дешкен.)

Станцияда бир бала
Астам јоктоң банкала
Жиилек садат бир уула
Ирмө акча баазыла.

Жиркирешкен улуска
Жиирге сооды не башка?
Талай ўсти чарлактар,
Там ўстине — табыштар.

Кемге керек түрүми,
Кенжейек бала жүрүми.
Көрүжи мус жаркынду —
Кöкө түштин жаажындый.
Кöзи тунук кунукту —
Көрүнбес жаш тужынгый.

Кемериде кенже кыс,
Кебиненг неге мындый сыс?
Оскö кижи балазы,
Озёккö башка тадазы.
Окпöлү öксöп öспöзин.
Оскöс салым кörбözин!

* * *

Бадышта санандым Чыгышты,
Чыгышта айлаттым Бадышты.
Бастыра бодолдор чалышты,
Чынданпант телекей јууктاشты.

Бадышта сананган ўлгерди
Чыгышка јанала чүмдедим.
Чыгышта баштаган ўлгерди
Бадышка једеле түгестим.

Чыгыштанг Бадышка учужып,
Чынааркабай, табыш угуштыс.
Бастыра калыктар јууктажып,
Башкабысjakшызын таныштыс.

Юрмала, июль, 1976 ж.

ЛАТЫШТАРГА ҮЙДЕЖУ КОЖОН

Алтайстың аржанын
Амзап јанзаар, латыштар.
Албатыбыс јангарын
Ар-калыкка јетирзеер.

Эне-Алтайдың эм суузын
Амзап јанзаар, айылчылар.
Эл-Алтайдың јыргалын
Эл-жоонорго јетирзеер.

Айак туткан колыгар
Чылабазын, айылчылар.
Чанкыр јарааш Алтайдан
Алкышту јанзаар, латыштар.

Тискин туткан колыгар
Арыбазын, айылчылар.
Туулу чанкыр Алтайдан
Ырысту једеер јереерге.

Арчын агаш берелик,
Апарзагар айлаарга.
Алтын сүрлү Алтайды
Үндýбазаар чактарга.

Табылгы агаш берелик,
Таштабай алып јўрзегер.
Туулу чанкыр Алтайды
Үндýбазаар качан да.

АЛКЫШ

Алтай, латыш албаты
Карындаш болуп танышты.
Канча јўзүн јангарлар
Алтайыска јанғылды.
Алтай, латыш калыктың
Алкышту јарааш јангары
Алтын бичикке бичилип,
Ак-ярыкка јангылзын!
Учурлу чечен сўстёрин
Улустар кычырып сўёнзин!
Эки укту албаты
Элен-чакка карындаш болзын!

(Сўсторин ШУНЫ ЯЛАТОВ чўмдеген).

ХРОНИКА

8—9 апрельде РСФСР-динг Бичиичилик Бирлигининг III пленумы ёткён.

7 апрельде оның ревизия ёткүрөр камызынын јуунында Туул Алтайдың бичиичилик биригүзининг каруулу качызы Б. Я. Бедюров турушкан.

10 апрельде эл-жондор ортодогы тематикала социализм ороондорының бичиичилерile колбу тудар јаны төзөлгөн советтин јууны РСФСР-динг Бичиичилик биригүзининг Башкартузынынг качызы С. Ф. Попковтың башкарғаныла ёткүрилди.

Советтин ижинде Б. Я. Бедюров туружып, бойының куучынында бир кезек чокым шүүлтөлөр эткен.

19—30 апрельде Б. Я. Бедюров такып Москвада јүрүп, СССР-динг Бичиичилик Бирлигининг пленумында, РСФСР-динг Бичиичилик Бирлигининг чүмдемел коччурш аайынча Советдининг ижинде (анда куучын айткан), СССР-динг Бичиичилик Бирлигининг Уставынынг јаны редакциязын белетеп тургузар Камыстың члени болгон адында оның баштапкы јуунында турушты. Анайда ок ол Кыргызстаннын Бичиичилик биригүзининг Башкартузы айттырганыла литераторлордың Төс Байзынгында Кыргызстаннын Күнинде турушкан. Энирде Б. Я. Бедюровтон башка Б. Укачин, П. Самык, Т. Шинжин ле аспиранттар Н. Киндикова, М. Толбина болгондор.

Пленумда Б. У. Укачин турушкан, куучын айткан.

19—30 апрельде Туул Алтайдың бичиичилик биригүзининг Латвия ССР-динг литературазынынг Туул Алтайдагы Күндерине белетенерile колбулу суректарды аайлашкан.

7 майда Москвада СССР-динг Наукалар академиязында ученыйлардың Байзынгында «Кадындагы ГЭС-ти тударыла колбой Туул Алтайдың алдында турган суректар» деп темала экологиянынг бөлүги ёткүрген эл-жондык эрмек-куучында партиянынг Алтайдагы крайкомынынгjakылтазыла крайдың оқылу улузы тоозында Б. Я. Бедю-

ров турушкан. Бойының адынан анда П. Самық, Т. Шинжин база турушкандар. Н. И. Шатинова куучын айткан.

Бичиичилик биригүзининг Бюроозының жакылтазыла К. Төлөсов 11—18 майда Шебалин аймактынг Беш-ичиле јорыктап, бичик садуның ижиле соныркап, бар jaан једикпес-тутактарды коскорып, Бюроның адына жетирү эткен.

25 майдан ала 5 июня га јетири Узбекистанды совет литератураның Күндери откөн. Анда Туул Алтайдан согүшчи, литература шингдеечи, ГАГПИ-нинг алтай тил ле литература кафедразының профессоры С. С. Каташ турушкан.

Бу күндерле колбой республикада Бастирасоуз наука-теоретикалык конференциялар откөн: баштапкызы Ташкентте — «Октябрьла Күнчыгыш калыктарының литературазы»; экинчиизи Самаркандта — «Социализмниң өзүми ле история-революциялык романтиканың келер ёйи» деп темала.

«Жашоскүримди патриот ло интернационалист күён-тапка тас-кадарында СССР калыктарының литературазының учурсы» деп темала С. С. Каташ Ташкенттеги конференцияда куучын айткан.

1—6 июня де Ленинградта алтай литератураның Күндери откөн. Бистин делегацияны КПСС-тинг Горно-Алтайсктагы обкомының качызы Б. К. Алушкин ле Туул Алтайдын бичиичилик биригүзининг каруулу качызы Б. Я. Бедюров башкарғандар. Күндерде А. Адаров, Э. Палкин, К. Козлов, Б. Суркашев, К. Төлөсов, кайчылар А. Калкин ле Ж. Ыжыков, кожончы Н. Шумаров, бистин айттырганысلا крайдын бичиичилик биригүзинен М. Юдалевич турушкан.

1 июня де алтай бичиичилер Ленинградтынг Бичиичилик биригүзин Качылыгында болуп, литератураның jaан учурлу суректарыла эрмек-куучын откүргендер. Айылчыларды башкартуның председатели А. Н. Чепуров, качылары В. Н. Суслов, И. О. Фоняков ло ёсқо до нөкөрлөр уткыгандар.

Ол ло күн Туул Алтайдан баргандар «Нева» журналдын ре-дакциязында болуп, баш редактор Б. Н. Никольскийле, ончо ёмёликле тушташкан. Куучын литературалар ортодогы колбулар, алтайлардын бойының күүниле Россияга бакканынан ала 230 јылдыгы, узак ёйгө Ленинградта јадып иштеген, Чуйдын јолының проегин тургускан јарлу орус бичиичи В. Я. Шишков, Ада-Төрөлдик Улу јууның јылдарында Невадагы городты корулаарында бистен турушкандар, ол тоодо алтай ўлгерчи А. Ф. Саруева керегинде откөн.

Баштапкы июньнен ала Ленинградта улу орус поэт А. С. Пушкиннинг Кўндери ачылган, онын учун алтай литературанынг Кўндерининг программазы шак ого келиштире тургузылган.

2-чи июньде алтай бичиичилер Фин булунга улу башчы В. И. Лениннинг ады-жолыла, ижиле, революциядагы тартижузыла колбулу ёрлерле јўрген. Сестрорецкте, Разливте болгон сонъинда Пискарев мемориалга чечектер салгандар. Оноғ А. С. Пушкиннинг калганчы адышкан ёринде — Кара-Сууда болгондор.

Кўннинг экинчи юарымында СССР-динг Наукалар академиязынынг этнография музейининг ѡмёлигиге тушташкандар.

3 июньде олор Эрмитажта болуп, Базырыктан апарган экспонаттарла таныштылар. Новосибирдинг телекёрўлтези айылчыларды фильмге соккон.

Энгирде СССР-динг географиялык Обществозында јылу ла ѡилбили туштажу ёткён. КПСС-тинг Горно-Алтайсктагы обкомынынг качызы Б. К. Алушкин јуулган улуска бистиг обласътын экономикадагы ла социальный ёзуми, улузы керегинде, бичиичилик биригўзининг каруулу качызы Б. Я. Бедюров ижи ле јўрўми Туулу Алтайла колбулу Ленинградтынг јарлу ученыйлары, этнография ла тюркологиянынг сурактары керегинде, Туулу Алтайдын Россияга бириккени, эки јўс ѿйданг ажыра кожно ёдўп келген наыйлык ѡолы керегинде Э. М. Палкин, алтай литературанынг ёзумине А. С. Пушкиннинг ётирген юаан камааны ла эмдиги јўрўмде учуры керегинде А. О. Адаборов куучындагандар.

Алтай калыктынг кўёлик юаандыгыла јуулгандарды А. Калкин ле Н. Шумаров таныштырган. К. Тёлосов, Б. Суркашев ле ѡскёлопри де ўлгерлерин кычырып, литература керегинде куучын ёткўргендар.

Уткый айткан куучындар база јылу ла кёдўрингилў болгон.

4 июньде литературанынг байрамынынг туружаачылары Смольныйда болуп, В. И. Лениннинг јаткан ла иштеген ёриле танышкандар. Анда ок Ленинградтынг каруулу партийний ишчилериле туштажу ёткён.

Кўннинг экинчи юарымында алтай бичиичилер «Мойка-12» деген турада болуп, улу орус поэт А. С. Пушкиннинг калганчы кўндери ёткён музей-квартирала танышкан. Музейдеги лекторийде литературанынг туштажузы ёткён.

5 июньде Кўндердинг туружаачылары Кронштадта болуп, талайчыларла тушташкан.

Энгирде журналисттер Байзынгында алтай литературанынг Ленинградтагы Кўндерининг итогторы шўўжилген.

Эртengизинде бистиг бичиичилер Алтайна юанып ийгендер. Бичиичилик биригўзининг каруулу качызы Б. Я. Бедюров ло Алтайдынг бичиктер чыгарар издательствозынинг Туулу Алтайдагы бўлӯгининг директоры Э. М. Палкин дезе юолой Москвага табарып, Гос-

комиздатта, оқылу организациялар ла учреждениелерде болуп, би-
чик кепке базар сұрактарды аайлашкан.

Б. Я. Бедюров ССР-дин Бичиичилик Бирлигининг чүмдемел ли-
тература аайынча Бюрозының айттырузыла баш айас Брянс обла-
зында Тютчевтінг Бастырасоюз байрамында туружып, алтайна
18 июньде жаңган.

* * *

26 июньде Горно-Алтайскта М. И. Калининнинг адыла адалған
облбилиотекада бичиичилик биригүзининг каруулу качызы Б. Я. Бе-
дюровтың башкарғаныла К. Ч. Төлөсовтың 50 жаңына учурлай ли-
тературалының энгери өткөн.

Бичиичининг жүрүми ле жайаандығы керегинде докладты ССР-
дин Бичиичилик биригүзининг члені Ж. Б. Каинчин эткен.

Энирде К. Төлөсовтың адына келген телеграммалар қычырыл-
ған, куучын айтқандар бичиичининг жайаандықтагы једимдерин тем-
дектеп, келер ойлорғо једимдер күүнзеген.

Юбилиярга учурлалған литератураның энгери эртөнгизинде оның
төрөл Қаспа жұртында өткөн.

* * *

6—12 июльде Латвия ССР-дин литературазының Туулу Алтай-
дагы Құндері өтти.

* * *

3—17 июльде Ж. Каинчин ССР-дин Литфондының командиров-
казыла Москвада Совет Черўнинг Төс архивинде казынып, алтай
улус граждан жууда турушканыла колбулу материалдар жууды. Оны
бичиичи жаңы чүмдемелинде тузалана р күүндү.

* * *

18—23 июльде ССР-дин Бичиичилик Бирлигининг Өскө ороон-
дорло Камызы ажыра Туулу Алтайда бичиичи Михаэль Шнайдер
(ФРГ) эш-нөкөри, баштамы класстардың ўредүчизи Ингеборгло ко-
жо болды. Олорды бери тилемешчи, Москвандың бичиичизи Р. Фиш
үйдекип келген. Олордың амадузы Туулу Алтайла, оның улузыла,
ижи-тожыла, жадын-жүрүмиле таныжып бичиичи болгон.

М. Шнайдер — очеркист, публицист, драматург. 1943 жылда Ке-
нигсбергте чыккан. Алтанаңчы жылдарда жашошкүримнинг жуучак-
ка удурлажа тартыжузында эрчимдү турушкан. Оның документ-
очерк кептүү мындей бичиктери анчада ла жарлу: «Күнбадыш
Герман орныктыру», «Меланхолик солдор» ло өскөзи де. М. Шнайдер —
ФРГ-нинг бир канча литературалык сыйларының лауреаты,
Гессен жерининг Бичиичилик биригүзининг Башкартузының члені.

Келген күн айылчылар областының башкараачыларыла, алтай бичиичилерле туштажып, краевед музейде болгондор.

20 июльде НИИИЯЛ-дың ишчилериле танышкан, Маймадагы саржу-сыр эдер заводтың ижиле жилбиркеген.

21—22 июльде Шебалин аймактың Беш ичинде, Алтайдагы чөнгөлтөрткүнде хоziйство (Чарғы-Оозы), пионерлагерьде, Акјул јуртта болгондор. Бу јол-јорыкта олорды бичиичилик организацияның каруулу качызы Б. Я. Бедюров, литконсультанттар А. О. Адаров ло Т. Т. Торбоков ўйдежип јўргендер.

Айылчыларды кайда ла јылу уткып, јурттарда дезе алтай калыктың аш-курсагыла күндүлеп, алкыштар чойип, кур курчагандар.

23 июльде Горно-Алтайскта немец айылчылар чörчöкчи Шуны Ялатовло тушташкан, ол бойы чўмдеген уткуул кожонын айдып берген, Б. Бедюров ло А. Адаровтон интервью алгандар.

* * *

26 июльде Сростки (Эн-Учук) јуртта В. М. Шукшиннинг Бастирасоюз Күндери ёткён.

Јерлекистин Күндериин КПСС-тиг Алтайдагы крайкомының кочызы А. С. Желябовский ачкан. Анда јарлу бичиичи, Социалистический Иштин Геройи В. Распутин, поэттер Е. Исаев, В. Жуков, РСФСР-динг Кайралду артизи Л. Соколова, кинорежиссер И. Тарховская ла ёсқо до нёкёрлёр куучын айткандар.

Сос айткандар совет литератураның ёзумине, кинонын керегине В. М. Шукшиннинг јетирген jaан ўлўзин темдектеп, оныла колбой эмдиги юйдин курч суректарын — ар-буткенди корыры, кижизек күүнди чеберлеери аайынча суректарды көдўргендер — олор ончозы бичиичининг чўмдемелдеринде кызыл учуктый шыбалып калган.

Алтай бичиичилер тоозынан Күндерде Б. Бедюров, Б. Укачин, Ж. Белеков, С. Каташ, Э. Тоюшев турушкандар.

Т. Тонгужан

БАЖАЛЫҚТАР

Латвияга Алтайдын уткуулы. (Н. Ялатов чүмдеген)	3
Латвия ССР-динг литературазыныг Күндери — Туулу Алтайда	4
Токтой Сомоевтинг И. Зиедониске уткуулду кожоны	10
И. Зиедонис. Поэттин күндүк дептери. Ж. Қаничин кочургэн	11

Сөс — латыш литературалың Туулу Алтайдагы Күндерининг туружаачыларына

Л. Бридака. Сен болорынг элбек. «Ак булут кочёт, машина мендейт...»	55
А. Ередеев кочургэн	
Я. Петерс. Текши өзök-тамырыс. «Теремди отпöктит сыйыра тарттылар...» Б. Бедюров кочургэн	56
К. Скуеникс. Чолмон. «Агаштын каны менинг тамырымда...», «Эки түнгэ чалынду...» Б. Бедюров кочургэн	57.
М. Чаклайс. Түнде, Яна, чалынду буудайда. Кеп куучын. Мендеш. Б. Кортин кочургэн	59
Э. Ханбергс. Тойгöштөр (куучын). В. Тоенов кочургэн	61
М. Костенецка. Энем, мен якшы жүрүм (куучын). К. Тепуков кочургэн	64
А. Колбергс. Кölötкö (романнаң алган бажалық). Ж. Маскина кочургэн	68
Б. Куняев. «Плаханы» кычырып... Сүүш. Э. Палкин кочургэн	74
Ж. Рокеллис. Бат. Кöl жаңында. Б. Бедюров кочургэн	77
О. Герт. Бийик јердинг улузы. Т. Костенко, В. Тоенов кочургэндер	78

Латыш литературалың Туулу Алтайдагы Күндерининг туружаачыларына сөс

У. Берзиньш. Верлибрлер. «Бу да колбуда сен кöдүрил, калганчы күрееде тур...» Городтынг романсы. Жака јер. «Jaғыс ла ағылу күүлүү...». Ш. Шатынов кочургэн	97
М. Залите. Карапайда. «Ончозы кыймыкта, ончозы ла тириү...» «Ак туманнынг шаны мен...» Омок уулдардынг кожоны. Ж. Белеков кочургэн	99
П. Бруверис. Бу жаркынду бйдö. Не керегинде сананадынг. Эзейдим. Ондол алзам чы... Э. Тоюшев кочургэн	101
С. Радзобе. Он күн чанкыр Алтайда. А. Тодошев кочургэн	103

Алтай литературалың Латвиядагы Күндерининг туружаачылары куучындайт

А. Адаров. Наýлыктынг бийик учуры	109
Т. Акулова. Алтын айактаң суу ичтим	114
С. Каташ. Күүн-санааларыла бирлик	117
Б. Бедюров. «Бадыштагы жаратта» деп ўўрликтең	125
Латыштарга ўйдөжү кожон. Алкыш. Н. Ялатов чүмдеген	129
Хроника	131



Себининг боочызында. Айылчыларга чеген амзадып турганы. Солдон оң жаңы жаар Туулу Алтайдың бичинчилик биригүзинин каруулу качызы Б. Я. Бедюров, латыш бичинчилер Латвия ССР-динг культуразының Кайралду ишчилери Борис Куняев ле Лия Бридака.

